

增補文獻備考

三

內閣文庫		
函	冊	號
三八二	五二	一〇五
架	冊	號
漢書類		

內閣文庫		
番號	漢	105
冊數	51	(4)
函號	288	37

183





增補文獻備考卷之十一

新羅南解王十五年旱蝗饑二十一年九月蝗○婆娑王五年大有年

至七月不雨三十三年春夏大旱饑民相食○祇摩王十一年七月飛

蝗害穀○逸聖王十七年夏旱自四月至六月不雨○阿達羅王八年

七月蝗二十一年春旱井泉皆竭○奈解王十五年春夏旱三十一年

旱蝗附豐○新羅南解王十五年旱蝗饑二十一年九月蝗

○婆娑王五年大有年

○至七月不雨三十三年春夏大旱饑民相食

○祇摩王十一年七月飛蝗害穀

○逸聖王十七年夏旱自四月至六月不雨

○阿達羅王八年七月蝗二十一年春旱井泉皆竭

地補文獻備考 卷十一
春夏大旱○助賁王八年八月蝗十三年大有年○沾解王七年夏旱自五月至七月不雨十三年七月旱蝗○味鄒王七年春夏大旱○儒禮王九年七月旱蝗○基臨王五年春夏旱○訖解王四年七月旱蝗○奈勿王十七年春夏大旱饑二十一年大有年二十六年春夏旱三十四年七月蝗饑四十二年北邊旱蝗饑四十四年七月飛蝗蔽野四十六年春夏旱○實聖王五年七月國西蝗害穀○訥祗王四年春夏大旱十六年春饑穀貴人食松樹皮三十七年春夏旱○炤知王十四年春夏大旱十九年七月旱蝗○智證王七年春夏旱○眞興王三十四年春夏旱○眞平王十四年夏大旱三十五年春夏旱五十年夏大旱秋饑民賣子女自活○善德主元年夏旱○聖德王四年五月旱國

東饑五年饑六年饑十三年夏旱十四年六月大旱十九年七月蝗害穀○景德王四年五月旱六年秋旱饑十三年八月旱蝗○恭惠王五年五月旱蝗○眞平王十四年夏大旱自二月至八月不雨五月時食○小堀王八年時金巖鎮浪江蝗入界蔽野巖登山頂焚香至誠祈天風雨忽作蝗高盡斃○眞平王十四年夏大旱自二月至八月不雨五月時食○小堀王八年時金巖鎮浪江蝗入界蔽野巖登山頂焚香至誠祈天風雨忽作蝗元聖王二年秋旱京都饑三年七月蝗害穀四年秋國西旱蝗十一年四月五月旱十二年京都饑十三年九月國東蝗害穀○哀莊王十年七月大旱○憲德王七年秋國西大饑八年正月年荒民抵浙東求食者一百七十人九年夏秋大旱民多飢死者十二年春夏旱大饑冬饑民賣子自活十三年春饑○興德王二年八月京都大旱七年春夏大

旱赤地八年大饑○文聖王二年夏大旱自四月至六月不雨冬饑十年夏旱十五年八月西南州郡蝗○憲安王二年夏大旱自五月至七月不雨三年春饑○景文王七年冬饑十二年八月蝗饑十三年春饑○眞聖王二年五月旱○孝恭王十年四月五月不雨○景明王五年八月旱蝗

高勾麗太祖王三年八月國南蝗害穀十年八月國南飛蝗害穀五十六年春夏大旱赤地饑六十六年七月蝗害穀○西川王三年六月大旱○烽上王九年大旱饑自二月至七月不雨民相食○小獸林王八年旱饑民相食○古國壤王五年四月大旱八月蝗六年春饑民相食○廣開土王十一年七月旱蝗十五年蝗○長壽王三十二年大有年

○文咨王十一年八月蝗○安藏王五年冬饑○安原王六年春夏大旱八月蝗七年春饑○平原王五年夏大旱十三年八月旱蝗二十三年秋饑

百濟始祖四年春夏饑三十三年春夏大饑民相食三十七年四月五月旱饑四十五年春夏大旱草木焦枯○已婁王十四年三月大旱無麥三十二年春夏旱饑民相食○肖古王二十二年五月王都旱井泉及漢水皆竭四十三年秋旱蝗四十六年八月國南蝗饑○仇首王十四年夏大旱○古爾王六年春夏旱自正月至四月不雨十三年大旱無麥十五年春夏旱冬饑二十四年正月大旱樹木皆枯○比流王十八年七月國南蝗二十八年春夏大旱草木枯江漢竭冬饑民相食○

近仇首王八年春夏不雨饑民鬻子自活○阿莘王十一年夏大旱禾苗焦枯○腆支王十三年四月旱饑○毗有王七年春夏旱二十一年七月旱饑二十八年八月蝗饑○三斤王三年春夏大旱○東城王十一年大有年二十一年夏大旱民相食二十三年旱自五月至七月不雨○武寧王二年春饑六年夏旱自二月至五月不雨川澤竭二十一年八月蝗饑○武王七年四月大旱饑○義慈王十四年春大旱饑十七年四月大旱赤地

高麗太祖十七年西京旱蝗○成宗七年夏旱蝗十二年六月東北界蝗○穆宗十二年六月東北界蝗○顯宗三年秋東北州鎮有年七年七月蝗秋江南饑八年六月螟九月蝗九年五月西北界螟十一年六月

月西北界蝗十五年五月旱十九年八月西北界蝗○靖宗二年五月旱○文宗三年關內饑四月西北界饑六月關西安北饑十八年四月旱饑二十一年京北饑○宣宗三年夏大旱自四月至六月不雨九年東路饑十年東路又饑○肅宗三年四月五月旱○睿宗十五年秋大旱自夏至八月不雨五穀不登疾癘大興十六年大旱○仁宗五年七月西北界蝗十年七月京都饑穀貴物賤銀瓶一斤直米五斗小馬一匹直一石特牛一頭直四斗布一匹直六升街巷餓殍相望十一年五月旱蝗食京畿松葉殆盡諫官奏言凡臣安祿位厥災為蟲食根經德無常食葉不出無德食本與東作爭食莖蔽○毅宗元年七月海州蝗三年六月蝗六年六月旱十六年四月五

惡生孽食心此乃公卿食祿尸位無益之應也

月大旱十八年五月大旱草木萎黃二十三年春夏大旱自正月至四月不雨○明宗三年春夏大旱自正月至五月不雨川井皆竭禾麥枯槁火災多作疾疫並興人多饑死至有市人肉者十一年春夏大旱自正月至四月不雨二十一年八月西海道蝗二十四年六月旱○神宗二年七月蝗○高宗十四年全羅道饑五年五月北界蝗十七年正月大饑道殫相望四十二年春大饑夏秋大旱清州以南自三月至七月不雨江陽郡蝗食桑葉成壘四十三年秋大饑銀一斤直米二石四十四年閏四月京都大饑四十六年正月京都大饑民相食官吏與民就食於南州者絡繹於道重房御史臺禁官吏出關多饑死者○元宗元年夏大旱京畿蝗○忠烈王三年三月耽羅大饑民有闔戶死者六年

三月蝗全羅道饑八年四月五月大旱十一年四月大旱十三年三月全羅道饑民或有食其子者四月大旱十七年五月蝗二十七年大旱東界自正月至九月不雨二十九年八月肅州大旱原野自燒○忠宣王三年大旱自四月至八月不雨○忠肅王後四年大旱自三月至五月不雨○忠惠王後四年春旱八月東界山谷蝗五年四月大旱自前年五月至今今年四月不雨○忠穆王三年四月五月大旱四年四月京都大饑○恭愍王三年夏旱秋饑布一匹直米一斗三升九月蟲食松岳松幾盡六年九月西北面大饑七年春夏大旱東北面及交州江陵道饑八年六月楊廣全羅慶尙道大旱冬大饑九年四月大旱冬大饑全羅慶尙道尤甚餓死者過半棄兒道路者不可勝計京都布一匹直

米五升十年三月龍州饑民相食夏西北面大饑盜賊蜂起十四年五月京畿蝗十六年五月南方大旱行旅不得水熊津渡纒濡馬足二十一年冬饑布一匹直米一斗五升二十二年四月全羅慶尙道饑○辛
 禍二年六月大旱九月西北面蝗四年五月旱冬京都饑布一匹直米一斗三四升五年五月旱六年六月京都饑布一匹直米五升七年五月旱大饑布一匹直米一斗慶尙道高靈郡尤甚饑死者無數棄兒滿路八年春旱無麥苗七月京都大饑布一匹直米三四升○恭讓王二年五月蝗江陵交州道蝗食苗四年六月蝗食太廟松旣

太廟之松未嘗食至是始食之

虫之食松五年于茲而

本朝 定宗元年忠清道饑

太宗十一年西北豐海等道大旱十五年大旱十六年京畿饑
 世宗十八年饑二十七年京畿江原道大饑
 文宗庚午大旱自四月至六月不雨
 端宗壬申七月平安道大旱秋饑二年京畿關東三南大饑
 世宗三年下三道饑
 睿宗元年六月關西汾江饑
 成宗元年秋兩南饑八年蝗十二年六月大旱十六年六月大旱十七年春大旱秋三南大饑二十三年大旱饑
 中宗六年北界大旱二十年京都饑三十五年大旱
 明宗乙巳秋京外大饑餓莩載路二年饑三年京都饑

宣祖三年自五月至七月不雨嶺南大饑五年五月有蟲食禾苗十二年六月咸鏡道大旱禾苗盡枯十三年秋饑京畿江原兩西尤甚十七年冬海州饑民掘食白土二十六年水大饑木綿一匹直米二升一馬價米三四斗二十七年饑二十九年大有年木綿一匹直米三四十斗豆則五六十斗

光海君戊申大旱饑四年咸鏡道大饑死亡無數七年五月大旱草木盡枯井泉皆涸冬大饑十一年秋連月大旱禾稼盡枯大饑

仁祖四年秋大饑餓莩相望三南尤甚五年兩西大饑六年七月大旱七年夏大旱兩湖右路尤甚人無飲水者木綿一匹僅買五六盆濟州饑十六年大饑兩南尤甚十七年五月大旱十九年四月大旱二十五

年春大旱秋大水大饑畿甸尤甚

孝宗己丑初咸鏡道饑二年松京饑三年全羅道饑四年江都饑六年五月大旱關北饑八年夏大旱九年兩湖沿海饑十年濟州饑關西大饑

顯宗己亥七月大旱元年饑二年大饑兩南尤甚三年饑七年咸鏡道饑八年京畿湖西饑九年京畿及兩西饑十年京都及湖南饑十一年夏大旱秋大水大饑十二年大饑

肅宗甲寅秋關西饑元年五月富平地有蟲名螻蛄穴地中而畜生蠶食穀苗三年夏大旱冬京都嶺南湖西饑五年饑六年北道饑八年濟州及兩西饑十年旱十一年旱饑十二年湖南饑十四年大有年十六

增補文獻備考 卷十一
年夏旱十七年京都饑二十一年大饑二十二年大饑二十四年饑二十九
十九年饑三十年夏旱三十八年京都饑三十九年饑畿甸湖西尤甚
四十年春旱四十二年畿內饑

景宗二年濟州饑

英祖元年七月大旱饑二年三南饑三年夏旱六年大有年七年夏大
旱又大水大饑八年大旱饑十三年三南大饑十六年夏旱十七年冬
北關饑十九年北關饑二十年饑二十六年饑二十七年北關饑二十
九年饑三十一年大饑三十二年大饑三十八年冬饑畿甸及三南尤
甚四十年大旱自四月至七月不雨四十四年濟州饑四十六年饑
正祖七年饑

純祖三十二年大饑

今 上十三年夏旱八月十一日霜殺穀八路大饑二十五年夏旱

癘疫

新羅南解王十九年大疫○祇摩王九年三月京都大疫○逸聖王十
六年十一月京都大疫○阿達羅王十九年二月京都大疫○奈解王
八年大疫○奈勿王三十四年正月京都大疫○慈悲王十四年十月
大疫○炤知王五年十一月京都大疫○景德王六年冬疫○文聖王
三年春京都疫○景文王七年五月京都疫十年冬疫
高勾麗中川王九年冬大疫○安原王五年十二月大疫
百濟始祖四年春夏疫○仇首王十六年冬大疫○近仇首王六年大

疫○東城王二十一年冬大疫○武寧王二年春疫六年春大疫

高麗顯宗九年四月京都疫王分遣醫療之二十一年十二月京都大疫人多

死亡○睿宗四年京都疫○明宗十七年五月京都大疫命五部設道符神醮以禳

之○高宗四十一年六月京都大疫死者相枕四十二年冬京都大疫

○元宗三年十月京都大疫○忠烈王七年大疫○忠穆王四年夏京

都大疫死者甚衆○恭愍王二十三年三月京都大疫

本朝 文宗庚午黃海道大疫上親製文遣官祭之乃息

成宗五年六月疫

中宗二十年春平安道大疫死者七千九百餘人行厲祭于宗廟社稷及棘城

明宗元年四月咸鏡道疫二年饑疫十七年六月清洪江原兩道疫

宣祖十年大疫八道大疫兩界尤甚牛馬亦疫農夫用人耕田云十三年三南大疫

二十七年大疫

光海君四年咸鏡道大疫死亡甚衆

仁祖十六年秋咸鏡道大疫死亡無數二十二年正月大疫

孝宗二年春西路大疫死亡甚多遣官設祭送藥救療五年五月全南道大疫

顯宗三年夏大疫九年春大疫

肅宗二十四年夏大疫四十四年夏大疫

英祖八年夏大疫十八年冬疫二十六年夏疫

純祖二十二年七月大疫

憲宗元年夏大疫

哲宗十年九月大疫十一年七月又大疫十三年八月大疫

今 上十六年七月八路大疫十八年秋大疫二十三年夏大疫三十

二年夏大疫光武六年秋疫人多暴死謂之虎列刺又稱黑死病

人異

新羅伐休王十年三月漢祗部女一產四男一女以下生○文武王十

年六月漢祗部女一產三男一女賜粟百石○文聖王十年熊川州向省大

舍妻一產三男十四年六月屈自郡大舍石南鳥妻一產三男一女○

憲德王六年十月黔牟大舍妻一產三男十七年三月武珍州馬彌知

縣女產兒二頭二身四臂產時天大雷秋牛頭州大楊管郡黃知奈麻

妻一產二男二女賜租百石○憲康王八年十二月枯彌縣女一產三男

高句麗寶藏王七年七月王都女產兒一身二頭

高麗顯宗十年十一月丙子鸚溪坊民崔老妻一產三男十二年十二

月甲辰靜戎郡民元效妻一產三男十四年六月弘仁坊勤孝妻一產

三男十八年金州民世明妻一產三男○靖宗元年二月癸酉晉州民

得廉妻一產三男準舊例賜三男租各四十石三年三月尙州民女一產三男賜其子粟

三十石仍○文宗六年五月壬申竹州新昌里有一女一產三男○睿

宗三年八月癸卯沮江渡女一產三男四年十月鎮安坊軍崔幸妻一

產三男○仁宗七年四月癸酉長平鎮官婢產卵三斗大者如鴨卵小

者如雀卵皆析出小蛇長寸許○明宗十五年四月乙亥開城府馬川

里女一產二男○高宗七年四月丙午中原府有女身長三尺凡三產

皆非人或蟾或蛇或蛙十年正月水金洞有女生兒人首蛇身○辛禡

九年五月庚午有私婢一產三男賜米二十石

本朝 仁宗元年京城賤婦產兒一身二頭未幾兒與母皆死

明宗十年晉州私婢允德懷孕四朔生產遍身有羽如鶴雛

宣祖十六年七月坡州有一女生男四目四耳兩鼻兩口四手四足兩

腎產後卽死

仁祖六年九月郭山郡有一女一產三男坡州有一女一產二男一女

七年三月平壤府有一女一產二女一男

英祖四十三年山陰縣女子終丹七歲生兒以事係變異島配其女改縣名山清

正祖丙申梁山郡有一女一產三男安州有一女一產三男二年蔚山

府良人李惡只妻一產二女十二年八月安東府良女一產三男十五

年鐵山府李興馥妻一產二男二女漢城府南部私婢德伊一產二男

一女

純祖二十九年八月昌平縣鄭達周妻一產四男若此類者多而今不盡錄

新羅奈解王二十七年四月南新縣人死歷月復生以下人妖○法興王十

五年近臣異次從以佞佛被誅及斬血從斷處湧色白如乳衆皆怪之

○孝成王四年七月有一緋衣女人自隸橋下出謗訕朝政過孝信公

門忽不見○憲康王五年三月王巡關東州郡至開雲浦有一人奇形

詭服詣王前歌舞從王入京自號處容每月夜歌舞於市竟不知所在

詳見樂考又有四神人詣駕前歌舞衣巾詭異形容可駭時人云山海精靈

○憲康王出遊鮑石亭南山神現舞於前左右不見王獨見之王自作舞以像示之神曰詳審國人傳此舞曰御舞或曰審象其貌命工摹刻以示後代故又云象審山神知國將亡故作舞而警之云
高勾麗寶藏王十三年四月或人於馬嶺上見神人曰汝君臣奢侈無度敗亡無日云

百濟始祖十三年二月王都老嫗化爲男○東城王二十三年正月老嫗化爲狐而去○義慈王十九年八月有女屍浮出生草津長十八尺高麗毅宗十七年二月丁丑惠民局南左右街巷有小兒分東西二隊各結草爲人形如三歲童女衣以錦繡繒綵又裝一婢子隨其後前有几案方丈飾以金銀珠玉仍投飲食觀者如堵二隊爭媚鬪巧呼叫作

亂如是者五六日不知所之

訛言

新羅祇摩王十一年四月大風東來都民訛言倭人大來爭遁山谷王命伊滄翌宗等諭止之

百濟義慈王二十年四月王都市民無故驚走如有捕捉者僵仆而死者百餘人亡失財物無數

高麗顯宗五年十一月庚寅訛言北山諸寺僧舉兵來京城大駭戒嚴○睿宗七年十一月戊寅昏時京中忽然驚動呼號久而乃止○仁宗元年四方訛言有司將取民間小兒投之江中轉相驚恐至有亡匿山中者西海道尤甚十三年正月壬子民訛言西京兵至金郊驛西郊居

民皆挈家入城○明宗九年冬有妖言歲抄當有變重房使禁軍露刃環衛近侍闈宦逃匿者過半十三年二月自京西州達于京城訛言國家禁畜白犬不從令者誅於是凡畜白犬者皆殺之或投之江中其不欲殺者涅其毛特下詔禁之八月癸巳朔夜城中大驚譟聲震都下十五年八月都城訛言江南婦女年少無夫者皆死良家女畏死多有淫奔者王命有司設佛事以禳之○熙宗六年崔忠獻廣營第宅國內訛言捕童男女衣五色埋宅四隅禳土木之氣凡有兒者抱負遠遁或無賴者詐捕小兒其父母厚賂乃免都民驚懼失措忠獻榜示諭之乃止時訛言無所不有朝廷不能禁太史乃奏請祓之○高宗十年三月京城妖言今月初八日出門外則輒死是日市肆爲空二十七年五月京

城訛言用人五十祭天狗男女惶怖姦猾因之乘昏淫盜者甚衆御史臺榜諭不能禁月餘乃息○忠惠王四年四月營新宮京城訛言王欲取民家小兒五六十輩埋新宮礎下家家驚駭抱兒逃竄者多惡少乘間恣行剽竊○恭愍王十二年六月甲子闕內無故自驚十六年民間訛言五六月人當盡死人各美衣食待之憲司禁之益訛十八年二月丙辰訛言唐船已入西江城中洶洶流離失所者頗衆二十一年六月庚辰訛言唐人食人於京內外○恭讓王三年十一月民間訛言帝使求童女而來舉國疑懼嫁女之家燈燭相連輝映街里其不備禮而婚娶者不可勝計

本朝 宣祖十年春民間訛言毒疫神下降當食五穀雜飯以禳之都

下喧傳儲雜穀者獲大利又云當食牛肉塗血于門以禳之處處屠牛
無數三十六年京城西江人一夜相驚奔走山谷或有搬移過江者以
爲夜中有兵馬廝殺之聲自城中而來轉相驚駭逃散或疑關王廟神
所爲

光海君十一年四月虛傳倭犯古阜金溝或云已到任實南原避亂者
滿道

仁祖十六年四月京外人心騷撓訛言忽起或云倭賊犯境已踰烏嶺
都民荷擔奔避三日乃定

肅宗甲寅九月乙丑夜城內訛言猝起人民洶洶轉相叫呼達夜奔避
街路填咽到曉未定三十六年訛言海浪賊之說盛行八道騷動累月

乃定

英祖三十四年訛言荒唐船來泊海西剽殺人民始起於延安白川終
遍八路峽中愚氓舉皆逃竄山谷累日乃定

正祖十一年四月訛言起自湖中傳云賊至大小奔波平澤縣監李衡
弼至欲調兵待變轉相驚疑至于圻甸避亂者彌滿江郊時前叅判柳
憲罷官江居嚴飭津夫毋或妄動曉諭村氓曰敢有奔避者死民人賴
此底定事聞衡弼坐罷

童謠

甄萱時有童謠曰可憐完山兒失父涕漣濡未幾萱爲其子神劔所幽

四

高麗毅宗時童謠云何處是普賢刹隨此盡同力殺未幾幸普賢寺遭武臣之變○高宗三十六年十一月有童謠云瓠之木枝切之一水鐮陋台木枝切之一水鐮去兮去兮遠而去兮彼山之巔遠而去兮霜之不來磨鎌刈麻去兮○忠烈王二十年正月有童謠云萬壽山煙霧蔽

未幾元世祖訃至

○忠肅王時童謠云用綜布作都日政事眞墨册我欲油今

年麻子少噫不得及金之鏡等掌銓曹用事者爭相塗抹朱與墨相渾謂之黑册政事○忠惠王時童謠云阿也麻古之那從今去何時來未幾王被竄于元未至揭陽薨于岳陽至是解之者曰岳陽亡故之難今日去何時來○恭愍時童謠云牛大吼龍離海淺水弄清波又云忽有一南寇深入臥牛峰及辛丑王避紅巾亂南奔安東幸映湖樓至是人

曰昔聞其語今見其驗○辛禡二十一年犯遼東童謠有木子得國之語軍民無老少皆歌云○又童謠云西京城外火色安州城外烟光往來其間李元師願言救濟黔蒼至威化島回軍時其言乃驗

本朝開國初有童謠云彼南山往伐石釘無餘蓋釘者伐石之具也未幾南閭鄭道傅以事誅南謂南閭釘謂鄭道傅釘與鄭同音餘字釋但與南閭之音相似謂南鄭皆無矣

宣祖二十四年間童謠有四月大月末京畿監司雨裝直領之語翌年壬辰倭亂聞賊勢甚急以四月三十日去邠時大雨翻盆而上乘闕雨具上下俱冒雨沾濕而行京畿監司權徵追到沙峴以所着油衫進御大月末雨裝直領之語至是始驗

增補文獻備考 卷十一
仁祖二十七年大喪卜壽宮於坡州相役僧軍中有蛇穴正穴之謠築
杵唱和有若行語而人皆尋常聽過不以爲意至 英祖辛亥以陵上
蛇虺之變大臣禮官奉審後改卜交河右議政李堞以舊時僧謠陳達
人皆驚異之

火災

新羅祇摩王二十一年二月宮南門災○逸聖王二十年十月宮門災
○味鄒王元年七月金城西門災延燒民家三百餘戶○炤知王四年
二月金城南門災○眞平王十八年十月永興寺火延燒民家三百五
十戶○善德主時有志鬼變爲火鬼之異主命術士作呪詞曰志鬼心
中火燒身變火神流移滄海外不見不相親時俗帖此詞於門壁以鎮

火災○憲德王五年二月始祖廟立德門火○文聖王十四年調府災
百濟仇首王七年十月王宮西門火○比流王三十年五月星隕王宮
火延燒民戶

高麗穆宗十二年正月壬申大府油庫災延燒千秋殿○顯宗三年六
月癸卯龍津鎮民家三百四十餘戶火十二年二月癸亥仁壽門外民
家二千戶災十九年三月丁未龜州官舍及民家八百四十餘戶火○
德宗元年二月癸酉靈州火○靖宗四年二月庚寅中部民家八百六
十戶火六年二月庚寅昇平門廊屋數百間災延燒御史臺己酉松岳
神祠災九年正月乙酉白翎鎮火延燒城門二百餘間倉庫五十間民
家三百餘戶○文宗十二年十二月甲子內史門下省火延燒會慶殿

東南廊二十年二月己亥雲興倉灾積年所蓄盡為灰燼三十二年四月丙申將作監灾○宣宗三年三月庚辰市廛灾四年九月庚戌朔夜懷蛟驛行在所扈衛軍營火七年三月戊子夜大震雷新興倉灾困廩鉅萬燒盡飛焰蔽空而民室無損者

御史臺詔日官曰何不言火灾之兆太史丞吳相曰去年火星守天

困報本局知事崔士謙抑而不奏於是黜士謙

九年三月丙辰祭器都監藥店兩司樓門及市

巷民家六百四十戶火○肅宗五年八月己未宮南樓橋東廊及四店

館掌牲司儀二署火延燒民戶數百六年四月乙巳吏部火十二年

史

雖如此而肅宗無十二年可疑

十二月戊寅左監牧火壬午大寧宮灾○睿宗元年十

二月丁丑大寧宮灾九年五月戊戌中尙署火十三年十二月己亥明

陵火十四年正月迎恩館火十月辛巳乾明殿火十五年十月戊戌鵠

嶺城火十六年三月市廛火○仁宗六年正月乙巳仁德宮火二月癸

亥南京宮闕灾七年二月癸丑供備庫火九年八月西京太華闕西山

有火列如衆燈俄而合成大燈而滅十年三月丁酉仁德宮老榆火出

自焚十四年十一月乙酉東京兵庫火十五年二月癸丑東界禾登成

兵庫火延燒民家七十餘戶二十一年五月丁卯延德宮火二十二年

十一月丙寅市廛火延燒民家數十戶二十三年正月癸亥仁恩館火

丁亥大同門及遮城左右廊五十五間火○毅宗七年六月庚申穆清

殿灾十一年三月壬申尙乘局灾延及御輦十二年四月癸巳新倉館

里民家三百二十餘戶灾十一月癸未萬寶殿灾十三年正月辛巳禁

中十員殿灾十五年三月乙丑東界宣德鎮兵庫三百餘間及民家三

百戶火○明宗元年十月壬子夜宮闕災諸寺僧及府衛軍詣闕將救火鄭仲夫等恐有他變閉紫

城門不納殿宇悉焚王出山呼亭痛哭庚應圭詣景靈殿抱五室祖真以出又至中書省出國印五年二月辛巳內史

洞宮災七年十月壬申宮闕都監及市廛火十年十二月辛丑夜三司

災十一年正月辛亥寫經院災十五年八月乙丑戶部版籍庫災十七

年正月庚戌樞密院火延燒壽昌宮廊二十餘楹十一月庚申平壤祠

堂災十九年五月辛亥太倉災連三日燒六十二庚○康宗元年十一月大雷雨

太倉災○高宗三年十月癸丑內莊宅災九年二月甲辰市廛火十二

月太僕寺災十年正月辛亥戎器都監災十月己丑內都校災十二年

十月丁未儲祥奉元睦親含元四殿災延燒禁城廊廡一百三十七間

十二月辛卯興國寺火十五年十月丁巳和州城廡三百餘間火十六

年三月庚寅和州兵庫庫災四月乙巳三司文帳庫災十七年七月戊午

太倉八廩地庫皆災崔瑀恐有變擁家兵自衛無一人往救者火徹夜不滅二十一年正月丙午

大風闕南里民家數千戶火三月癸丑大風闕南里又延燒數千家又

登州城廊倉庫民戶火九月辛酉大府寺禮部弓箭庫火二十三年三

月庚申市街南里民家數百戶火三十二年三月甲子江都見子山北

民家八百餘戶火老弱焚死者八十餘人延燒延慶宮法王寺御醬庫

太常府輸養都監四十年二月丁丑太醫監藥庫災十一月甲申栗浦

里民家百餘戶火四十二年十二月丙戌弓弩都監兵庫火四十四年

九月己卯太倉災○元宗十二年二月戊申楮市橋邊民家三百餘戶

火九月乙亥國贖庫火○忠烈王二年閏三月庚子鹽店洞民家千餘

戶火三年三月庚子大府火延燒民家八百餘戶七年二月丙戌造成
 都監災時公主請元工匠修宮室民不堪命人以為天示警九年四月
 戊申夜順昌宮有物赤如火大如斗漸廣如席墜順昌宮繼以星隕火
 作焚蕩無餘王召文昌裕伍允孚曰卿嘗言當有火災何以此知之對曰天譴章章此猶小災也十七年四月戊
 辰朔巡馬南里民家火延燒百餘戶人畜多爛死○忠肅王九年春城
 中各里民家三百餘戶火十一年正月庚寅延慶宮門火三月丁未地
 藏坊里民家三百餘戶火己酉槐洞里民家無風火熾延爇人物甚衆
人謂之天火八月甲申時坐宮厨火九月癸酉市廛火○恭愍王十七年四
 月丙寅市廛災十九年二月癸未市廛火二十二年十二月癸卯影殿
 庫災○辛禡二年十月丙辰義成倉酒庫災十一月癸未夜再火無餘

九年四月丁亥陝州山城火延燒軍糧一千三百石十一年三月己巳

海州通糧庫災十三年十二月壬子典農酒庫災○恭讓王元年三月

庚寅內乘災

本朝定宗二年二月文廟火

太宗庚辰十一月壽昌宮火

以八事自責下教求言

中宗五年春興仁寺舍利閣災

貞陵願利

九年十二月尊經閣災

下教求言

八年東宮火

明宗八年九月景福宮火延燒思政殿以南歷代典憲灰燼

宣祖四年八月康陵丁字閣火

上素服五日避殿減膳百官變服三日

十四年七月

智陵災

上變服三日百官變服于本司

二十五年五月景福宮燬

倭寇犯京上去邪亂民先焚刑曹掌隸

院及臨海君宮洪汝諄家又焚景福宮及倭入京以南山
下一帶為居停翌年正月見敗於平壤發憤焚蕩而去

光海君元年平壤府城中民家千餘戶火延燒大同門樓開城府民家
數百戶火十一年四月都城大火焚燒民家數千區延蕪鍾閣及南別
宮人畜多死

仁祖二年十二月 智陵沙臺火 上變服減膳三日 三年二月 昌陵火 上素服減

膳三日 九年二月江陵集慶殿火 上素服行哭三日 先是府境有空中火落延蕪

甚遠未久殿災襄陽洛山寺又災兼又大風火烈延燒十里內人家滿
山松栢頃刻灰燼變異之慘今古所無云十七年三月 章陵火 上變服減

膳三日

肅宗二年三月開城府城內五百七十五戶火四月又燒五十二戶八

年三月平壤府民家三百四十四戶火數日之內又燒一百一戶十一

年正月鍾閣火五月平壤府民家四百餘戶火十三年 恭陵災 上素服三日

日避殿減膳 九月萬壽殿災二十三年十二月 章陵火 上素服三日避殿減膳 二十

四年十一月癸巳夜承暉殿災先朝舊物及兩殿服御物盡為燒燼二

宮人亦燒死三十年 孝陵災 上素服三日避殿減膳

景宗二年四月市塵火三年正月 純陵災 上素服三日避殿減膳

英祖元年淮陽府民家一百二十八戶火延燒衙舍及內外各廳庫舍

四百餘間九年十月市塵火十三年開城府民家一百二十一戶火九

月市塵火十七年三月平壤府城內民家一百九十戶火二十年安州

民家二百六十四戶火九月市塵火十月承政院火自 宣祖辛丑以

後百餘年時政記盡火三十二年三月 章陵火 上素服三日 三十七

避殿減膳

年十月市廛火四十三年三月平壤府城內民家五百十二戶火全州

府民家二千三百三十四戶火四月郭山郡民家五百八十七戶火宣

川府民家五百六戶火四十四年三月平壤府民家三百九十八戶火

四十七年三月市廛火德川郡邑村民家二百三十四戶火四十九年

三月殷山縣民家一百五十餘戶火五十年正月咸興府民家六百十

四戶火

正祖丙申四月孟山縣民家一百四十餘戶火義州府民家一百四十

四戶火元年四月咸興府民家三百四十三戶火德川郡民家二百五

十八戶火三年十一月彥陽縣民家一百餘戶火四年正月咸興府民

家九百七十一戶火五年五月德川郡民家三百餘戶火十一月利川

府民家一百九十四戶火八年二月通川郡民家一百二十四戶火三

月樂安郡民家一百餘戶火十月盈德縣民家一百五十戶火九年三

月价川郡民家一百十六戶火肅川府民家一百四十戶火十一年四

月西部東幕里民家五百餘戶火十四年正月通明殿火十八年四月

開城府民家六百四十餘戶火

純祖元年二月平壤民家六百餘戶火三年四月平壤民家一千餘戶

火十二月仁政殿火 上減膳 四年三月崇靈崇仁兩殿火五年五月關

撤樂

北民家數千戶火七年十一月法聖民家四百餘戶火九年三月蔚山

民家五百餘戶火咸興民家一千七百九十餘戶火十年三月通川郡

民家七百三十餘戶火十一年閏三月香室藝文館火十三年十二月
 壽靜殿行閣火十五年五月 光陵火 上變服避正殿 十九年三月南
 小營火藥庫火二十四年八月景福殿火二十九年十月慶熙宮火三
 十年八月歡慶殿火三十二年四月安州牧民家三百五十餘戶火三
 十三年十月昌德宮大造殿熙政堂火

憲宗五年十二月景慕宮望廟樓火

哲宗七年四月咸興府民家一千三百餘戶火八年十月宣仁門火九
 年四月咸興府民家四百九十餘戶火十四年八月市塵火
 今 上元年四月鍾閣火延及市塵三年三月咸興府民家五百餘戶
 火十二月彰義宮藏譜閣火四年三月江陵府民家五百餘戶火十年

十二月交泰殿火十四年十一月康寧殿交泰殿火十八年十一月昌
 德宮咸寧殿火二十五年三月景福宮承政院堂后火二十六年九月
 慶熙宮崇政門火三十四年四月 徽陵丁字閣火光武三年正月南
 關帝廟火四年閏八月慶運宮 璿源殿火 上素服率百官舉哀避
 年二月慶運宮中和殿咸寧殿卽阼堂昔御堂景孝殿火

宮室異

新羅脫解王二十四年四月金城東門自壞○婆娑王三十二年四月
 城門自毀○阿達羅王七年四月金城北門自毀○訥祗王四十二年
 二月金城南門自毀 互見地 ○眞德主六年三月王宮南門自毀○太宗
 王四年七月興輪寺門自毀○文武王十四年七月皇龍寺佛殿毀 互見

風異 ○聖德王十五年三月崇禮殿毀 風互見 ○哀莊王十年六月西兄山

城鹽庫鳴聲如牛

高勾麗文咨王二十七年王宮南門毀 風互見

高麗靖宗二年二月戊寅諸神廟自頽九年五月庚辰興國寺廊二十

餘間自頽壓死者八十餘人 ○宣宗五年六月癸卯太倉南廊自壞壓

死者數人 ○獻宗元年六月癸巳奉恩寺眞殿御榻自動 ○睿宗十七

年四月辛丑羅城宣義門自壞 ○仁宗二年閏三月昇平門鴟尾動搖

互見 風異 十一年三月甲申昇平門鴟尾若動搖焉 ○明宗八年九月庚午

昇平門右角鴟尾自頽 風互見 九年三月戊子市肆廊廡十餘楹頽九月

己未泰定門右鴟尾自頽 風互見 十四年八月乙酉龜州富壽門自動凡

二日屋瓦飄落二十六年四月甲寅壽昌宮中書省門自頽 ○忠烈王

四年十一月太廟屋頽 ○忠肅王五年六月己亥毬庭東西廊頽 風互見

○忠惠王後五年正月辛卯典法司門頽 ○忠穆王三年七月己未市

邊行廊自頽十一月丁未牛臺自頽 ○忠定王元年閏七月甲子大風

雨儀鳳樓頽十月庚寅看樂樓頽 並互見 ○辛禡二年三月巡衛府中

門自頽 時臺省雜治般若獄般若指新創中門曰天若 十三年六月丙

午暴風太廟東門壞 風互見

雜變異

新羅奈解王二十三年七月武庫兵器自出 ○慈悲王二十一年春夜

有光如匹練自地至天 ○眞興王三十六年夏皇龍寺丈六像出淚至

踵○眞平王三十六年二月永興寺塑像自壞○孝昭王八年九月兵

庫中鼓角自鳴○景德王十九年正月都城寅方有聲如伐鼓人謂之鬼鼓

○景明王三年四月天王寺塑像所執弓弦自絕

高勾麗大武王四年王伐扶餘宿利勿林夜聞金聲向明使人尋之得

金璽兵物○烽上王八年九月鬼哭于烽山○寶藏王五年東明王母

塑像泣血三日

百濟毗有王二十一年五月宮南池中有火焰如車輪終夜而滅○義

慈王十九年九月夜鬼哭于國南路二十年六月有一鬼入宮中大呼

百濟亡卽入地王怪之使人掘地深三尺許有一龜其背有文曰百濟

同月輪新羅如月新王問之巫者曰同月輪滿也滿則虧如月新未滿

也未滿則漸盈王怒殺之或曰同月輪盛也如月新微也意者國家盛而新羅寢微乎王喜

高麗太祖九年四月西京東部禪院鍾自鳴九十聲十一年八月原州

山閏寺鐵佛汗三日○睿宗十四年十一月壬申屋瓦庭磚冰有文如

花卉狀○仁宗四年四月庚子興王寺三層殿主佛頭無故自落九年

十一月丁巳靈通寺銅鼓自鳴○明宗十六年正月戊申木覓堂鳴凡

二十餘日十七年四月癸酉智異山神像頭忽亡王遣使索之數月乃得○神宗

元年正月甲子長興庫香爐足獅子鳴如狗吠○高宗四年三月壬午

九曜堂十一曜藏內有聲如奏樂○忠肅王後七年七月乙卯龜山寺

門石鳴聲如鼓○忠惠王後三年正月丁酉鍾樓鍾撞不鳴○恭愍王

十六年正月辛丑漏壺有聲如牛吼○辛禡元年八月己丑松岳祠有哭聲八年三月癸丑闕內地中有鬼嘯

本朝 宣祖十六年夏有鬼妖降于甲山中女睢盱鉅齒蓬髮右握弧左握火邑發卒擊鼓彎弓以禳之朴枝華聞之曰不出十年大亂始於南方後十年果有倭寇七年乃定二十一年六月夜穩城地有火塊如人佩弓矢向北震雷隨之如水坼之聲二十二年三月厨院炊飯鑰甌自鳴如牛吼二十五年四月癸卯夜半平壤永崇殿門自開有千兵萬馬駢闐之聲舉城震駭

仁祖三年宣川府黍莖有董王春三字色紅如漆朱都元帥張晚採其莖以獻十四年有金山山三字十五年夜半有伐木丁丁之聲自遠而近往尋則不

見不聞初自嶺南至京中一日夜深忽有吶喊鼓角放砲火箭殺伐之聲震動天地火光如晝自崇禮門至北闕大內震驚以入直儒臣林壇差督戰御史申景禎具宏兩大將馳至闕下留門引見蓋兵燹之餘枉死冤魂鬱結致此云
肅宗元年正月癸酉黃海道兎山縣有聲如震雷大於火砲始自北方止於東南人家動移山禽野獸驚號奔迸

草木異

新羅聖德王三年正月熊川州進金芝以下草異七年正月沙伐州進瑞芝二十三年三月熊川州又進瑞芝○景德王十三年五月牛頭州進瑞芝○昭聖王元年得人蔘九尺甚異之進貢于唐唐以爲非人蔘不受

高麗太祖元年六月戊辰一吉粲能允家園生瑞芝一本九莖三秀

獻于

王賜內倉穀

○顯宗二年十二月全州黑石寺牧丹花開冒雪不落十年八

月廣明寺牧丹花再開○文宗十六年五月朱草叢生重光殿○毅宗

二十四年閏五月王幸延福亭羣臣皆占所見之物為嘉瑞蓬艾三莖

生於亭亦以為瑞草作詩以讚之○忠肅王時有一人獻異草以為靈

芝王重秘之令文士賦詩人皆笑之

柳馨遠輿地誌云天曆戊辰五月李穡生于韓山郡北麒麟山下生

時山上草木皆枯人皆異之因名其村曰枯村

忠定王三年十月葵花開

本朝 成宗朝有葱生于昌慶宮後苑一榦九枝時謂瑞葱後燕山時

築臺于此號瑞葱臺

即春塘臺

文簡公申光漢家園中有瓜一蒂兩實合而為一作合歡瓜說

仁祖四年平壤秫莖成文字者前後非一

肅宗五年秋映花堂池中有蓮花并蒂之異

壬戌秋翠微亭池中又有並蒂之異

英祖元年有異草生於苑中其莖九穗其色紫青掌苑者以為靈芝而

採而獻之 教曰從古帝王好禎瑞自以為吾之聖德致此嘉瑞予每

讀史竊耻之遂却之

李暉光類說曰春川墨應耳山有草名墨應耳其根色赤如蒜食之

令人數日不饑壬辰亂離人多採食之蓋仙卉也楓岳長安寺洞中

及江陵伊川亦有之云

又曰淡婆姑草名亦號南靈草近歲始出倭國以火爇之用竹筒吸其烟最能去痰濕下氣且能醒酒然有毒不可輕試也或傳南蠻國

有女人淡婆姑者患痰疾積年服此草得瘳故名

臣按此草光海君壬戌年間始來東

國新豐君張維首先好之謂之烟茶比之檳榔服之不輟其婦翁文忠公金尚容痛斥之以為尤物不曾近口嘗筵白張維是國家可用之臣而今為妖草所惑將至生病請自上禁之云未幾遍於國中無人不膜延及他國

新羅婆娑王二十三年十月桃李華

以下木異

○奈解王三年四月始祖廟

前臥柳自起八年十月桃李華○沾解王七年四月金城南臥柳自起

○奈勿王七年四月始祖廟庭樹連理○真興王元年十月桃李華○

聖德王元年十月歆良州橡實變為栗十三年歆良州橡實又變為栗

○孝成王潛邸時嘗與信忠圍碁栢樹下謂曰他日我不忘汝汝亦不

改貞操所有負者有如此栢王即位錄功臣而遺信忠信忠作歌帖於

栢樹樹忽枯王怪使審之得歌大驚曰幾忘乎角弓矣召賜爵中侍栢

乃蘇○憲德王十四年三月湏江山谷間顛木生蘖一夜高三三尺圍

四尺七寸

高勾麗大武王二十四年八月梅花發○陽原王二年二月王都梨樹

連理

百濟近仇首王十年二月宮中大樹自拔○義慈王十九年九月宮中

槐鳴如人哭

高麗太祖二十一年八月大內柳院僵槐自起○光宗二十四年二月

壬寅連理木生于京城○景宗五年十二月杜鵑花開○成宗六年連

理木生于忠州○顯宗七年四月司憲臺庭栢枯死有年至是復生○
睿宗六年六月中書省櫻桃結子大如杏子中空無核○仁宗十一年
八月梨再華○毅宗五年八月闕南梨樹華二十一年八月梨華○明
宗八年二月壬申居昌縣丐居鄉民家僵梨自起枝葉復生壬午利安
縣僵樹自起四月戊寅黃澗縣僵櫟自起十一年二月丁酉妙通寺南
菩提樹鳴如豹聲二十五年正月癸巳西京監軍使廳北榆樹自鳴凡
十餘日○康宗二年四月白州有僵樹三年後自起○高宗四十四年
九月甲寅史館薔薇華四十五年七月南海平山縣僵樹自起十月史
館薔薇又華○元宗元年八月梨華○忠烈王十九年五月乙丑木實
皆隕○忠惠王元年十月桃李華○忠定王三年十月薔薇開○恭愍

王十六年四月山東縣有桃結子每顆一面不毛晉州斷俗寺僵松自
起○辛禡五年十月梨華八年二月全羅道錦州有木結實色如粉狀
如手指人以爲木實餅味不如餅七月宮中梨樹華○恭讓王三年宜
州有大樹枯朽累年至是復條達敷榮

人以爲開國之兆

本朝 定宗大王爲上王時有一內宦二月末偶入後苑有桃子在積
葛中紅澤如新眞九十月霜桃也得數百介以進于 上王 上王卽
薦于文召殿又送于 太宗 太宗喜解御衣賜內宦卽詣 上王宮
共玩極歡而罷及秋其桃方熟 上王故積葛其上至明年發之皆腐
敗無餘矣

太宗朝江陵大嶺山竹結實如眞麥粘如薏苡味如唐黍村人摘取爲

酒食

集賢殿南有大柳樹 世宗未有白鵲來巢之異 端宗癸酉柳忽
枯或戲柳誠源曰禍必自柳始未幾果驗

太學文廟前古人做杏壇之制對植二文杏于庭每當結實落地堆
積腐臭不堪近且典僕蚤緣拾取喧鬧廟庭一泮官祭告未安之意
自是不復結子世以爲異云

成宗三年秋桃李華十二年十一月掌苑署進映山紅一盆 教曰冬
月開花特人爲耳予不好此後勿復進

中宗十一年密陽楮伐里柳樹高三十七尺圍二合抱爲風雨顛仆越
三年戊寅因大雷雨還起立

宣祖十一年九月海邊薔薇盛開二十五年通津縣偃柳起立三十一
年十二月乙卯有荷生于禁庭窪池中俄而華俄而落是日廢世子祚
生

仁祖十五年十一月玉果縣僵槐復起
顯宗五年夏偃栢復起

慶熙宮卽 元宗舊邸 元宗潛邸時手植一樹棗朝夕愛玩有時
繫馬號曰繫馬樹其後木忽枯死不知幾年 顯廟辛丑樹復重榮

而是歲 肅廟誕降 景廟辛丑又復重榮而 英廟陞儲 正祖
壬寅又復重榮而 文孝世子誕降於休異哉

李暉光類說曰順天府松廣寺有枯木一株不知歷幾百歲而枝葉

皆完色白如鐵有香臭甚烈不知其為何木也或謂曰白檀

又曰同府仙巖寺有樹曰北向花其花紫色開必向北故名

又曰光海戊申五月洪州衙中白棗長可四五寸莖條潔白枝葉玲

瓏甚可珍玩

新羅婆娑王五年五月南新縣麥連歧以下穀異○伐休王三年七月南新

縣進嘉禾○助賁王十三年秋古陁郡進嘉禾○儒禮王十一年七月

多沙郡進嘉禾○訥祗王三十六年七月大山郡進嘉禾○孝昭王六

年七月完山州進嘉禾異畝同穎○惠恭王三年九月金浦禾實皆為

米○憲康王六年八月熊川州進嘉禾

高勾麗陽原王四年九月丸都進嘉禾

百濟東城王十一年秋國南海村人進合穎禾

高麗成宗十一年九月登州進稻穗長七寸黍穗長一尺四寸羣臣請賀不許

○肅宗三年十月靈光郡及管內郡縣稻一種再熟○睿宗十一年六

月丙子尙州獻瑞麥一莖四穗十二年六月丙寅尙州又獻瑞麥兩歧

三穗○恭愍王十五年十月壬子全羅道都巡問使金庾獻十節稻○

辛禡九年五月甲子晉州大麥一莖一穗三四歧

本朝 世宗十九年夏京畿觀察使金孟誠進麥穗四歧却之仍遜諭諸道勿

世祖二年九月慶尙道觀察使李克培進嘉禾三穗二穗却之

宣祖三十一年四月堤川縣產瑞麥五歧者二本四歧者五本三歧者

六本兩歧者甚多

仁祖二年驪州麥穗兩歧九年六月河東縣早稻陳根莖葉復生因爲成穗

肅宗十七年夏慶尙道觀察使李聃命進麥穗四五歧却之

英祖二十五年五月清州麥有兩穗或三穗觀察使李日躋櫃而上之却之

正祖十四年十二月 上幸景慕宮還有一民持粟一莖三十六穗者投呈於 駕前民習可駭命兵曹嚴治

今 上二年十一月湖左獻嘉禾一莖十六穗

增補文獻備考卷之十一

增補文獻備考卷之十二

弘文館纂輯校正

象緯考 十二

補物異 四

龍魚異

新羅始祖六十年九月有二龍見金城井中 以下 儒理王三十四年

四月龍見金城井中 ○阿達羅王十一年龍見京都 ○沾解王七年四

月龍見宮東池 ○味鄒王元年三月龍見宮東池 ○慈悲王四年龍見

金城井中 ○炤知王十二年三月龍見鄒羅井二十二年四月龍見金

城井中 ○法興王三年正月龍見楊山井中 ○眞興王十四年二月黃

龍見於月城新宮○景德王二十三年三月龍見楊山下○景文王十五年五月龍見宮井中雲霧四合飛去

高勾麗始祖三年三月黃龍見於鵝嶺

百濟己婁王二十一年四月二龍見於漢江○古爾王五年四月雷震宮門黃龍自其門飛出○比流王十三年四月黑龍見於王都井中○毗有王二十九年九月黑龍見於漢江○文周王三年五月黑龍見於熊津

輿地勝覽扶餘古迹有釣龍臺諺傳唐將蘇定方伐百濟臨江欲渡忽風雨大作定方乃以白馬爲餌釣得一龍風雨開霽乃濟師滅之仍號其釣龍處曰白馬江釣龍臺

高麗文宗嘗遊朴淵登島巖上忽風雨暴作石震動文宗驚怖從臣李靈幹作書數龍之罪投于淵龍卽出其脊乃杖之淵水爲之盡赤

延安邑志云文宗嘗以延安南大池膏腴可作田賜興王寺其年旱

因翰林學士李靈幹所奏還築之黑龍現而騰空是日大雨

元宗二年四月丁巳黑龍見於大同江

本朝 度祖宅于赤池傍得異夢佩弓矢往候之有白黑二龍交鬪

度祖射黑龍斃于淵夜復夢白龍來謝曰公之子孫將大有慶

定宗元年九月 太宗潛邸時在松都敬德宮一日天欲曙而星稀侍女金氏坐簷下見白龍見于寢室之上大如椽有鱗甲光彩燦爛尾蜿蜒頭正向御在所走告膳夫金小斤與之共觀俄而雲霧翳塞不知所

之云

杆城邑志云 明宗甲寅夏鄉官朴自昌爲官捉魚擣楸皮毒珍富
嶺底湫潭忽有片雲起湫中須臾大雨如注見湫上黃龍露出腰背
光芒照閃水漲城西門大木根拔漂流湫已填沙矣

肅宗四十年四月海西觀察使奏三龍自海州交騰而上遠近山野無
不沙汰三人壓死

延安邑志云 英祖己卯以毓祥宮作畚次割取南大池邊幅築垆
結堰是年六月監司趙明鼎遞任上京路過本府西門外風雨忽然
大作二黑龍一白龍自本府東南鱗次騰空如柱撐天長幾千丈鱗
甲照耀同年八月又有白額大虎突入城中噉傷人物又臘月白晝

風雪大作有白龍自境內西南騰空而去皆言南大池乃通國名池
而今欲作畚故龍虎之變如此云翌年春自該宮還罷作畚內需司
移牒營門毀其結堰邑人相賀

新羅始祖六十一年三月王薨因蛇變各葬五體號蛇陵

以下
蛇異

○奈解

王三十四年四月蛇鳴南庫三日

高麗睿宗元年八月戊寅有蛇見于奉恩寺太祖眞殿色青黃庚辰又
見○仁宗九年七月女眞地群蛇渡鴨綠江入義州境○高宗四十五
年五月北界葦島有黃蛇大如柱作人語告亂○忠穆王四年七月丁
酉水口門外有老蟒發毒成火不雨而震○恭愍王十六年六月戊申

大蛇見寢殿御床

設法席
以禳之

本朝 世宗十三年寧越郡有大蛇遺蛻石上長數十尺鱗甲如錢郡人拾鱗以聞遣使驗之暴風大作莫得其迹

明聖大妃誌狀曰嘗有小蛇盤旋於寢殿御床之下侍女輩驚懼譁言后夷然曰處近林樾不是異事慎勿妄言恬然若無睹焉衆賴而鎮安輿地勝覽云濟州地多蛇虺人見灰色蛇則以為遮歸之神而禁不殺

李暉光類說云珍島碧波亭有巨蟒出而跨梁其大如椽俄而白氣自樓板下直射巨蟒輒消爛而斃只餘空殼人去板見之有大蚯蚓蟠結於下其長過數尺

高麗太祖八年三月丙辰蚯蚓出宮東長七十尺

時謂渤海國來投之應○以下蚯蚓異

○高宗八年三月戊申雨青色蚯蚓自壽昌門外至和義門南板橋滿路行人皆避之十四年三月丁丑雨青色蚯蚓狀如絲絡不可勝數十五年三月癸未壽昌宮門路雨青色蚯蚓長三寸許多隨雨下

新羅炤知王十年六月東陽縣獻六眼龜腹下有文字

以下龜鰲蟾蛙異

本朝 宣祖二十四年五月穹龜出海橫亘數里今 上十一年六月仁川海中獲龜大如席

高勾麗始祖朱蒙微時避金蛙諸子南奔至淹淲水欲渡無梁恐為追兵所及祝曰我是天帝子河伯外孫今日避亂至此追者垂及奈何於是魚鱉成橋乃得渡

本朝 宣祖二十八年夏自忠州至京江有鱉頭項浮大自死者累累

相屬於水邊

高麗太祖八年三月癸丑蟾出宮城東魚堤多不可限

本朝李晔光類說云陽德縣監沈訥得銀礦鑿破巖石其中有金色蟾蜍其大如龜訥畏其神匣而藏之留置任所後不知所之

肅宗三年二月三陟交柯驛水田有黃黑兩色蟾無數相戰而死

新羅善德主五年五月蝦蟇大集鳴宮西玉門池

主謂左右曰蝦蟇怒目兵士之象吾聞西

南邊谷有名玉門者意有隣兵至其谷乎命將往搜之果遇百濟兵掩擊大破之

○哀莊王十年六月碧寺蝦

蟇食蛇

百濟義慈王二十年四月蝦蟇數萬集於樹上

本朝 宣祖三十二年十二月瑞山郡蛙魚群聚如接戰狀斬頭刳腹

積在溝渠又京城東大門外蛙魚自死數斛云

仁祖十一年七月丁未有蛙相戰死者成邱十四年七月竹山府群蛙相聚接戰死者積堆

孝宗元年三月東部壺洞里蛙蟾相聚進退相戰三日

事聞自政院取入十餘箇

新羅沾解王十年三月國東出大魚長三尺高一丈兩尺

以下羣魚異

○實

聖王十五年三月東海邊獲大魚有角其大盈車○太宗王六年九月

公州基郡江中大魚出長百尺食者死○文武王十一年白魚躍入甕

浦軍舟中○憲安王二年七月唐城郡南河岸出大魚長四十步高六

丈

高勾麗太祖王七年四月王如孤岸淵觀魚釣得赤翅白魚○閔中王

四年九月東海人高朱利獻鯨魚目夜有光○西川王十九年四月海
谷太守獻鯨魚目夜有光

百濟義慈王十九年五月王都西南泗泚河有大魚出死長三丈又西
海濱羣魚死百姓食不能盡

高麗成宗十六年九月王幸東京至興禮府捕大魚於海中

卜云不吉王不豫還

京翌月○高宗十一年二月丁亥金吾衛池魚皆死浮於水面十五年六

月癸丑龍化院池魚盡出浮水數日而死人有食者亦死○元宗十五
年東池魚死浮出不知其數○忠烈王七年二月庚寅龍化院池魚死
浮出不知其數十四年六月甲子西蓮池魚自死浮出屢日十五年十
月丁亥大雨河魚隨雨散落

本朝 世宗四年巨濟縣海小魚浮死九年河東縣海魚多死

宣祖二十四年東海魚產於西海漸至京江海州素產青魚十餘年來
不產而移產於遼海遼東人謂之新魚

仁祖十三年江蟹出水登山十四年江蟹出水登山六月兩鯨入京江

口交戰一鯨死

英祖十三年夏東萊府海魚驚多浮死

李暉光類說云 明宗甲子年間漢江出大魚如豚色白長丈餘腦

後有穴

韻府羣玉云海豚腦上有穴噴水直上人疑是魚云

新羅憲德王十五年正月雨虫于西原有白黑赤三種從天而墮冒雪

能行見陽而止

以下虫蟻異

高麗高宗三十三年五月雨毒虫身裹細網剖之如斫白毛隨飲食入人腹中或啞人肥膚人輒死時號食人虫試以諸藥不死塗以葱汁便死

本朝 宣祖七年咸鏡道有虫交雪而下
肅宗四年正月歙谷地夜大雪黃黑活虫降於雪上無數

高麗仁宗四年五月丁丑有羣蜂飛自興國寺至廣化門相連不絕
蜂蝶 異

本朝光海九年六月咸鏡道觀察使馳啓北青甲山等邑白蝶自西北入如長蛇陣連三日不止云

仁祖十五年八月己亥白蝶下降有似雪積
高勾麗琉璃王二十九年六月矛川上赤黑蟻羣鬪黑蟻多死
議者謂黑者北

方之色北扶餘破滅之兆

高麗明宗九年七月戊辰靈通寺內大蟻羣聚徑兩尺餘鬪三日死者十八九○恭愍王八年五月六日丁酉赤黑群蟻相戰九年四月六日壬辰赤黑群蟻又相戰

本朝 宣祖二十四年四月京城西部人家庭前五六間地黑蟻遍布如相戰之狀或斬頭或斬腰而死者不可勝記其數又三陟襄陽蔚珍等邑有蟻虫蔽海而出彌滿海岸有生氣者輒飛去云
仁祖六年七月洪州月山嶺上有軍人交戰之狀有人候之乃飛蟻云

禽異

後漢書云馬韓出長尾鷄尾長五尺

新羅奈勿王三年二月神爵集始祖廟庭二十四年四月楊山小雀生

大鳥○訥祗王十八年百濟送白鷹二十五年二月史勿縣進長尾白

雉王嘉之賜縣吏穀○炤知王十年正月十五日王幸天泉亭有鳥啣書來鳴

其書外面云開見二人死不開一人死日官奏一人者王也王開視之

書曰射琴匣王入宮射之果內殿焚修僧與王妃潛通者也妃與僧皆

伏誅自是國俗每歲是日以糯飯祭鳥以報功十八年二月伽椰國送

白雉尾長五尺○太宗王六年九月何瑟羅州進白鳥○文武王二年

南川州獻白鵠十七年三月所夫里州獻白鷹十八年五月北原京獻

異鳥羽翮有文脛有毛○神文王十一年三月沙伐州獻白雀○聖德

王八年菁州獻白鷹十四年四月菁州又進白雀十九年五月完山州

進白鵠七月熊川州又進白鵠三十二年唐玄宗賜白鸚鵡雌雄各一

隻○孝成王三年九月完山州獻白鵠○景德王十二年八月武珍州

獻白雉○元聖王元年三月浪江鎮進赤鳥六年正月熊川鎮又進赤

鳥九年八月奈麻金惱獻白雉十年七月漢山州進白鳥○昭聖王元

年八月漢山州進白鳥○哀莊王二年九月武珍州進赤鳥牛頭州進

白雉三年八月歙良州進赤鳥○五月歙良州進白鵠○憲德王二年

正月河西州進赤鳥七月西原京進白雉十四年三月菁州廳事南池

有異鳥長三尺喙長一尺五寸目如人嗉如受五升器許三日而死人謂

憲昌敗亡之兆十七年五月歙良州獻白鳥

高勾麗始祖十年九月有鸞集于王臺○琉璃王二年十月神雀集于

王庭○大武王三年扶餘國送赤鳥詳見交聘考○山上王二十四年四月

異鳥集于王庭○西川王七年九月神雀集于宮庭○長壽王二年八

月異鳥集于王宮

百濟始祖元年神雀集于宮庭二十年二月設壇親祀天地異鳥五來

翔四十三年九月鴻鴈百餘入王宮日者謂遠人來投之象○義慈王十九年四

月太子宮雌雞與黃雀交

高麗太祖十五年四月西京民張堅家雌雞化為雄三日而死○定宗

七年麗史雖如此而定宗在位四年可疑臨津縣獻白雉○光宗九年五月玄鶴集含德

殿

侍中崔承老進百濟所進白鵲讚云皚皚雪色好飛鳴來自江南僅

十程看爾羽毛偏潔朗只應來瑞我時清

景宗元年五月京山府獻白鵲十一月鶴鵠白日滿空飛鳴○顯宗六

年正月雉巢于壽昌宮含福門二月壬子朔群鳥成隊西飛五日而止

七年二月丙戌雉集于含德門十二年三月雉集于壽昌宮二十年二

月丙戌白鶴來巢于神鳳樓鳴吻二十六年麗史雖如此而顯宗在位二十二年可疑二月

丁亥有大鳥巢于神鳳門鳴尾

權文海韻玉曰德宗時鳳鳥來儀於威鳳門群鳥隨而噪之鳳乃飛

去國人憎鳥少長持弓矢彈射德宗一代京城無鳥焉

靖宗四年內史門下省奏東池白鶴鵠之類日飼稻梁為費甚多且

前史云犬馬非其土性不畜珍禽奇獸不育于國又云鳥獸昆虫各遂其性蓋不以玩好傷物性乞放諸海島從之○文宗二十一年閏正月鶴雀巢廣化閭閣二門鳴尾○宣宗六年三月甲午有鳥如烏而白翼集乾德殿門前○仁宗四年二月丁巳群鳥集于靈通寺北山相鬪咬死數日乃止六年七月乙酉野鶴數千自東來盤飛於城市宮禁七年十月丁丑黃昏有鴟鳥數千飛翔廣化門上夜至壽昌宮盤旋良久向東南而散凡十餘日丙戌夜訓狐鳴于坤方九年四月乙未西京林原闕內自庭除沙土至幽深塵埃之處皆有鳥雀之迹人謂將為邱墟鳥獸聚集之兆十二年十一月癸丑野鷺百餘飛集于壽昌宮十四年十二月庚子群鳥集靈通寺南嶺飛鳴相鬪凡五日往往墮死○毅宗四年九月乙未雉

集于康安殿十一年宋商獻鸚鵡孔雀十七年宋商又獻孔雀○明宗七年七月戊午有鸛群翔于市街己未又盤旋于毬庭九年十二月庚寅雉集于泰定門二日十年二月丁酉有鸛巢于廣化門鳴尾十一年八月癸亥鵬鳴于泰定門十三年十月丙申雉升于寶慶殿十四年六月癸酉西部香川坊民家有小雀生雛大如山鵲占謂國家擾亂之兆二十二年丙戌野鳥栖于儀鳳門右鳴尾二十六年三月丁亥有鳥巢于大觀殿傍二十七年五月有山鳥群飛入城形如戴勝背黑而長人以其聲名之曰獵人足項世謂之兵鳥命有司職之○神宗二年八月乙丑鵬鳴于棣通門及大定門丁丑又鳴于儀鳳門三年五月甲戌鵲鳴于儀鳳棣通大定等門五年七月甲辰鵬鳴于宣慶殿六年五月壬申鵬鳴于宣

慶殿乙亥亦如之七年三月鳥巢于大觀殿傍○高宗六年十二月甲子雉入康安殿七年四月庚申朔羣鳥集于男山噪鬪多死八年正月己酉鵠鳴于儀鳳樓十年十月丙申鵠鳴于儀鳳門十四年八月丙辰鵠鳴于儀鳳樓四十年僧卓然自京師還江南道過鷄龍山下一村見有鵠栖于樹體皓臆丹尾黔居民長福云此鵠來巢已七年其雛每歲為土梟所食呼訴不已哀感所鍾一年頭始白二年頭盡白三年體渾白及今年幸免其厄尾漸還黑然師異之語同社天英師師曰噫此所謂禽頭人也乃作詩曰怨氣積頭成雪嶺血痕沾臆化丹田渠如不惱他家子四海霜毛一日立○元宗八年八月丙寅雉入寢殿十一年四月甲午怪鳥來鳴俗云山 休足項十四年四月丙午有怪鳥鳴于禁中

○忠烈王三年昇平郡任內別良部曲長大冲家雌雞化為雄羽毛尾距皆具唯冠未甚高大冲云此雞生二十年每年生雛前年不乳今忽變為雄四年十月庚午夜鵠鳴于沙坂宮十三年三月辛酉有怪鳥鳴于大殿俗云山 休鳥十六年十月戊子雉入宮中十八年四月己卯雉入宮中十九年五月庚午夜鵠鳴于壽康殿七月己未夜又鳴于大殿○忠宣王四年十月丁亥雉入市○忠肅王十二年十一月甲寅鶉入市塵○忠穆王二年十月己巳鵠鳴于時坐宮三年八月丙申鵠鳴于延慶宮庚申有雙雉墮于延慶宮四年二月乙酉雉入市九月丁巳鵠鳴于寢殿○忠定王元年閏七月己卯鵠鳴于延慶宮癸卯亦如之三年五月戊午鵠鳴于紫門十月丙戌鵠鳴于延慶宮戊子

增補文獻備考 卷十二
鵠鷓飛止沙坂宮及毬庭十二月丙子鵠鷓鳴于延慶宮○恭愍王元年正月群鳥飛集宮苑自四月至五月飛集烽山七月壬辰鵬鳴于延慶宮戊戌亦如之三年自春至六月群鳥飛集松岳龍首二山或有相鬪而死八月己亥鵬鳴于時坐宮八年五月己酉鵬鳴于延慶殿十二年十月丁酉雉入內乘殿張士誠遣使獻孔雀十四年十一月壬子夜鵬鳴于景靈殿十五年八月甲戌雌雉落于王后殿而死十八年十一月乙未鳶飛蔽天集白鹿山分爲三隊一隊可五千許二十二年十月丙戌雉入時坐宮二十三年十一月鵬鳴于太室○辛禡三年七月設法席于龍首等山以禳鳥鳶四年十一月丁酉眞觀寺主山及南山群鳥飛鳴相鬪七八日或有墜死者六年六月丙子鵬入宮十月己未雉

入禁中七年七月群鳥東來其飛蔽天集進鳳龍首等山又至社稷壇

旬日而止

命書雲
觀禳之

八年正月辛丑鵠鷓鳴于時坐宮十四年九月己丑

雉集于壽寧宮○恭讓王二年七月乙巳鵬鳴于景靈殿四年六月己

卯鵠鷓鳴于解愠亭是月群鳥集于演福寺花園白鹿山其飛蔽天

本朝世宗十年白雉見

華臣請
賀不許

二十七年慶尙道都節制使崔淑孫

進白鵠

華臣請
賀不許

又集賢殿南白鵠來巢大柳樹子皆白

世祖十二年琉球使來獻鸚鵡一隻

寧城君崔
恒進賀箋

成宗三年十一月豐基郡進白雉

命放之
山林

明宗元年琉球國遣使獻鸚鵡一隻

宣祖九年二月善山府雌雉化爲雄十一年飛雉蔽天自北而南二十

四年五月善山府民家有雀小如柳葉產雛如老鴉大五色爛然具備
既長飛去固城縣山中產白雉二十五年四月有恠鳥集于禁苑形如
戴勝而小尾且短飛鳴於屋簷之上達夜不止聲甚慘切向人哀號似
若促行者凡十餘日出狩前夕始止三十八年東海白鷗爲風所驅遍
於嶺西山谷數百里外未幾嶺東西大水人畜多溺死三十九年江原
道獻白雉狼川縣山中產白鳥

李暉光類說曰智異山青鶴洞舊有青鶴棲止自前有名近有俠少
投石傷鶴翅鶴不復來未幾有壬辰之亂蓋見幾而作也

光海二年白鳥集于泮宮羣鳥并逐之踰月不去五年十月野雉飛集
闕中殆遍於市肆不知其數市井小兒爭相捕食如是者月餘白鵠出

城中白雁來陽川江北六年正月黃海道獻白雉九年二月三陟府有
雞產雛四足四翼十四年七月寧海府有雀生鷓
仁祖初年嶺南產四足雞三年八月固城縣雌雞化爲雌九年順天府
獻白鳥揚州地雌雞化爲雌十一年十一月延安有恠鳥無數飛集旋
卽自斃體似兒雉足如鼠足十三年七月高陽郡鴨鳥產大鳥高三丈
許白質青翎赤觜紅脰翼大如幘狀如大鶴數日而飛去十四年正月
仁同府凡於坪白大鶴南北結陣移時相戰三月大同江越邊野鴨成
群連日苦戰咸昌縣恭檢池小鴨數十陣分左右十餘日相戰十五年
十月丁未白大鷗集于求禮縣東門外不記其數一鷗居中鼓翼頗有
指揮之狀連三日交戰乃散去

孝宗四年夏江陵府雌雞化為雄

顯宗五年夏雌雞化為雄十年十月恩津縣雌雞化為雄

肅宗三年四月安城人家有雞雛四足三翅四年八月靈山地雌雞化

為雄二十六年四月純白雀來巢于昌德宮進善門簷瓦間

正祖二十一年正月咸興儒生李元龍獻白雉

今日上二年十一月關東獻白雉關西又獻白雉

獸異

新羅文武王十三年六月虎入大宮庭以下虎異○惠恭王四年六月虎入

宮中六年六月虎入執事省○文聖王五年七月五虎入神宮園○憲

康王十一年二月虎入宮庭

高句麗太祖王五十三年正月扶餘國獻大虎長丈兩尺毛甚明而無

尾五十六年十月東海谷守獻朱豹尾長九尺○寶藏王十八年九月

九虎入城食人捕之不獲

百濟始祖十三年二月五虎入城

高麗太祖元年八月戊辰虎入都城黑垣倉射獲之○顯宗六年三月虎

入歸仁門七年七月壬戌虎入城十一年九月壬申虎入城咬傷人三

十年四月乙未虎入城○德宗元年二月壬戌虎入宣喜門○靖宗二

年八月丁未虎入城○文宗二十年二月甲午虎鬪死于宮城北二十

一年閏正月虎屢入城○肅宗六年十二月癸卯虎入城咬害人八年

十一月戊戌虎入禁中山呼亭○睿宗六年十一月虎入城多害人物

增補文獻備考 卷十二
十三年二月戊午虎入太子宫○毅宗元年七月壬申夜虎入選軍及兵刑部八月己亥夜虎入大明宮十二年七月己未虎入城○明宗六年九月甲辰虎入大明宮八年九月戊子虎入城十年正月戊寅虎入城市十八年四月辛未豹入城十九年十一月乙丑虎入延慶宮二十年正月癸卯虎入穆清殿○高宗六年四月壬辰虎入嘗春亭七年四月丙子虎入壽昌宮寢殿二十二年二月辛巳虎入御井○元宗元年二月壬寅虎入內城二年正月虎聚固城縣石泉寺洞擊鼓而舞六年七月壬戌虎入闕東門外咬殺人十五年四月己酉虎晝入城○忠烈王九年四月庚戌虎入城咬傷人五月辛酉虎入市十年二月戊戌虎入市十三年閏二月甲子虎入城十五年五月甲申虎入城咬傷人

十八年七月丙戌虎入城十九年二月癸巳虎入王宮二十一年二月壬辰虎入城二十二年二月癸亥虎入壽寧宮三月丁丑虎入城二十三年二月乙未虎入城二十九年丙申虎入城閏五月辛巳又入市○忠惠王三年四月五月虎連入城○忠肅王三年二月癸未虎入城後六年五月戊申虎入城○忠惠王後三年三月丁酉虎入城咬傷人五年二月甲午虎入城丁酉亦如之○忠穆王四年二月乙未虎入城○恭愍王元年正月辛未虎入城三月壬申亦如之四月壬戌豹入城十四年七月辛巳虎入城九月丁卯夜亦如之十九年十月壬辰虎入城○辛禡元年正月己巳虎自宣義門入城四年八月丙午虎入城多害

人物○恭讓王二年九月甲寅虎入新都門下府搏人而去

時遷都漢陽纔數日

虎多害人王祭白岳
木竟城隍以禳之
三年九月丙午虎入城

本朝 太宗朝佐命勳錄金德生手格猛獸功
其家狀曰大內有猛虎
猝犯御座左領護軍金

德生時以侍衛在百步外急抽腰間矢一發即斃
錄於佐命功臣三等翌日臺臣以向御座發射為極
罪請正典刑閱月
力爭德生供以百步之外勢未及奔救果恃射藝萬
矢請肅虎於其處手持百矢立於射處一矢若虛發
則就死無恨云試
之果然而既允臺啓竟就刑
世宗朝伸雪錫以田民

仁祖十六年五月大虎入仁慶宮南門橫行而去

英祖三十年五月白晝虎入慶德宮空闕
捕殺之 四十四年三月有虎屢

入城中白晝恣行市街咬食犬豕
市民合力捕殺之 五十二年三月虎入城
市民

驅入景福宮空闕中射殺之

純祖十二年正月虎入慶熙宮

高麗高宗十三年八月庚戌熊入城
以下熊異 十月丁酉又入市街二十九

年四月北界熊羆多入海島

本朝 宣祖五年冬鏡城府有羆害人
我國無羆而忽有之人皆驚怪

正祖七年秋畿甸至于湖嶺有熊成群多害人畜數月乃止

新羅訥祗王三十七年七月群狼入始林
以下狼異

高勾麗寶藏王七年九月群狼向西行三日不絕

高麗恭愍王十三年六月己酉狼入城十五年九月丁未狼入城
設金剛經

道場以禳之 十六年四月癸亥狼入市

本朝 定宗元年五月兀良哈獻狼
上教筵臣曰此雖遠人所獻而畜之宮中則月費六十雞豈可以有

用之物養無用之獸乎遂命放之于野

肅宗十年有狼夜入議政府噉食家狗無虛夜

久後始捕殺之

英祖三十八年秋江原道峽中有狼或六或九成群而行恣害牛畜

久後

始捕逐之

新羅奈勿王二十一年七月夫沙郡獻一角鹿

以下鹿異

○太宗王二年十月

月牛首州獻白鹿○昭聖王四年三月冷井縣令廉哲進鹿

高勾麗太祖王十年八月東獵得白鹿二十五年十月扶餘國獻三角

鹿長尾兔

王以為瑞大赦境內○史臣李詹曰鹿與兔陰類也三其角長其尾陰道極而變其常也太祖享國日久終致二子之禍

豈其兆歟

四十六年三月王東巡至柵城西罽山獲白鹿

宴羣臣賜柵守吏物段有差紀功於

山石而還

○西川王四年四月王如新城獲白鹿十九年八月東狩獲白鹿

百濟始祖五年十月王北狩獲神鹿十年九月獲神鹿送馬韓○己婁

王二十七年王獵漢山獲神鹿○肖古王四十八年七月西部人獻白

鹿

賜穀一百石

○東城王五年四月獵熊津北獲神鹿

高麗高宗九年九月丁未鹿入市○元宗四年五月庚子十鹿入城十

年八月辛丑鹿入宮中○忠烈王三年七月辛亥二鹿入市十一月乙

未鹿入城四年五月壬寅鹿入城五年六月乙巳鹿入沙坂宮十月丁

亥又入城六年十月庚辰鹿入沙坂宮九年六月丙戌鹿入城十八年

八月癸丑鹿入城十九年三月己丑鹿入城四月己丑又入宮中二十

二年四月庚戌鹿入城○忠肅王十一年五月乙未鹿入城○忠惠王

後二年五月己卯鹿入城○忠穆王四年八月丙子二鹿入壽德宮○

忠定王三年九月辛亥鹿入城○恭讓王四年六月丙辰鹿入城

本朝 世宗十二年咸吉道進馴鹿

上教曰珍禽奇獸古人所戒其却之

世祖三年冬康翎縣獻白鹿

羣臣稱慶李承召進白鹿頌

七年九月白鹿出

百官進箋請賀

不許 九年二月濟州牧獻白鹿

成宗三年十一月黃海道進白鹿

命放之山林

十二年八月永安道進白鹿

命放之山林

上嘗愛一兒鹿豢養宮中賜名鹿童燕山卽位日手射炙食宣傳官

朴英見之歎曰先王所愛之物尙且如是况何有於諸臣卽日棄官

歸鄉

高勾麗琉璃王二年九月王西狩獲白獐

以下獐異

○閔中王三年七月王

東狩獲白獐○太祖王五十六年九月王獵于質山獲紫獐○中川王

十五年七月獵箕丘獲白獐○長壽王二年十月王田于蚰川獲白獐

○寶藏王七年九月群獐渡河西走三日不絕

高麗顯宗三年閏十月獐入毬庭○仁宗十一年五月丙寅獐入兵部

前路○高宗六年十一月丙辰有獐出自廣化門○忠肅王十二年九

月丙子獐入旻天寺毛色異常十六年四月甲午獐入康安殿○忠惠

王後四年三月辛卯二獐入城四月壬寅獐入城○忠穆王三年五月

己巳獐入城四年四月庚申獐入城○忠定王元年九月丁丑獐入城

二年四月壬子獐入城四年四月丁巳獐入城十二年閏三月癸未二

獐入城戊子獐入城十五年四月辛巳獐鳴于東宮十六年四月壬子

獐入時坐坊癸亥又入市二十二年五月甲辰獐入城二十三年四月

丙申朔獐入城○辛禡元年四月壬子獐入城二年五月甲寅朔獐入都省毳庭十一月丁未西北面萬戶金得齊獻白獐七年二月己丑獐

入城庚寅二獐又入城四月甲子亦如之日官奏秘記云獐入國中其國必亡願小心修省無事遊

改五月庚戌獐入城九年八月丁丑獐入城十年二月己卯獐入城四月己卯亦如之○恭讓王二年三月甲申獐入城四年五月獐入孝思

觀

本朝 成宗十二年永安道獲白獐以聞御札答曰放之深山毋彰不德

仁祖二年二月 上南幸公州時有獐橫截蹕路而走十四年十二月

甲申 上幸南漢山城有獐又犯蹕路而過隨駕一中官進賀上問其故對曰甲子迺變時有

此異而未幾還都故徵其為吉兆也上下以此少慰焉

高勾麗太祖王二十五年十月扶餘國獻長尾兔見上鹿異○以下兔異

高麗忠宣王元年八月壬戌有兔出壽寧宮○顯宗二年五月西京人

獻兔一首二身

新羅奈解王十年八月狐鳴始祖廟庭以下狐異○孝成王三年九月狐鳴

月城中○景德王十五年四月大永郎獻白狐

高勾麗次大王三年七月王田于平儒原有白狐隨而鳴王問師巫對曰狐妖獸白

色尤可怪天不能諄諄其言故示以妖怪欲令人君恐懼修省王若能修德可轉禍為福以為妖言遂殺其巫

百濟義慈王十九年二月衆狐入宮中一白狐登上佐平書案

高麗顯宗六年三月狐登右倉園上向人而嘯○仁宗七年十月丙戌

狐鳴都省廳及太倉北垣十五年二月辛丑狐鳴壽昌宮○元宗七年

十月壬戌狐鳴于寢殿○忠烈王十三年四月乙亥狐晝入大殿己卯
又入城○忠宣王五年五月己亥二狐入延慶宮○忠肅王後六年十
一月癸丑狐鳴時坐宮○忠惠王後五年二月丁酉狐鳴于市廩廊上
○忠定王元年九月丁丑狐入城中三年正月癸亥狐入城○恭愍王
二年八月辛亥狐入城九月辛卯狐鳴于延慶宮十月甲午入豐儲倉
三年九月乙亥狐鳴于延慶宮十四年七月癸未狐鳴于宮北十一月
癸丑鳴于景靈殿○辛禡三年三月辛巳狐入宮中五年正月辛卯狐
鳴于本闕八月癸巳鳴于毬庭八年二月甲戌狐入城九年正月乙巳
狐鳴于闕傍三月己酉鳴于花園十一年七月癸酉狐鳴于康安殿十
三年九月己卯狐鳴于時坐宮○恭讓王二年正月辛未狐出壽昌宮

西門走入思親觀西岡

本朝 宣祖二十二年冬有狐陞御榻

肅宗十六年十一月戊申冬至日有狐入時御所於仁政殿後達夜鳴

號至七八日不止

內瑤張
網捕得

高麗恭愍王六年閏九月壬戌狸入延慶宮苑

以下
狸異

庚午狸入闕內而

死

新羅婆娑王五年五月古陁郡主獻青牛

以下
牛異

○孝成王二年京都有

牛一產五犢○景德王二年三月主力公宅牛一生三犢○惠恭王二

年二月良里公家牛生犢五脚

一脚
向上

○昭聖王元年牛頭州獻異獸若

牛而尾三尺許無毛長鼻自峴城向烏壤去

高勾麗故國壤王三年十月牛生馬八足二尾

高麗太祖二十年十一月軍岳鄉牛生犢一身兩頭○顯宗十八年西

京民家牛生犢一身兩頭○肅宗四年二月東北面定州民家牛生犢

一身兩頭三耳○明宗九年三月甲申南部民家牛生犢兩頭兩耳十

七年八月丙申清州民家牛生犢一身兩頭○高宗十八年十一月己

丑王輪寺牛生犢一身兩頭一頭兩耳一頭一耳○忠烈王五年十二

月慶尙道牛疫屠者爛手而死○辛禡十年四月辛卯松山石方寺牛

生牝牡兩犢十三年十二月祭牲自死

本朝光海七年五月南原府有牛產犢一體兩頭鳴則聲出兩口

仁祖初湖南有牛生犢兩頭三年八月軍威縣有牛產犢一體兩頭九

年麻田郡地牛生犢一頭兩額兩鼻鼻端各有二穴三目兩舌四腮四

頤十二年四月熊川縣加德鎮卒家有牛生犢兩頭四目三耳四足大

邱府民家有牛將產自斃刳視其腹有犢一頭三目兩鼻四穴二口二

舌十三年社稷祭牛迸出偪傷祭官正月水原府民家有牛產犢兩頭

四耳兩口兩鼻

肅宗甲寅十一月龍宮地有牛產七足雄犢元年四月吉州地有牛產

雙犢合爲一體

濊國果下馬

以下馬異

百濟國果下馬

詳見兵考

濟州漢挈山龍馬

新羅奈勿王四十五年十月王所御內廐馬跪膝流淚哀鳴

高勾麗大武王神馬駉事詳見兵考○長壽王元年獻赭白馬于晋

百濟始祖二十五年二月漢城人家馬生牛一首二身○義慈王十五

年五月駉馬入北岳烏含寺鳴匝佛字數日而死

高麗太祖時甄萱絕影島驄馬詳見兵考二十三年十一月薛發縣百姓文

會莊有馬生駒一身兩頭六足前兩足後四足○辛禡八年二月癸酉

東北面進有角馬一曲一直長寸餘九年四月西京元師報有一牝馬

死屠而視之孕一身二頭駒

本朝 明宗二年有馬產人面貌肖馬未幾死

仁祖十四年三月癸亥忠州地有馬生角十二月十四日甲申大駕避

兵入南漢翌日曉欲間途幸江都出南門御乘戰汗不能前進不獲已

回駕入城則馬步依昔不煩鞭策追後聞之則敵人已慮駕向江都以

一枝兵截路當日御乘之戰汗實天意云

江都志曰 孝廟自藩館回駕時皇帝出給一馬曰此是東國鎮江塲

所出 孝廟受其馬而還將渡江馬先飛涉不知去處始知其為神種

互見兵考

忠愍公林慶業有所騎駿馬及其亡命馬贖御廐過數年慶業辭連

器遠杖死闕庭圍人指馬而歎曰畜物無知不知其主之已死矣馬

聽之若領會者不進水草長號一聲嘔血而斃聞者傷之

高麗顯宗九年二月己丑京牧監羊生子一首兩身以下羊異○毅宗二十

三年七月金送羊二千有一羊四角

樞密使李公升以為瑞表賀時人嘲為四角承宜

○忠烈

王三十四年四月羚羊入行省○忠定王元年九月丁丑山羊入城市

新羅太宗王二年十月屈弗郡進白猪一首二身八足

議者謂必是統合六合之瑞○

以下猪異

高麗太祖十二年五月西京民能孟家猪生子一首兩身○顯宗九年

四月竹州民家猪生子一首二身四耳八足○肅宗三年二月癸卯軍

人景延家猪生子三足前二足後一足○忠定王三年十一月己酉三

猪入城○恭愍王七年三月戊申山猪入城○辛禡七年十月乙亥山

猪入時坐宮十一年十二月辛亥野猪入城

本朝光海七年五月民家有猪產人形

新羅眞平王五十三年二月白狗上于宮墻

以下狗異

○聖德王三十五年

狗登在城鼓樓吠三日○景明王三年正月天王寺畫狗有聲若吠走

出庭中

百濟義慈王二十年六月有一犬狀如野鹿自西至泗泚河岸向王宮

而吠俄不知所之王都群犬集於路上或吠或哭移時即散

高麗熙宗七年二月禁內應明門南有犬吠聲

搜之不獲

○高宗二十九年

十二月中部南渠有狗兒一身兩臀六足二陰

忠烈王時京城大疫泥站有盲兒父母皆疫死獨與一白狗居兒執

狗尾出人施以飯狗不敢先舐兒言渴狗引至井令飲兒賴狗以活

觀者憐之號義犬

地志云東京地形有頭無尾犬之生於此地者多無尾故俗諺因以無尾犬謂之東京犬

本朝李晔光類說曰金盖仁昌寧人也畜一犬甚憐一日出行狗亦隨之盖仁醉睡道周野燒將及之狗乃濡身於傍川來往環繞以身着草茅潤之絕火道氣盡乃斃盖仁既醒見狗迹感之作歌瀉哀起墳以葬植杖以誌之杖成樹因名其地爲葵樹

延豐縣道邊斷麓上有二塚累累若路堠土人相傳昔有慶州吏獨與一家狗負笈徒步將赴舉于京師道病至此而死其狗還家出入悲鳴若有哀訴之狀其子恠之隨狗而去疾走先到死所乃長嗥氣竭而死其子力不能歸葬舉父屍厝于麓上并瘞狗其傍云

本朝 仁祖十二年正月沃溝縣民家有狗產雛八脚

本朝 肅宗晚年嘗愛一金猫養之宮中號曰金孫時投御膳餽餘以飼之一日坐舐嚙不謹放之漢江舞童島猫不食哀鳴似若伏過者然上聞而憐之復命取入養飼有加及庚子大喪猫不近肉食長伏殯殿側晝夜悲號如是積日竟至殞斃 上特命埋猫於 明陵火巢外

新羅惠恭王五年十一月雉岳縣鼠八千許向平壤而去

以下鼠異

高麗元宗二年正月北人言群鼠皆入我境

本朝李晔光類說曰東海鬱陵島鼠大如猫

鄭載崙漫錄曰 顯宗癸丑年闕中有鼠妖群鼠橫挈遍滿於御室至近之地而白色甚多觀象監教授金克晚聞而憂之曰當黑者白

則必有喪非喪則必有變矣翌年有兩國哀

臣謹按災祥者聖主之所重而有國之大政也所當一一該載罔或闕遺而勝國以上有傳志焉紀年焉可以攷信而至於本朝則蘭臺秘藏有非外人之所可觀覽書雲所儲藏幸不慎雨漏虫蝕才過數十年無一遺存將無以取徵不得已以見聞從實載錄漏百舉一文獻之不足良可慨惋

增補文獻備考卷之十二

增補文獻備考卷之十三

弘文館纂輯校正

輿地考

東方自檀箕以降諸國分南北而國焉屬國與國如一郡一縣者又紛如也互相爭奪區域不明而且國號地名重複混雜馬韓濊貊高句麗有二沃沮安市有三扶餘有四帶方有五伽倻有六餘不可勝記以方言吏語雜行名號之龐亂甚矣况東國置史濟自近肖古羅自眞興麗自嬰陽乃梁隋間也而是猶不傳郡國故實其何以考乎至高麗中葉金富軾作三國地志是必得於新羅舊籍可謂信文而關西與北闕焉山川道里不之

增補文獻備考 卷一百一十三

載我 成廟辛丑命纂輿地勝覽 中廟庚寅又命續纂於是
東方輿地井然如指掌盛矣哉然頗有脫誤且已後二百四十
餘年州郡分合改號者多不可無增修且固國不以山谿而設
險以守大易之訓也山川關防亦宜致詳作輿地考第二凡十
七卷續今二十七卷

歷代國界

檀君朝鮮國

東史寶鑑朝鮮音潮汕因水為名又云鮮明也地在東表
日先明故名山海經朝鮮在洌陽註洌水名揚雄方言朝
鮮洌水之間張華曰朝鮮有泉水洌水汕
水三水合為洌水疑樂浪朝鮮取名於此

三國遺事曰初都平壤後徙都白嶽之唐藏京

白嶽今文化縣九月山
山本名闕山以有宮闕
遺址也後綴聲呼之訛為九
月山唐藏京又訛為藏藏坪

高麗地理志江華縣西摩尼山頂有塹城壇世傳檀君祭天壇傳燈山
有三郎城世傳檀君命三子而築之

東史檀君命彭吳治國內山川以奠民居本紀通覽牛首州今春有彭
吳碑

續臣謹按東史所見彭吳與漢史所載通道將軍彭吳穿濊貊
朝鮮者同名柳得恭懷古詩賦此云堯時君命漢時臣蓋謂東
史誤認漢事為檀君事也又按三郎城檀君鴻荒之世未必有
築城之事豈其事在檀君子孫而後人誤指為檀君歟

箕子朝鮮國

補伏生書大傳曰武王釋箕子之囚箕子走之朝鮮武王聞之因以朝

鮮封之

漢書曰玄菟樂浪武帝時置皆朝鮮濊貊句驪蠻夷殷道衰箕子去之朝鮮

唐書溫彥博曰遼東本箕子國

遼金史曰遼東廣寧皆箕子封地

續文獻通考曰咸平路箕子封地

遼陽州

漢時屬玄菟

海城縣

漢時屬玄菟

盖平縣

漢時屬玄菟

金州

漢時屬玄菟

鳳凰城

漢時屬玄菟

廣寧縣

漢時遼東遼西二郡地尹根壽所錄廣寧城北五里有箕子井傍有箕子廟有箕子戴冠塑像嘉靖間

為兵火所燒

唐書裴矩曰高麗本孤竹國周以封箕子為朝鮮

綱目曰燕破東胡却地千里築長城自遼陽至襄平置上谷漁陽右北平遼東郡

魏略曰朝鮮侯子孫驕虐燕遣將秦開攻其西方取地二千餘里至滿

潘汗為界

潘音盤汗音塞

臣謹按潘汗漢書遼東郡屬縣有潘汗註云汗水出塞外西南入海盖近遼山邊塞者也滿地界未詳滿潘汗在遼東東幾許里未能知而自遼東西行千餘里則將過今寧遠州矣孤竹之地嘗為朝鮮之有故唐書直以為箕子封於此而其實孤竹之入於朝鮮盖在春秋後也孤竹殷湯丙申受封殷周之際伯夷之弟為君春秋時齊桓公伐山戎至孤竹國然則孤竹春秋後

乃為朝鮮之有也此朝鮮最盛時而朝鮮以燕僭稱王欲興師討之其强大可知至秦開攻取二千餘里界以滿潘汗秦滅燕而長城起於遼東築障踰於浪水遼河以東太師本疆幾盡失之此朝鮮垂亡時也秦開即秦舞陽之祖

補明一統志云朝鮮城在永平府境內相傳箕子受封之地後魏置縣屬北平郡

續臣謹按今之永平府即古之北平郡也丁若鏞曰據魏略潘汗以西二千餘里在古為箕子之有今自遼東而西行二千餘里正得永平府境一統志所言真有據也○臣又謹按盛京志云遼西之廣寧縣在周為朝鮮界遼東之海城縣蓋平縣及金

州皆箕子朝鮮也蓋廣寧在醫無閭之下即幽州之鎮山也金州即旅順之口也南自遼海之口西至廣寧永平之境皆云箕氏朝鮮之地則其封疆之廣拓可知矣

續丁若鏞疆域考曰今人多疑箕子朝鮮或在遼東然蘇秦傳貨殖傳朝鮮遼東真蕃之等皆別言之不可混也知朝鮮之名必起於平壤者地理誌樂浪郡屬縣二十五朝鮮居首當時衛滿之都實在平壤其後樂浪之治亦在平壤而其首縣為朝鮮則朝鮮者平壤之舊名也

續臣謹按漢史稱箕淮南奔馬韓不與朝鮮相往來而馬韓即今漢江以南地則朝鮮之疆之止於漢江以北明矣

衛滿朝鮮

史記曰自燕時嘗略屬真番朝鮮為置吏築鄣塞秦滅燕屬遼東外徼漢興為其遠難守復修遼東故塞至涓水為界滿東走出塞渡涓水居秦故空地上下障稍役屬真番朝鮮蠻夷都王儉城

括地志曰朝鮮高句驪貊東沃沮五國之地東西千三百里南北二千里東至大海四百里北至營州界九百二十里南至新羅國六百里北至靺鞨國千四百里新上當有濊字北至營州之北當作西

續臣謹按箕氏之末朝鮮之界漸縮以涓水為界至衛滿始拓涓水以外地觀於役屬真番之文可知也

濊國 一作穢 一作蕞 一作藥

三國史曰東曉濊國都 曉音移今江陵府東有濊時所築古城遺址新羅南解王時溟州人耕田得濊王印獻云

溟州即江陵

漢書武帝元朔元年濊君南閭等口二十八萬人降為滄海郡三年罷郡

東國古記扶餘國在玄菟北古濊國其印文曰濊王之印國有古城曰濊城南閭乃扶餘君而非在於朝鮮界內者也

臣謹按漢書彭吳穿濊貊朝鮮置滄海郡燕齊之間靡然發動且東海曰滄海而濊居東海之濱故名以滄海也扶餘與東海遼隔扶餘之非滄海郡明矣舊說扶餘君自稱亡人國之耆舊亦自稱古之亡人南閭內屬而為扶餘之濊云是說似得之矣

後漢書曰濊北與高句驪沃沮南與辰韓接東窮大海西至樂浪濊及沃沮句驪本皆朝鮮之地元封三年定朝鮮以濊地為臨菑郡

東史
濊屬於濊故通稱濊

賈耽古今郡國志曰新羅北界溟州古濊國

東史濊國今江原道地

臣謹按濊之南與辰韓接未知在何地而辰韓所統不過十二國後為新羅至阿達羅王時始開鷄立嶺竹嶺路新羅立國二百餘年始開二嶺則辰韓時必不及於此而濊之地踰二嶺者可知

續臣謹按濊有二種一東國古記所稱在玄菟北者也濊君南

閭之國也一後漢書所稱南與辰韓接者也即今江陵地也江陵之濊豈南閭別種之東徙者歟或謂南閭降漢漢以其國為滄海郡而江陵濱於東海則南閭明是江陵之濊也此恐不然蓋漢之時江陵至遼東千餘里之間列國甚多南閭安能挈二十六萬口千餘里越人國而降于遼東乎且欲以滄海證江陵則渤海國有何海而以為名乎

補管子曰桓公北至於孤竹山戎濊貊

補史記匈奴傳曰左方王將居東方直上谷東接濊貊朝鮮又貨殖傳云燕東綰濊貊朝鮮真蕃之利

補後漢書曰夫餘國在玄菟北千里南與高句麗東與挹婁西與鮮

卑接本濊地也

臣謹按據此諸書則濊貊之國遠在玄菟高句麗之北與匈奴鄰接其與江陵春川之地南北懸隔矣然或者濊之遺種徙居江春之間故冒稱濊國豈以此歟

貊國

輿地志曰貊國都在今春川府北十三里昭陽江北

臣謹按疆域考曰爾雅疏云北狄之類有五一日月支二曰濊貊三曰匈奴四曰單于五曰白屋濊者地名也貊者種類也又曰貊有九種濊貊其一也後世亦有梁貊小水貊句麗貊之別種斯可驗也而東人不覈曰濊曰貊分而二之各指其地此

又鹵莽之尤甚者據此則輿地志所見春川貊國者豈江陵濊貊之族類而當時名言之際或兼舉二字或單舉一字傳襲之

久遂判為各類歟

補高麗史地志曰春州本貊國新羅善德主六年為牛首州置軍主

補新羅史曰儒理王十七年華麗不耐二縣人連謀率騎兵犯北境

貊國渠帥以兵要曲河西敗之王喜與貊國結好

補百濟史曰責稽王十三年秋九月漢與貊人來侵

補賈耽郡國志曰今新羅北界溟州蓋濊之古國句麗之東南濊之

西古貊地蓋今新羅北朔州

金富軾三國史云朔州今春川

補隋書曰百濟自西行三日至貊國云

續臣謹按貊國之跡其在羅濟之史僅見一二餘無可考而其
以春川爲貊國之說始於賈耽郡國志其後鄭麟趾撰高麗史
地志取其說輿地勝覽仍之遂爲千古之定案然據丁若鏞疆
域考曰西漢末東土酋長號稱樂浪地據春川或其酋長本係
貊人故仍稱貊國此說有據也蓋春川本樂浪郡昭明縣而爲
南部都尉之治則春川一郡既屬樂浪又何餘地容貊國哉春
川與百濟地界密接而濟史一見貊跡之外都無交涉只有樂
浪之屢侵以此考之以樂浪而謂之貊國者審矣丁若鏞之說
恐確矣

東沃沮國

後漢書曰東沃沮在高句麗蓋音合馬大山之東東濱大海北與挹婁
夫餘南與濊貊接其地東西狹南北長可折方千里武帝滅朝鮮以
沃沮地爲玄菟郡蓋本東沃沮而今沃沮蓋馬山西北之水爲
東史曰東沃沮今咸鏡道地以沃沮爲蓋馬山西北之水爲
一統志曰蓋馬大山在平壤西其東卽東沃沮不統三百里而西
輿地勝覽曰平壤古跡隋帝伐高麗左十二軍出蓋馬等道會于鴨
綠水西註蓋馬屬玄菟郡有蓋馬大山漢書玄菟郡西蓋馬縣有馬
訾水唐書以馬訾水爲鴨綠江高麗林彥九城記東至于海南至于
長定二州西北介于蓋馬山九城今屬咸鏡道其西北係女真地面
非平壤之境又隋師出蓋馬道會鴨綠水西則此山疑在鴨綠江外

西北之界高勾麗盛時跨有遼河此山在其境內

柳馨遠曰三韓會土記本國山脉自蒙羅骨嶺爲長嶺山爲頭里山爲頭白山爲蓋馬山其下爲東沃沮又云蓋馬山脉回爲鐵嶺其西南脉爲劔池山爲松嶽云今咸鏡平安兩道之間嶺脊連亘數百里者卽蓋馬山也以林彥記觀之所謂九城皆在今咸鏡南道而長定二州今合爲定平府也九城之地不過三百里而西北東介于蓋馬山則此可知矣以玄菟郡有蓋馬大山及西蓋馬縣有對馬訾水觀之玄菟本東沃沮地而今咸鏡道蓋馬山西北之水爲大鴨綠上游則此又可知矣隋煬帝伐高勾麗時左右各十二軍出塞夫餘樂浪沃沮蓋馬等道其時渡遼者惟九軍其餘則元不渡遼

矣其所謂出某道者部分諸軍使出於其道也非謂經過其道而後會於鴨綠水西也果如勝覽之說則樂浪沃沮道亦當在於鴨綠之西可乎

補東史綱目曰東沃沮今咸鏡南道自高原永興等地至鏡城以南是也後漢書始立東沃沮傳昭帝時爲夷貊所侵徙郡於高勾麗更以沃沮爲縣屬樂浪東部都尉光武罷都尉封其渠帥爲沃沮侯其土迫小介於大國之間遂臣高麗

續疆域考曰東沃沮者今咸鏡南道之地也漢武帝時爲玄菟郡昭帝時爲樂浪東部以其在樂浪之東故謂之東沃沮以其有北沃沮故亦謂之南沃沮又曰北沃沮者今咸鏡北道六鎮

高句麗國

之地也
後漢書曰高句麗在遼東之東千里南與朝鮮濊貊東與沃沮北與夫餘接地方二千里多大山深谷武帝滅朝鮮以高句驪為縣

臣謹按高句驪者其名最古汲冢周書有高夷漢志武帝元

封四年開玄菟治郡高句驪縣應劭註曰故句驪胡後漢書夫

餘傳云初北夷藁離國王侍兒生男名曰東明通典引隋史云

藁離國即高麗國句如句吳句越之句故中國人或稱高驪而

不言句也盛京志遼之韓州在今開原縣西北鳳州在韓州北

二百里邊外二州本藁離國藁離即高麗也據此諸書則高句

麗之有國已久而漢武置玄菟郡治降為縣其後東明王起其地故仍稱高句麗歟

漢四郡

樂浪郡 樂音洛浪音郎十 本朝鮮之地郡治在朝鮮縣 玄菟郡 菟音

徒 郡治或云在今咸興 臨菑郡 菑音豚一作屯漢書註去 郡治在

東曉縣領縣十五 眞番郡 番音婆漢書註去長 郡治在雲縣 雲胡

領縣十五

臣謹按四郡以疆域考說考之而參以私見樂浪者今平安
黃海二道之地也其治在今平壤此外又有樂浪者二一曰南
部都尉治蓋三國史所見樂浪皆是也二曰東部都尉治漢書

所稱自單大嶺以東沃沮濊貊皆屬樂浪者是也玄菟者本沃沮故地今咸鏡南道之地也此外又有玄菟者一漢書所稱昭帝以玄菟為夷貊所侵徙於高句麗西北是也高句麗者即今清國滿洲近地也臨屯者蓋今江原京畿地也漢始元時以臨屯合於樂浪其屬縣有曰帶方東曉列口吞列而帶方者帶水之所經帶水今謂之臨津恐即臨屯也真番者其地雖不可詳然漢時合真番於玄菟而玄菟為滿洲近地則槩可以推知矣又按東儒多以今江陵謂之東曉謂之臨屯而丁若鏞駁之曰此大謬也據後漢書濊傳明云玄菟復徙句麗自單大嶺以東沃沮濊貊悉屬樂浪後分嶺東七縣置東部都尉則江陵之濊

其在四郡之時本屬玄菟矣

韓百謙曰朝鮮傳云真番臨屯皆來服屬又云真番辰國欲上書見天子壅闕不通以此見之真番實在朝鮮臨屯辰國之間其得貊國舊地可知也

金崙曰漢書註云真番去長安七千六百里臨屯去長安六千一

百里右兩里與東史綱目漢書註小異真番遠於臨屯則我國界內不可得似在

今寧古塔近處矣

臣謹按史記曰燕時略屬真番朝鮮置吏築鄣秦滅燕屬遼東外徼漢書曰遼東東賈真番之利文獻通考曰遼東南扼朝鮮東控真番然則真番在遼東東明甚而燕置吏築鄣則與遼東

不遠可知也大率漢以五國地爲四郡而朝鮮爲樂浪濊貊爲
臨屯沃沮爲玄菟皆有明證獨高勾麗二千里地豈可只爲一
縣哉是必爲眞番也應劭曰玄菟本眞番國然玄菟有二一則
漢書置四郡時玄菟此東沃沮地也一則昭帝爲二郡時玄菟
此自東沃沮移設於遼界者也應劭所謂玄菟乃二郡時玄菟
也屬縣有西蓋馬高勾麗西蓋馬在蓋馬山之西其東卽沃沮
其南卽濊朝鮮也高勾麗在於遼山遼水所出之處其西卽遼
東其北卽夫餘也以漢書所謂高勾麗在遼東之東南與朝鮮
東與沃沮北與夫餘接者四履相合無一違錯應劭所謂玄菟
本眞番者在高勾麗地內無疑矣

補臣謹按通鑑云眞番取吏於遼東史記云略屬於燕蓋是高
勾麗境內而與遼東未甚相遠也以東史論之臨屯郡治在東
隄卽江陵眞番郡治在靄縣卽遼東而漢書註臨屯去長安六
千一百里眞番去長安七千六百里在西者爲遠益東者反近
決無是理註說恐誤

漢二部

漢書昭帝始元五年以平那玄菟等郡爲平州都督府以臨屯樂浪等
郡爲東部都尉府

補臣謹按都督府之名始於李唐而在漢則無有也此云都督
府恐是都尉府之誤

輿地勝覽曰漢以朝鮮舊地平那及玄菟郡為平州都督府今平山府東牛峰縣聖居山即古之平那山疑府即漢時都督府

柳馨遠曰所謂平那即真番而平州都督府即玄菟郡也以地形論之昭帝置二府時既以樂浪臨屯並為東部都尉府則今平壤以東江陵以西地固已相接本府介居其間而密邇平壤又安得為漢時平州府乎

臣謹按漢書地志則謂平那合於玄菟濊傳則謂真番合於玄菟平那即真番也蓋真番有屬縣十五當其罷之之初擇其近於玄菟者割屬焉平那乃其一耳

漢二郡

漢書昭帝元鳳元年以玄菟為夷貊所侵徙郡於高句麗西北改築城又改二府為二郡自單大嶺以東沃沮濊貊悉屬樂浪後以境土廣遠復分嶺東七縣置樂浪東部都尉

千餘里即單大嶺也

柳馨遠曰自咸鏡道之劔山分水嶺至鐵嶺金剛五臺山為大關嶺橫亘

樂浪郡雒陽東北五千里領縣二十五

朝鮮縣今平壤以朝鮮國都故名

訥邯縣訥音音邯音音

沮水縣水西至增池入海

輿地勝覽大同江註史記漢興修遼東古塞至沮水為界衛滿亡命東走出塞渡沮水都王儉則以鴨綠江為沮水矣又唐書平壤

城漢樂浪郡也隨山屈繚為郭南涯沮水則指今之大同江又高麗史以平山府猪灘為沮江則百濟始祖北以沮江為界乃唐帝泊沮江西浦布錢下陸到松岳郡者疑指此也以此觀之本國自有三沮水而古今衆所的知者則獨大同江也

遼史曰遼陽縣在漢沮水縣北沮水亦曰泥河在海城縣西一曰

葍芋灤水多葍芋草

臣謹按燕略朝鮮置吏築鄣而漢以其遠難守築遼東故塞至沮水為界云則燕之置吏至於沮水之南明矣燕秦經理未嘗及於鴨江則沮水乃在於鴨江之北遼東之南者而泥河之為沮水是矣自唐後皆以大同江為沮水而其實非漢縣之沮水

也至於鴨綠即馬訾也馬訾與沮水同時分見於樂浪玄菟二郡鴨綠之非沮水明甚

含資縣 含一作貪本註帶水西至帶方入海

東史曰新莽時辰韓帥廉師鑿將降樂浪道遇漢人名戶來者曰我等千五百人伐木入山為韓所獲皆斷髮為奴三年矣鑿與戶來詣含資縣言郡郡即以鑿為導乘大船入辰韓迎戶來之同伴

黏蟬縣 蟬音提本註列水入海處

遂成縣 杜佑通典曰碣石山在漢樂浪郡遂成縣秦長城東截遼水起於此遺址猶在云

增地縣 涿水入海處則當在今海城縣之迷真山西

帶方縣 本註帶水入海處

駟望縣

海冥縣

遼志曰興州本漢海冥縣在東京西南二百里

列口縣

長岑縣

遼志曰崇州本漢長岑在東京東北百五十里

屯有縣

昭明縣 南部都尉治

續疆域考曰漢志註昭明南部都尉治即今之春川也以百濟

史國家東有樂浪之語及欲襲牛頭山城之說參之樂浪都尉

治之在春川無疑而與漢志符合今春川有昭陽江謂之昭陽

者豈非以在於昭明之陽乎含資者當是今伊川安峽朔寧漣

川等臨津始大之地故帶水西至帶方入海又吞列今淮陽楊

口金城麟蹄等地蓋漢水發源之地故註分黎山列水所出西

至黏蟬入海且分黎山列水所出云則分黎疑金剛寒溪之山

歟

鏤方縣

提奚縣

渾彌縣

吞列縣

本註分黎山列水所出西至黏蟬入海行八百二十里

韓百謙曰漢江之外無八百里大水恐漢江為列水漢江之源一出太白山一出五臺山西南與龍津合為漢江所謂吞列恐亦不出此等地而列口亦疑在漢江咽喉之地也

東曉縣

不而縣

一作不耐東部都尉治

蠶台縣

華麗縣

邪頭昧縣

前莫縣

夫租縣

韓百謙曰玄菟移設後單大嶺以東悉屬樂浪境土廣遠分嶺東七縣置樂浪東部都尉建武六年省都尉官遂棄嶺東地悉封其渠帥為縣侯東曉以下七縣是也

臣謹按通典曰新羅兼有沃沮不耐韓濊之地魏志嶺東不耐濊侯等降樂浪後漢書地志樂浪郡只有十八縣而東曉以下七邑無之七縣之在嶺東明矣

續疆域考曰前漢書二十五縣至後漢書為十八城者不而蠶台華麗邪頭昧前莫夫租是本玄菟屬縣為樂浪東部者也吞

列東曉是本臨屯屬縣為樂浪南部者也除此二者增一樂都故為十八也又曰漢書地理志樂浪屬縣有不而蠶台華麗邪頭昧前莫夫租等六縣此時是玄菟故地在今咸鏡道者始元移郡之後六縣為樂浪東部故班固撰志之時入於樂浪之屬縣也本止六縣今謂之七縣者始元之制又以沃沮為縣故六得為七也

帶方縣

後漢書靈帝末韓濊並盛郡縣不能制百姓苦難多流亡入韓者獻帝建安中公孫康分屯有有鹽縣以南荒地為帶方郡收集遺民○陽嘉元年高句麗犯遼東西安平鴨綠江入海處殺帶方令掠得樂浪太守

妻子

漢書曰辰韓入國屬於樂浪倭韓屬於帶方

魏志曰從帶方郡至倭循海岸行歷韓乍南乍東

韓謂百濟通倭之路由帶方西海歷

百濟而南下又東行以至故漢以倭與百濟屬於帶方

北齊隋唐史皆封百濟王為帶方郡公

百濟本紀曰責稽王時高句麗伐帶方王曰帶方舅甥之國也出兵救之蓋鹵王嘗遣帶方太守張茂入朝于元魏

新羅本紀曰基臨王巡牛頭城帶方來服

高句麗本紀曰唐將高侃將蕃兵到平壤深溝高壘以侵帶方

百濟本紀曰溫祚王渡浪帶二水登漢山負兒嶽又溫祚王三十七年大旱漢麗浪帶之間空無居民水東北部落亡入高句麗

帶方七縣 帶方 列口 南新 長岑 提奚 貪資 海冥

臣謹按帶方乃分樂浪南界諸縣為郡而其郡治在於帶方者也以諸書考之帶方即帶水入海處也列口即列水入海處也帶方之地蓋在西海之沿而南與百濟隣比東與牛頭城北與平壤不甚相遠帶水乃在漢山猪灘之間而似今臨津江也諸史家以高勾麗犯遼東殺帶方令之文為證而謂帶方在遼東濱海之地若然則樂浪亦可謂在於遼東乎我東號為帶方者多唐時有帶方州二一則滅百濟以其地分置五都督府并為帶方州詔劉仁軌為刺史者也一則李勣滅高勾麗後以百濟南界置帶方州而以至留軍那等縣為屬者也

附樂浪分界

括地志曰朝鮮南界六百里

朝鮮即樂浪郡治今平壤至漢江五百五十里

百濟本紀曰沸流溫祚南奔相可居之地沸流都彌鄒忽溫祚都慰

禮城十三年

漢建平元年

遣使馬韓告定疆域曰北至浪河

今平山猪灘

南限

熊川西窮大海東極走壤

走壤一名迭巖城新羅世家文武王十三年築首若州走壤城今春川

馬韓

遣使責曰王初渡河無所容足吾割百里之地以安之今侵我封疆

溫祚慙毀熊津柵是歲溫祚以慰禮城東有樂浪侵軼遷都漢山

自慰

禮至漢江百九十里

高勾麗本紀廣開王元年

晉大元十七年

攻取百濟漢北諸郡長

壽王六十三年

宋元徽三年

攻陷百濟漢山殺其王百濟徙都于南

新羅本紀曰真興王十六年

梁紹泰元年

創北漢州二十九年

陳光大二年置

南川州今利川

眞平王二十五年

隋仁壽三年

高勾麗攻北漢城不克武烈

王創壯義寺於漢州文武王帥師次漢山迎唐師

臣謹按溫祚畫定四封而不告他隣具告馬韓則其四封之內

似是馬韓之地今京畿黃海道是也括地志云朝鮮南界六百

里則當踰漢水矣然溫祚四封皆是馬韓之地而爲一國之半

則馬韓豈可只以侵我封疆爲言乎溫祚只毀熊津柵不以他

地返則馬韓又豈可無後言乎蓋樂浪之界自漢濱迤出慰禮

之東至烏竹二嶺舊濊貊之墟故溫祚云東有樂浪也

右樂浪帶方南界

東國通鑑曰溫祚十八年

補漢元壽二年

欲襲樂浪牛頭城遇大雪還

百濟本紀曰仇首王九年蜀漢章武二年掠新羅牛頭鎮羅將忠萱領兵拒

之

新羅本紀曰基臨王三年

晉永康元年

巡至牛頭州樂浪帶方兩國來服

訥祇王

原本作實聖王今釐改

二十二年

補宋元嘉十四年

牛頭郡山水暴至漂流五

十餘家

高勾麗本紀曰太祖王四年

漢中元元年

滅東沃沮拓境至滄海

溟州

新羅本紀曰婆娑王二十三年

漢永元十四年

悉直國來降魏志齊正始六

年

補助賁王十六年

樂浪太守劉茂帶方太守弓遵以嶺東濊貊屬句麗興

師伐之不耐濊侯等舉邑降

高勾麗本紀曰長壽王五十六年

宋泰始四年

取悉直爲郡

新羅本紀曰智證王八年梁天監六年以異斯夫為悉直州軍主真興王

二十九年陳廢帝二年以達忽為州巡北邊至今咸興府善德主置溟州

武烈王以溟州為都督府唐貞觀顯慶間

右樂浪東界

高句麗本紀曰大武神王十五年漢建武八年襲樂浪破之二十七年漢

遣兵渡海復取樂浪薩水以南屬漢薩水今清川江三國史云薩水以南而東國通鑑改北字蓋漢

兵渡渤海而來徑取薩水以南若干郡恐南字非誤也

魏畧曰司馬懿定四郡明帝密遣帶方太守劉昕樂浪太守鮮于嗣

越海定二郡

三國史曰高句麗美川王十四年晉建興元年侵樂浪十五年侵帶方

百濟汾西王七年晉永興元年襲取樂浪西縣冬十月樂浪太守遣刺客

殺百濟王

一統志曰樂浪郡晉永嘉末陷入高句麗

臣謹按漢自建武以後史無東征之事薩水以北盡沒於句麗

而後漢書郡國志曰樂浪十八縣蓋羈縻而已魏晉時猶云樂

浪有六縣而乍得旋失只存版圖耳平壤乃樂浪郡治而自魏

時已為句麗之都樂浪東南界亦為三國之迭據樂浪太守未

知寄遇於何處耶及其不通中國僭稱國焉樂浪地界定然後

朝鮮三韓三國本疆可以領畧故特詳焉

續臣謹按三國史所見樂浪蓋皆南部樂浪故高句麗東川王

都平壤之後樂浪之文史不絕書也乃原考不覈破此一案所以有分界南北說之紛紜耳

右樂浪北界

玄菟郡 洛陽東北四千里 領縣三

高勾麗縣 遼山遼水所出西南至遼遂入大遼水又有南蘇水西北經塞外

上殷台縣 地界未詳

西蓋馬縣 馬營水西北入鹽難水西南至西安平入海過郡二行一千一百里一統志鹽難水即今修家江

後漢書曰安帝初以遼東之高顯侯城遼陽三縣屬玄菟 今海城蓋平等縣為

玄菟所屬

臣謹按小遼水今名渾河西南流南蘇水未詳而西北流經塞

外則蓋歸於混同江者也高勾麗在二水發源之處跨據遼山

南北而為縣玄菟在遼東東北高勾麗在玄菟東南漢書云多

大山深谷者是也馬營水通典以為鳴綠江縣在蓋馬山之西

鳴綠江之上游東與東沃沮接西與樂浪接蓋今平安道廢四

郡江界府等地方也

高勾麗國 東史寶鑑高朱蒙生於遼東句麗山下故以其姓高字冠於山名上以為國號然高勾麗起於漢高勾麗縣之地故因襲

其號也麗本作驪盧溪切後省馬為麗

三國地志曰通典云朱蒙自北扶餘東南行度普述水至紇升骨城居

焉 都此凡四十年 古記云朱蒙自扶餘逃難至卒本則紇升骨卒本似一處也

漢玄菟郡所屬三縣高勾麗是其一焉則朱蒙所都紇升骨卒本者蓋

玄菟之界

輿地勝覽曰平安道成川松讓故都也高句麗始祖東明王自北扶餘
逃來都卒本川松讓以其國降沸流水在館西卽卒本川

後漢書曰句麗依小水爲居因名曰小水貂魏志曰遼東西安平縣北
有小水南流入海

遼史曰正州在淶州

渤海時
淶州府

西北三百八十里本沸流王古地有沸流

水渤海時爲沸流郡

韓百謙曰句麗本起於西安平則東史以卒本扶餘爲成川者非
是西安平今屬遼東外徼馬訾水入海處沸流水亦在其地恐今
狄江是也

臣謹按漢昭帝元鳳元年置二郡而句麗開國在元帝建昭二

年其間爲四十四年是時漢道全盛而樂浪太守在於今平壤

自平壤至成川不過百數十里松讓句麗何以割據乎且今咸

鏡道爲沃沮縣屬於樂浪句麗又何以介於其間乎所謂紇升

骨沸流水不當在於鴨江以南而遼志所載似得矣

三國史琉璃王二十一年郊豕逸王命掌牲薛支逐之至國內尉那巖

得之反見王言國內山水可作都二十二年自卒本遷國內築尉那巖

城都凡二百七年○原本作
四百二十五年今釐正

三國地志曰英公李勣奉勅以高句麗諸城置都督府鴨綠以北已降

十一城其一國內城從平壤至此十七驛則此城亦在明朝境內但不

知何所

三國史畧曰國內城今義州

臣謹按通典云鴨綠水經國內城南國內之在鴨水北明矣且

薛支逐豕而至國內豕行所到必不遠國內與卒本不甚相遠

可知也

三國史山上王二年築丸都城十三年移都補都凡十九年

括地志曰不耐一作耐城即國內城也城累石為之此即丸都山

唐書曰登州東北海行過海自鴨綠江口舟行百餘里乃小舫泝流東

北三十里至泊灼口即古安平縣得渤海之境又泝流五百里至丸都城

李勣奏狀曰安市城或云丸都城

東川王二十年魏幽州刺史毋丘儉將萬人出玄菟來侵王逆戰于沸

流水上再戰于梁貊之谷大敗王奔鴨綠原儉攻陷丸都屠之補二十

一年移都平壤都凡九十七年故國原王十二年復都丸都城翌年移都東黃

城都凡八十五年長壽王十五年復都平壤都凡一百一十五年平原王二十八年移都

長安城平壤外城○都凡八十三年

遼史地志曰桓州在淶州西南二百里高麗王釗創立宮闕晉時為慕

容號所焚蕩

古記寧遠郡釦山古丸都俗謂釦為丸

補通典云馬訾水一名鴨綠水源出東北靺鞨白山水色如鴨頭故

名之去遼東五百里經國內城南又西南至安市城入海唐書所記

亦然然則此城在鳴綠以北明矣似與鳴綠江不遠而未知其爲今何所耳

柳馨遠曰高勾麗地志長壽王十五年自國內移都平壤其本紀則謂山上王十三年自國內移丸都東川王二十一年徙都平壤故國原王十二年復移丸都十三年還移平壤東黃城長壽王十五年復都平壤城二說自相牴牾通典云高勾麗自東晉以後居平壤亦曰長安城元史地志高勾麗平壤城亦曰長安城漢樂浪郡也晉義熙後其王璉始居平壤城一統志所載亦與元史同則謂長壽王始都平壤者恐爲得之然自山上王至長壽王其間十王二百餘年中本紀所書與毋丘儉燕慕容皝相戰殘破丸都

等事與魏晉諸史相符其自國內徙丸都自丸都徙平壤則明甚其謂長壽王自國內徙平壤者必有脫誤也又長壽王以前本紀所載多見居平壤時事高勾麗得平壤已在長壽之前豈其遷徙無常而至長壽乃爲定都耶

臣謹按高勾麗初起於中國之東北隅漢自哀平以來號令中微重以王莽更始之亂而句麗得全疆域且句麗之北卽扶餘也扶餘爲琉璃王所破不自振扶餘之西北卽匈奴也匈奴經五單于南北單于之亂逃遁奔竄其地又曠句麗適乘是時南侵北伐土地日闢建武之際句麗寇右北平漁陽上谷大原夫右北平卽順天府也漁陽在北平之西上谷又在漁陽之西大

原又在上谷之西皆漢之北塞而當匈奴之衝句麗之寇徑由四郡蓋嘗北拓其地迤而漸西與四郡之境相逼可知也是故句麗稱胡而地實近北與今之鴨綠東岸初相遼隔後雖用兵於東以薩水爲界而亦不過爲其國之邊幅也其後三國鼎峙於中土而公孫康雄張海外毋丘儉屠毀丸都則句麗遂弱通典高句麗至曹魏南北漸縮才千餘里者是也又其後慕容氏起於遼北用近攻之術句麗不能支東渡鴨水來都平壤遂爲東方之國又其後慕容氏殘滅馮氏來投而二魏爭衡中國疲於兵革句麗復強地遂以闢通典又言至隋漸大東西六千里者此也

補東史綱目曰高句麗始起遼左卒本之地卽渤海率賓府而置華益建三州明置建州衛今瀋陽奉天府興京之地是也後移國內尉那巖今楚山府江北兀刺山城是也又有丸都城與國內相接渤海於高句麗故地置西京鴨綠府領神桓豐正四州桓卽丸都舊地也後定都於平壤三國史所謂始居中國北地漸東遷于涇水之側者是也

沸流國

高句麗本紀東明王二年松讓王以國來降以其地爲多勿都封松

讓爲主

麗語謂復舊土爲多勿朱蒙稱以其舊基而爭故名

荇人國

高句麗本紀東明王六年王命烏伊芬奴伐太白山東南苻人國取其地爲城邑

臣謹按太白山有二一在寧邊一在三陟東史以苻人爲在於三陟輿覽爲在於寧邊似因山名之同爲太白而有誤也

蓋馬國

句茶國

未詳

高句麗本紀大武神王九年

原本作八年今釐改

冬十月王親征蓋馬國殺其

王以其地爲郡縣十二月句茶國聞懼害及舉國來降

北沃沮國

高句麗本紀東明王十一年

原本作十年今釐改

命扶慰厭伐北沃沮滅之以

其地爲城邑

後漢書曰北沃沮一名置溝婁去南沃沮八百餘里南接挹婁

舊說南當

北作

韓百謙曰高句麗漢賜冠服就立菟郡受之其後稍強盛不復詣郡於東界置幘溝婁受之今在咸鏡北道

南沃沮國

臣謹按沃沮有東北南三名而似不出今咸鏡南北道之內也三國史有云南沃沮二十餘家來投新羅南沃沮盖近新羅者也遼志以遼東之海州爲沃沮國地此與遼中京之有三韓縣日本武莊州之高麗郡攝津州之有百濟郡同或俘其地之

人以居或夸大以名者也

黃龍國

高勾麗本紀初琉璃王遷都太子鮮明不肯從留故都黃龍國王賜強弓鮮明對使彎折之王以恃強力結怨隣國賜鮮明死
輿地勝覽曰龍崗縣古黃龍國爲高勾麗所并

東史會綱曰東明初起之地其東北爲建州衛界西北爲蓋州衛界非我國圖籍所能攷據而東人俚俗荒誕之言如東明麟馬等事承訛襲恠便作故實今平安一道之內山川城郭之名皆傳會於東明國史所見之名號以實其夸誕而輿地勝覽不加證辨直以東明爲起於樂浪而遂以成川爲松讓國龍崗爲黃龍國優渤水爲在今寧

邊香山苻人國亦附於寧邊古跡之末此等處甚多皆似誤也金富軾三國史地理志卒本川松讓國優渤水黃龍苻人等國皆云未詳此恐爲的論

補東史綱目曰黃龍國在遼地東北界而今不可考卒本爲今興京等地而黃龍與卒本稱爲隣國則其不遠明矣麗史地志云龍崗故黃龍國輿覽因之夫地名相類不是異事而牽就傳會至於如此以爲傳實之語何哉

梁貊國

高勾麗本紀琉璃王三十三年命烏伊摩離領兵二萬西伐梁貊滅其國進兵襲取漢高勾麗縣

臣謹按本紀曰西伐又曰進兵其行自東而益西也梁貊蓋在國內城之西漢高勾麗縣之東而東川王二十年毋丘儉來侵王逆戰於沸流水上敗之又引兵再戰於梁貊之谷又敗之梁貊亦與沸流水不遠之地也

扶餘國

高勾麗本紀大武神王五年伐扶餘國殺其王帶素文咨王四年原本

作三年今蓋改扶餘王及妻孥以國來降

後漢書曰扶餘在玄菟北千里南與高勾麗東與挹婁西與鮮卑接

地方千里本濊地也今開原縣本扶餘國渤海為扶餘府

臣謹按東史扶餘有四一東扶餘即帶素之國也一北扶餘即

解慕漱之國也一云檀君之子解夫婁為扶餘始祖一卒本扶餘朱蒙初來建國

者也一南扶餘即百濟也東扶餘蓋扶餘一種別居東南者也

東國記異大武神王時東扶餘國除云則文咨王時來降者乃

北扶餘也扶餘全疆入於句麗而其北地亦入於勿吉靺鞨者

焉

續魏志曰夫餘庫有玉璧圭瓚傳世以為寶其印文言濊王之印國

有故城名濊城本濊貊之地而扶餘王其中

續晉書云扶餘王印文稱濊王之印國中有故濊城本濊貊之城也

續魏書云豆莫婁國在勿吉北千里舊北扶餘也本濊貊之地

續高勾麗史曰扶餘王解夫婁時其相阿蘭弗曰東海之濱有地曰

迦葉原土壤膏腴宜五穀可都也遂移都國號東扶餘其舊都有人不知所從來自稱天帝子解慕漱來都焉

續新羅史曰南解王十六年北溟人耕田得濊王印獻于新羅

臣謹按北扶餘者今盛京省開原縣也其地在解夫妻之時

為濊國其自解慕漱之後為扶餘國故漢魏諸史皆以扶餘立

傳而其地曰古濊地其城曰古濊城明前此而為濊也北溟今

江陵而新羅史北溟人耕田得印乃是濊王之印則丁若鏞所

謂以江陵為東扶餘者疑亦近之矣○又按東扶餘國在高勾

麗國都國內城北故大武神王之伐東扶餘恠由曰聞大王北

伐扶餘云云國內疆域考以為在今楚山隔江之北

東沃沮國

補後漢書曰東沃沮在高勾麗蓋馬大山之東東濱大海北與挹婁

南與濊貊接其地東西狹南北長可折方千里畫出咸鏡道地形土肥美背

山面海宜五穀○又曰武帝滅朝鮮沃沮以其地為玄菟郡後為夷

貊所侵徙郡於高勾麗西北更以沃沮為縣屬樂浪東部都尉至光

武罷都尉官後皆以封其渠帥為沃沮侯其土迫小介於大國之間

遂臣屬句麗

補魏志曰衛滿王朝鮮時沃沮皆屬焉漢武為四郡以沃沮城為玄

菟郡後徙郡句麗西北沃沮還屬樂浪漢以土地廣遠在單單大嶺

之東分治東部都尉治不耐城別主嶺東七縣時沃沮亦皆為縣漢

光武建武六年省邊郡都尉其後皆以其縣中渠帥爲縣侯不耐華麗沃沮諸縣皆爲侯國

補新羅史曰赫居世五十三年東沃沮來獻良馬五百匹

補百濟史曰溫祚王四十三年南沃沮仇頗解等二十餘家至斧壤

納欸王納之安置漢山之西

續臣謹按疆域考以蓋馬大山謂今白頭山而緩項雪嶺黃草

鐵甕等嶺皆白頭之南脈則在此嶺東者卽沃沮之地也東南

沃沮俱是一國而異稱其北沃沮卽今咸鏡北道六鎮之地也

後漢書所云北沃沮一名買溝婁去南沃沮八百餘里者是也

後皆爲高勾麗之領土

高勾麗本紀太祖王四年伐東沃沮取其地爲城邑拓境東至滄海

南至薩水東沃沮建武後爲縣侯復稱國

曷思國地界未詳似在鴨綠江近地

高勾麗本紀初大武神王伐扶餘帶素之弟知國將七與從者百餘人至鴨綠谷見海頭王出獵遂殺之取其百姓建都於曷思水濱太祖王十六年曷思王孫都頭以國來降

藻羅國未詳

高勾麗本紀太祖王二十年遣貫那部沛者達賈伐藻羅國虜其君

朱那國

高勾麗本紀太祖王二十二年遣桓那部沛者薛儒伐朱那國虜其

王子乙音為古鄒加

渤海國

大氏以句麗舊將起自殘燼十一年之間能盡復前王之恥且禮樂制度多倣又越海殺登州刺史韋俊以雪前王之恥且禮樂制度多倣

中華崔滌送李穀序云五代梁唐三十年間渤海貢士登科者十數人學士彬彬與王氏相甲乙祚榮可謂曠世之傑也

東史曰唐滅高句麗徙其人於河南隴右高句麗舊將大祚榮收逋

殘之衆與靺鞨走保太白山之東北又移女眞之東牟山建國號震

朝諱開元初改稱渤海

文獻通考云唐武后時舍利乞乞仲象與靺鞨莫乞四比羽走保太白山仲象子祚榮乃

建國太白山未詳東史有云在今寧邊東牟山一統志在瀋陽東二十里後唐天成元年為契丹所滅渤

海世子大光顯奔高麗前後來者數萬戶麗王賜光顯姓名王繼昇

白州奉祀

補地志曰渤海國本粟末靺鞨即高句麗別種隋煬帝時其渠帥度

地稽率其部來降居之柳城其後乞乞仲象與其徒渡遼水保太白

山東仲象死子祚榮嗣高句麗之亡餘燼稍稍歸之國號震朝諱先

天中唐拜為左驍衛大將軍渤海郡王自是始去靺鞨之號稱渤海

文獻通考曰渤海乃高句麗故地直營州東二千里南接新羅界以

泥河東窮海西契丹補地方五千里盡得扶餘沃沮并韓朝鮮海北

諸國

按東國記異新羅祗摩王十四年靺鞨兵大入北境襲大嶺柵過泥河新羅北界止於泉井泉井今德源泥河當在於德源界

內補臣謹按祗摩是新羅第六王是時非但北關雖以關東言之滅

貂三陟外皆是高句麗所管領新羅安得越關東而以泉井為界註

攷說欠

疆域考曰渤海立國本據句麗之地我邦西北之邊皆入疆理

考其疆域惟我邦嶺東之地得其全體南北彌三千里唐書云高

麗滅大氏保挹婁之東牟山地直營州東二千里南接新羅以泥河為境泥河者江陵之北泥川水也既以泥河為界則襄陽以北皆渤海之所得也

補清統志云渤海所置州郡多在吉林烏喇寧古塔及朝鮮界賈耽郡國志曰渤海國南接扶餘鳴綠柵城四府并是高勾麗舊地也自新羅泉井郡至柵城府凡三十九驛唐制三十里置一驛一千一百七十里

文苑臣謹按新羅統合之後東北以泉井郡之炭項關為界今德源中也西北以唐嶽縣為界今中和也自中和而東歷今之祥原遂山東安谷山以抵于德源皆是邊塞也其外今之咸鏡平安二道皆為渤海有矣然遼滅渤海所經理者鳴綠以北而已鳴綠之南

惟保定二州其餘皆為女真所據矣遼史地志所載者止於鳴綠以北故鳴綠以南渤海郡縣沿革遼羅史俱闕焉無以攷也續臣謹按渤海者高勾麗之遺種也句麗亡其舊將大祚榮收集逋殘立國建都盡有高勾麗之舊疆其後嗣王拓地廣土西極夫餘以至瀋州而肅慎故地為上京南為中京濊貊故地為東京沃沮故地為南京高麗故地為西京五京所領凡六府二十二州又其扶餘故地領二府四州挹婁故地領二府四州率賓故地領一府三州拂涅故地領一府五州鐵利故地領一府六州越喜故地領二府十三州又有獨奏州三其五京十五府六十二州之地方毋慮為五六千里自唐武后聖曆二年歷三



百餘年之間奄成東北之一大國契丹女真皆警服不敢動繹
史所謂西通上國南聘新羅北捍契丹東使日本雄視東北之
奧殆三百年所以稱海東盛國者良由是也且其制度文物亦
頗彬彬可稱然而惜其文獻無徵只憑於襍出中國之史而斷
章採取是可悲夫

定安國

宋史曰定安國本馬韓之種為遼所敗餘衆保其西鄙建國改元稱
定安國開寶三年其王列萬華因入貢女真附表貢獻太宗時其王
烏玄明復因女真上表畧曰臣本以高麗舊壤渤海遺黎保此方隅
太宗荅勅畧曰卿奄有馬韓之地介于鯨海之表云云端拱淳和間

復因女真奉表其後不至

臣謹按渤海亡後契丹經理不及於鴨綠豆滿之南高麗初收
復又不及於平安道之江界渭原廢四郡咸鏡道之鐵嶺以北
故女真得據其地似與定安分占也

挹婁國

補肅慎氏一名挹婁在不咸山北東濱大海西接寇漫汗北至弱水

補地志云古肅慎氏之國在扶餘東千餘里不知其北所極土氣極

寒常為穴居以深為貴在宋為生女真

補高句麗本紀始祖十年滅之

補後漢書云在不咸山北扶餘東北廣袤數千里

鮮卑國

補在扶餘之西句驪之北

補高句麗本紀琉璃王十一年擊降之

海頭國

補高句麗本紀在鳴綠谷大武王五年為曷思國所滅

椽那國

詳未

補高句麗本紀大武王五年扶餘王帶素之從弟以萬餘人投高句

麗封之椽那部為王賜姓絡氏

樂浪國

續臣謹按此樂浪國蓋漢所置樂浪南部都尉後叛漢自稱太

守或稱王乍滅旋起至元魏時竟為高句麗所吞

廉斯國

詳未

補高句麗本紀閔中王元年馬韓部落廉斯人蘇馬謚詣樂浪貢獻

于漢光武封為廉斯君屬樂浪四時朝謁

報德國

高句麗本紀曰高句麗為唐所滅大兄釧年岑欲圖興復收合殘民

至浪江殺唐官向新羅行至西海史治島見故宗室安勝迎置漢城

立為君遣小兄多式等告新羅曰我先王滅失道見滅今臣等得國

貴族安勝以為君願作藩屏新羅文武王處之金馬渚封報德王以

兄女妻之後神文王徵安勝為蘇判其族子大文留金馬渚謀叛被

誅餘衆殺官吏據報德城又叛王命將討平之徙其人於國南州郡

報德城在益山郡西一里遺址僅存史治島即今仁川士也島

唐九都督府

三國史唐高宗乾封元年以李勣爲遼東大總管伐高句麗二年拔南

蘇等城總章元年以劉仁軌爲副總管新羅王子金仁問爲副九月勣

等進鴨綠柵破麗兵圍平壤城與新羅兵共平句麗收五部百七十六

城六十九萬餘戶分爲都督府九新城遼城哥勿衛樂舍利居素越喜去朝建安州四十二縣

百置安東都護府於平壤以統之薛仁貴以檢校安東總兵二萬以鎮

撫之都督府九唯新城遼城越喜建安見一統志餘五府不載疑皆鴨江以東

文獻通考唐上元二年安東都護府自平壤徙遼東城儀鳳二年又徙

新城開元二年又徙平州天寶二年又徙遼西故郡城至治後廢

附李勣奏狀

總章二年二月前司空兼太子太師英國公李勣等奏稱奉勅高麗

諸城堪置都督府及州郡者宜與男生商量准擬奏聞件狀如前勅

依奏其州郡應須隸屬宜委遼東道安撫使兼右相劉仁軌遂便穩

分割仍摠隸安東都護府 鴨綠水以北未降十一城 北扶餘城

州本助利非西 節城本燕子忽 豐夫城本肖巴忽 新城州本

仇次忽或云敦城盛京志唐太宗征高麗李勣拔遼城蘇定方至新城大破之皆此地今在廣寧縣內地 桃城本波

尸忽 大豆山城本非達忽 遼東城州本烏列忽盛京志今遼陽州城東南隅俗

稱高麗營至新城遼城皆入 屋城州 白石城按盛京志高句麗白崖城渤海爲白巖城

在今遼陽州城東五十七里石城山有古壘疑此白石城 多伐嶽州 安市城舊安寸忽 或云九

一統志曰安市在蓋州衛東北七十里

輿地勝覽曰安市城在龍崗縣烏石山世以此為唐太宗所親征者非是陳嘉猷亦因國人之言而為詩耳或別一安市城未可知

也

陳嘉猷中朝人賦此城曰城樓百尺拂晴雲此地曾聞駐六軍翠輦不辭經險道白袍屢見樹奇勛

臣謹按古記云東人方言以鳳凰為安市故鳳凰城東人稱安市華人稱鳳凰然唐太宗自安市而班師不曾至鴨綠漢書安市為遼東屬縣當在鳳凰城西北之地一統志所載為是金時習以安州為安市此尤不可知

鴨綠以北已降城十一 椋岳城 木底城 在今金州地 藪口城 南蘇

城 在今金州地 甘勿主城本甘勿伊忽 麥田谷城 心嶽城本居尸埤

國內州

一云不耐或云耐那岳城

屑夫婁城本肖利忽

補三國史作肖利巴利忽

朽嶽城本

骨尸埤 櫟木城 鴨綠以北逃城七 鉛城本乃勿忽 面嶽城

牙嶽城本皆尸埤忽 鷲嶽城本甘彌忽 積利城本赤里忽

木銀城本召尸忽 犁山城本加尸達忽 鴨綠以北打得城三

穴城本甲忽 銀城本折忽 似城本史忽 都督府一十三縣 按

督府上脫二字

嶠夷縣

神丘縣

尹城縣本悅已

今定山縣三國地志百濟時號悅已一云豆陵

城尹

麟德縣本古良夫里

今青陽縣百濟時號古良夫里

散昆縣本新村

今保寧縣百濟時號新村

安遠縣本仇尸波知 賓復縣 三國史 本比忽 歸化縣本麻斯良

邁羅縣 甘蓋縣本古莫夫里 奈西縣本奈西兮 得安縣本

德近支

今恩津縣百濟時號德近支

龍山縣本古麻山

按今藍浦縣百濟時號馬山麻馬音同且有九龍山

疑是東明州四縣

為邑鎮

熊津縣本熊津村

今公州百濟時號熊津

鹵辛縣本阿

老谷

久遲縣本仇知

今全義縣百濟時號仇知

富林縣本伐音村

按富林今忠清道廢縣新

豐屬公州百濟時號伐音支

支溇州九縣

己汝縣本今勿

今德山縣百濟時號今勿支溇縣

本只多村

馬津縣本孤山

按今禮山縣百濟時號孤山似是孤山音亦相近

于來縣

三國史作子來

本夫首只

按今唐津縣百濟時號伐首只一云夫解

禮縣本皆利伊

古魯縣本古麻只

平夷縣本知留

珊瑚縣本

沙好薩

隆化縣本居斯勿

按今全羅道廢縣居寧屬南原百濟時號居斯勿

魯山州六縣

魯山縣本甘勿阿

今咸悅縣百濟時號甘勿阿

唐山縣本仇知只山

今金溝縣百濟時號

仇知只山淳遲縣本豆尸

按今全羅道廢縣富利屬錦山百濟時號豆尸伊

支牟縣本只馬馬知

烏蠶縣本馬知沙

阿錯縣本源村

古四州本古沙夫里五縣

平倭縣本古沙夫里村

今古阜郡百濟時號古沙夫里

帶山縣本大尸山

今泰仁縣百濟時號

大尸山辟城縣本辟骨

今金堤郡百濟時號碧骨辟碧音同疑是

左贊縣

三國史作右贊本上杜

淳牟縣本豆奈只

沙伴州本號尸伊城四縣

牟支縣本號尸伊

村

按今長城府即百濟時古尸伊縣號古音相似尸伊又同疑是

無割縣本毛良夫里

今高敞縣百濟時號毛良

夫里佐魯縣本上者

多只縣本夫只

帶方州本竹軍城六縣

至

留縣本知留

軍那縣本屈奈

今咸平縣百濟時號屈乃奈乃音同疑是

徒山縣本抽山

那縣本半那夫里

按今全羅道廢縣嘉興屬珍島百濟時號徒山此則唐人仍其舊號而抽山乃別稱如安市城之因舊號而又載其一名安村忽也半

竹軍縣本豆盼

按今長興所屬萱原廢縣百濟時號豆盼東國記云此帶方本竹軍城軍是軍字之訛也謂此誤也

臣謹按本考五編及輿覽蓋原廢縣皆云屬興陽而此作屬長興恐欠攷 布賢縣本巴老彌 分嵯州本

波知城四縣 按今樂安郡百濟時號分嵯一作分沙今樂安郡北五里有

分沙峴卽其地也 貴且縣本仇斯珍兮 按今長城所屬珍原廢縣百濟時號丘斯珍兮仇丘音同疑是 首原

縣本買者坪 臯西縣本秋子兮 今潭陽府百濟時號秋子兮 軍支縣 按輿地勝覽樂安古

跡有軍知部曲在郡南二十五里支知音同疑是

臣謹按唐平百濟置五都督府後並句麗置九都督府又置安

東都護府以統之然九都督李勣狀中只著一四十二州只著

七百縣只著四十六 以已上所條列自嶠夷至軍支合五十一縣而此作四十六嶠以下二十一城初

不概見恐欠攷 其所著州縣皆百濟之地也句麗全疆在於鴨水南者

無一見焉鴨綠以北如蒼巖大行等諸城見於唐書及麗紀皆

係勣等所拔者而此悉不載止云打得城三蓋此狀脫落者多

而非全文也

辰國

史記曰真番辰國欲上書見天子

後漢書曰三韓地合四千餘里 言方四千里也 東西以海為限皆古之辰國也

共立其種為辰王都日支國盡有三韓之地

文獻通考曰辰王治日支國

臣謹按辰國史記漢書通典通考皆昭載而東史無一著見疎

漏甚矣顏師古以辰為辰韓非是蓋辰與朝鮮分南北而建國

者也其始末不可考而辰之後為馬韓馬韓分而為三韓也日

支地界未詳馬韓所統五十四國有月支無乃月與目字相近而訛歟

馬韓國

東史曰馬韓都金馬

今益山郡有金馬山國號以馬者此也一說馬韓所都在金堤郡以金字之同傳會而云然也然金

堤本百濟碧骨郡金堤之名始於新羅末而在馬韓之後也

後漢書曰韓有三種馬韓在西有五十四國其北與樂浪南與倭接

馬按

韓在西者言在辰韓之西也

五十四國 愛襄國 東國通鑑作愛襄國 牟水國 桑外國 小石索國 大

石索國 優休牟涿國 臣漬沽國 三國志作臣漬活國 伯齊國 通鑑作伯濟國 速盧

不斯國 日華國 古誕者國 古離國 怒藍國 月支國 治

離牟盧國 通鑑作離牟盧國 素謂乾國 古爰國 莫盧國 卑離國 占

卑離國 占豐國 通鑑作占豐國 支侵國 狗盧國 卑彌國 監奚卑離

國 古蒲國 致利鞠國 冉路國 兒林國 駟盧國 內卑離

國 通鑑作內卑離國 感奚國 萬盧國 辟卑離國 舊斯烏朝 諱代國三國志作

曰斯烏朝國 一離國 不離國 文獻通考作不彌國 友半國 三國志作支半國 狗素國 棲

盧國 通鑑作捷盧國 牟盧卑離國 臣蘇塗國 古臈國 臨素半國 臣

雲新國 如來卑離國 楚山塗卑離國 一難國 狗奚國 不

雲國 不斯濱邪國 爰池國 乾馬國 楚離國 大者萬餘家小者數千家

補徐居正曰三韓所統七十餘國之名見於陳壽三國志者如此必非鑿空造語而東史不傳今不得考其所在

補東史綱目曰三韓之地自今漢水以南為始馬韓今漢水以南京畿忠清全羅道之地西渡海通青齊楊越東南渡海通倭北限漢水接朝鮮東連辰下二韓後百濟有其地

箕準馬韓國

輿地勝覽益山郡北龍華山上有古城世傳箕準所築故名箕準城郡南五里有宮垣階砌遺址世傳馬韓時宮基

後漢書曰箕準入海攻馬韓破之準滅絕馬韓復自立為辰王

臣謹按東史皆以馬韓只為箕準之國至論馬韓歷年有曰起漢惠帝丁未止新莽己巳共二百三年有曰歷四郡二府之時傳世亦二百年是以箕準之國為馬韓之始終今以後漢書考之其傳似不久也漢書云真番辰國上書欲見天子壅闕不得所謂壅闕者為朝鮮王右渠所壅闕也是時箕準之王馬韓七

十餘年漢書不曰馬韓而曰辰國則右渠之世準已滅絕而馬韓人復立為辰王也且東史以馬韓之割東界與辰韓謂箕準有太師仁厚之風以箕準借地衛滿失其國而後孫不能懲前借地溫祚以亡譏之夫秦人之避地辰韓在秦時而箕準之王馬韓在漢惠時準後之借地溫祚在漢成初而箕準之滅絕在右渠前故箕準所取之馬韓箕準後孫以後之馬韓與夫箕準之馬韓凡三馬韓也

後馬韓國

三國史溫祚二十六年冬出師陽言敗獵襲馬韓遂並其國惟圓山錦峴二城未下二十七年二城下馬韓遂滅

臣謹按新羅本紀脫解王五年馬韓孟召以覆巖城來降時馬韓之亡已五十餘年矣高句麗本紀太祖王六十六年以馬韓滅貊圍漢玄菟郡時則馬韓之亡已百餘年矣然則馬韓雖亡而其舊國遺民猶不盡降於百濟往往拒守猶稱亡國舊號歟抑馬韓中間復興而衰小不國其興滅不載於史而因事著見歟今併不可考

續臣謹按溫祚二十七年所滅者此蓋箕準馬韓也脫解王五年所降者此蓋後馬韓也而原考之說未知其如何耳

辰韓國

後漢書曰辰韓在東十二國其北與濊貊接

東史曰秦亡人避苦役適韓國馬韓割東界地與之故名秦韓一云辰韓在帶

方辰方故名

崔致遠曰辰韓本燕人避之者故取涿水之名稱所居邑里云沙

涿漸涿羅人方言讀涿音為道故今或作沙梁梁亦稱道道今傳訛稱道乙

六部按通典云辰韓始有六國稍分闕川揚山村今巖巖寺與地勝覽作揚山突

山高墟村兄茂山大樹村伊背山珍支村花金山加利村栢栗寺之北山明

活山高耶村金剛山

十二國 已抵國東國通鑑作己抵國 不斯國 弁辰彌離彌凍國 弁辰接

塗國 勤耆國 難彌離彌凍國 弁辰古資彌凍國 弁辰古淳

是國 冉奚國 弁辰半路國 弁樂奴國 軍彌國大者四五千家小者六七

家百

補東史綱目曰辰韓今慶尙道洛江以東之地北連濊貊西北接馬韓西界多與下韓錯居東渡海通倭服屬馬韓後為新羅弁韓國

後漢書曰弁辰在弁韓之南亦十有二國其南亦與倭接弁辰與辰韓雜居城郭衣服皆同言語風俗自異

- 十二國 弁軍彌國 弁辰彌烏邪馬國 如湛國 弁辰甘路國
- 戶路國 州鮮國 馬延國 弁辰狗邪國 弁辰走漕馬國
- 弁辰安邪國 弁辰瀆盧國 斯盧國 優中國

韓百謙曰新羅儒理王十八年首露王肇國於駕洛據有辰韓之

南界其後入於新羅疑此即為弁韓之地也

臣謹按弁韓馬韓其南皆與倭接則弁韓在於馬韓南界之東以北接辰韓其四履正合駕洛之墟駕洛即伽倻之一也文獻通考以伽倻琴為弁韓琴此其證也又按漢書云辰韓有十二國而此為十三可疑辰韓十二國列錄之末有軍彌國弁韓十二國列錄之首有弁軍彌國是或相連而疊錄歟新羅初號斯盧而此有斯盧或新羅之號混入歟

補東史綱目曰下韓今慶尙道洛江以西西南跨智異山延至今全羅道東南之地東與辰韓雜居西北與馬韓接東南渡海通倭服屬馬韓後降新羅又分為五伽倻之地其在智異以西之地入

于百濟

附三韓辨說

崔致遠曰馬韓則高麗下韓則百濟辰韓則新羅
權近曰三韓之說互有不同然朝鮮王準避衛滿之亂浮海而南
開國號馬韓至百濟溫祚立遂并之今之益山有古城人稱箕準
城馬韓之爲百濟無疑矣辰韓新羅始祖所起之地新唐書曰下
韓在樂浪之地又曰平壤古漢之樂浪郡則下韓之爲高勾麗無
可疑後漢書謂下韓在南辰韓在東馬韓在西其曰下韓在南者
蓋自漢界遼東之地而云耳非謂下韓在馬辰二韓之南也崔致
遠因謂馬韓麗也下韓濟也誤矣

輿地勝覽曰京畿馬韓之域忠清全羅道下韓之域黃海道馬韓
朝鮮舊地慶尙道辰韓之地馬韓爲高勾麗辰韓爲新羅下韓爲
百濟崔致遠已有正論金富軾亦以致遠之論爲是至其中葉始
有以金馬山在百濟之境平那山在高勾麗之境平與并聲相近
遂疑馬韓爲百濟下韓爲高勾麗及金九容編周官六翼叙三韓
則云高麗并樂浪百濟并馬韓帶方至叙三國則直以高勾麗爲
馬韓百濟爲弁韓一人之言自相矛盾何足道哉逮本朝權近與
李詹修東國史畧乃斷以馬韓爲百濟下韓爲高勾麗近乃近世
大儒而爲是論以亂千載已定之論何也反覆攷中國史及東史
馬韓最大統五十四國今益山以南無地可容五十四國意者馬

韓王都密近於弁韓而東北與新羅靺鞨沃沮等封疆相接其後高勾麗東明王起於樂浪盡有馬韓東北之地後人稱麗爲馬韓者以此也後漢書載弁韓在辰韓之南亦與倭接又曰弁辰雜居不曰弁韓而曰弁辰可知二韓之相鄰附也新羅赫居世十九年弁韓以其國來降其後百濟滅馬韓兵力強盛蠶食新羅下韓舊址智異山以西盡爲所并後人稱濟爲弁韓者以此也奈何近惑於金馬平那之說謂馬韓在百濟封域之中遂以爲百濟乎且唐書所云弁韓苗裔在樂浪之地者蓋言下韓之系出自樂浪耳金富軾猶謂非實錄近顧乃引以爲證去苗裔二字直云弁韓在樂浪之地何也又其言曰後漢書謂下韓在南者蓋自漢界遼東而

云爾非謂下韓在辰馬二韓之南也信如是則其所云馬韓在西者亦可謂之遼東之西乎周官六翼云云三國遺事謂麗地自有馬邑山故名馬韓濟地自有下山故云下韓今平壤府有馬邑山扶安縣有邊山遺事之云恐或有徵是書未知誰作亦出於高麗中葉所記荒誕不經然辨三國之說則證據甚明近因崔致遠舊說以京畿忠清黃海等道係於馬韓舊域以全羅道係於下韓云韓百謙曰東方在昔自分爲南北其北本三朝鮮之地檀君與堯並立歷箕子暨衛滿分以爲四郡合以爲二府與高朱蒙迭爲盛衰東晉以後高氏遂并其地是爲高勾麗也其南乃三韓之地也漢初箕準爲衛滿所逐浮海而南至韓地金馬郡都焉稱爲韓王

地補文獻備考 卷二十三
是爲馬韓秦之亡人避役入韓地韓割東界以與之是爲辰韓又
其南有弁韓屬於辰韓各有渠帥漢書云弁韓在南辰韓在東馬
韓在西其指三韓地方亦已詳矣新莽元年溫祚滅馬韓而百濟
興焉宣帝五鳳元年朴赫居世爲辰韓六部民所推戴而新羅始
焉弁韓前史雖不言其所傳而駕洛據有辰韓之南界疑此爲下
韓之地也然則南自南北自北本不相攙入雖其界限不知的在
何處而恐不出於漢江一帶也崔致遠始謂馬韓麗也弁韓濟也
此一誤也權近雖知馬韓之爲百濟而亦不知高勾麗之非弁韓
混而說之此再誤也自是以後作史之家承誤襲謬不復就其地
而覈其實遂將一區三韓之地左牽右引紛紜錯雜至今數千年

間未有定數可勝惜哉何以明其然也當三韓時本國雖無文字
兩漢書皆有列傳試以年代上下地界遠近求之則百代雖遠歷
歷如在眼前夫何難辨之有哉漢武帝元封三年討朝鮮王右渠
遂定其地以朝鮮縣爲樂浪東晡縣爲臨屯靑縣郡爲眞番沃沮
城爲玄菟而高勾麗爲玄菟屬縣是爲四郡朝鮮縣今之平壤東
晡縣今之江陵沃沮城今之咸鏡道高勾麗今之平安道江邊一
帶此則皆有可據之書不可誣也靑縣郡雖不詳其所在當昭帝
合四郡爲二府也以樂浪臨屯合爲東府都督府以玄菟平那合
爲平州都督府樂浪臨屯之間黃海江原京畿左道地界固已相
接矣平那卽眞番之別稱玄菟旣不可跨越樂浪臨屯千里之地

而與下三道合則所謂雪縣其必在於西北與玄菟附近之地可知然則四郡二府之界限其止於此亦明矣又何時爲弁韓或馬韓耶漢書云下辰在辰韓之南亦與倭接又云弁辰與辰韓雜居衣服居處同其稱弁韓必曰弁辰則弁韓之於辰韓必爲附庸而不相懸遠可知又云馬韓統五十四國辰弁韓各統十二國所謂國卽今之郡縣合辰弁二韓僅得二十四國不能當馬韓之半以此見之湖西湖南合爲馬韓而嶺南一道自分爲辰弁二韓又何疑乎馬韓歷四郡二府至新莽時爲百濟辰韓亦歷四郡二府至宣帝時爲新羅弁韓之與辰韓始爲附庸終爲合屬如上所云則三韓又何時入中國爲四郡二府哉吾以是知四郡二府之自爲

四郡二府三韓之自爲三韓而不相涉也蓋三韓僻在東南一隅之地去中國最遠雖堯舜揖遜而聲化不暨楚漢交爭而干戈不擾耕鑿晏如長育子孫別爲天地間一壽域故西北避亂之民多歸之仍成村落各以其本管名其居慶州之得號樂浪亦如辰韓之或名秦韓也後人不知此二樂浪因以平壤爲弁韓何其誤哉臣謹按古之論方輿者常求三韓舊地於朝鮮之境又以羅麗濟三國分配於三韓之舊地辰常不易而下馬互換崔說兩失其眞權說一是一誤紛紜不定殆至數百年之久輿覽一書始置三韓於南朝鮮於北並舉而對峙之領略其大體矣但以篤信崔說故牽引下馬邊幅欲實麗濟之分占然韓百謙之論實

源於輿覽而開說分明世以為定論也

續臣謹按三韓疆界當以後漢書及韓百謙之說為正

增補文獻備考卷之十三

增補文獻備考卷之十四

弘文館纂輯校正

輿地考二

歷代國界二

百濟國

東史寶鑑溫祚初以烏干馬黎等十臣從行故國號十濟後以百姓樂從故為百濟

後漢書曰三韓凡七十八國百濟是其一也

三國史曰初沸流溫祚兄弟與烏干馬黎等十臣南奔至漢山登負兒

嶽望可居之地沸流欲居海濱十臣曰惟此漢南之地北帶漢水東據

高岳南望沃澤西阻大海可以作都沸流不聽分其民歸彌鄒忽居之

溫祚都河南慰禮城以十臣為輔翼沸流以彌鄒忽土濕水鹹不得安

居歸見慰禮都邑鼎定人民安樂遂慚悔而死其臣民皆歸於慰禮

凡都

三國地志曰慰禮城未詳地界

輿地勝覽曰稷山縣東二十里聖居山上有慰禮城

徐居正曰慰禮城世傳為稷山而負兒嶽距北二百里安能相其

可居者乎且地勢偏狹非建都之地也心竊自疑去年撰三國史

節要考諸書稷之為百濟無疑

臣謹按今稷山縣有地名以厭水圍裡坪者世傳溫王養粘糲

之處也粘糲飲水多則死故東人號以厭水有洞名以料者世

傳溫王設倉給料之處也縣東三里有溫王廟我世祖九年

始立春秋降香祝致祭今廢

三國史始祖王十三年王曰國家東有樂浪北有靺鞨侵軼疆境少有

寧日況今妖祥屢見國母棄養勢不自安秋七月就漢山下立柵移慰

禮城民戶十四年正月遷都

都凡三百七十五年○即今廣州南漢山城城中天柱寺有溫祚祠我仁祖時建

溫祚王十四年築北漢城

近肖古王二十六年移都北漢城

都凡一百四年

續臣謹按三國史近肖古王二十六年移都漢山而此直書移

都北漢城蓋認漢山為北漢而然也然以記載之體言之北字

當註明而不當特書也

文周王元年移都熊津

今公州○都凡六十六年

聖王十六年移都所夫里

一云泗泚改國號南扶餘都凡一百二十二年○所夫里古省津也方言呼省為所所或

作蘇如高勾麗之買省郡後為來蘇郡百濟之省大號縣後為蘇泰縣所又轉為所乙今嶺南之省峴俗號所乙縣是也方言謂嘴為夫里指

山之嘴也

北史曰百濟東極新羅西南俱限大海北際漢江

臣謹按以今忠清全羅二道東邊嶺脊為限而忠清之報恩青

山黃澗永同沃川是新羅地清安鎮川忠州槐山延豐陰城丹

陽永春是新羅與句麗相爭者也全羅之雲峰茂朱所屬茂豐

廢縣亦新羅地也其餘皆百濟也詳見郡縣沿革

唐書曰百濟西渡海至越州宋祁新書百濟西界越州南倭皆踰海

越州

越王句踐所都會稽山陰之地唐時為越州

文獻通考曰唐時高句麗既略有遼東百濟亦略有遼西晋平

本註唐柳城北

平之問

臣謹按三國史終百濟之世未嘗有侵撓中國者則遼西越州

以何時為百濟所略有也然而非但新舊唐書文獻通考著焉

崔致遠上唐太師侍中狀云高麗百濟全盛之時強兵百萬南

侵吳越北挑幽燕齊魯為中國巨蠹然則遼越之為百濟一時

之有者無疑而東史特逸其事耳

補東史綱目曰溫祚逃難南奔馬韓封東北百里之地都慰禮城

尋移漢山下遂定疆城南接馬韓至熊川西窮大海東至走壤北

至涓河後又並諸小國東接新羅限智異山然而今晉州嘗為百

濟之居列城則新羅西南邑亦陷於濟矣其北則初限浪河當高
勾麗長壽王二十三年卽毗有王之九年魏使李敖至麗訪其地
南至小海小海卽浪水所入處則此時浪南猶爲濟地後長壽王
攻濟都漢城殺蓋鹵王太子文周南遷熊津從此漢南北陷于麗
突然其後東城武寧王俱幸漢城聖王時麗與濊謀攻漢北獨山
城又麗出兵至浪水云則蓋其侵奪無常也百濟亡新羅併其地
置熊全武三州今兩湖是也纂要云其地東至智異山西南至大
海北至漢江者言其槩也北史云百濟馬韓之屬始立國於帶方
故地東盡新羅西南俱限大海處小海南東西四百五十里南北
九百餘里

續臣謹按百濟北漢城卽今皇城也地本係朝鮮東南之終

界後入于漢樂浪郡溫祚旣都慰禮侵蝕築北漢城至近肖古

王自南漢移都焉旣又入於高勾麗爲南京或曰南平壤

日本史謂

之漢城平壤蓋長壽王破百濟後所建置也至聖王二十八年與新

羅協攻復之後二年新羅眞興王攻奪置新州因巡幸定封疆

立石以表

在今皇城北

旋又廢新州置北漢山州

沸流國

輿地志曰彌鄒忽卽沸流所都也今仁川府南有山名南山一名
文鶴山山上有城世傳沸流所都以王恚憤而死故名恚憤城府
南十里有海坪上有大塚墻垣舊址宛然石人偃仆而甚大俗傳

彌鄒王墓云

耽羅國

初來新羅時舟泊耽津故名一名耽牟羅一名毛羅

古記曰高夫良三乙那分居始播五穀牧駒犢以富庶至十五代孫

高厚渡海朝新羅王賜厚號星主

于時客星見于南方太史奏外國人來朝之象云故也

自百

濟文周王時事百濟東城王二十年以不修貢獻親征至武珍州耽

羅聞遣使乞罪乃止百濟亡復事新羅

三國遺事安弘記九韓耽羅居四

九韓一日本二中華三吳越四毛羅五鷹遊六靺鞨七丹國八女真

九滅

休忍國

一統志曰休忍在新羅東亦三韓之屬東晉時屬燕秦滅燕遂屬秦

及符洛叛徵兵於鮮卑烏桓高句麗百濟新羅休忍諸國其後并於

百濟

州胡國

後漢書曰馬韓之西海島上有州胡國其人短小髡頭衣韋衣有上

無下好養牛豕乘船往來貨市韓中

周留城

東史曰百濟王子豐營質於倭百濟亡之翌年辛酉宗室福信據周

留城迎豐為王西北部皆應遂圍唐將劉仁願於熊津唐遣劉仁軌

與新羅兵合攻之福信乃退保任存城

今大興郡

先是風達郡將黑齒常

之收合逋亡依任存城自固不旬日歸者三萬即復三百餘城以應

福信遣使于倭乞救來癸亥仁軌等進攻周留城焚倭船四百艘於白江周留豆陵諸城皆下王子豐奔高勾麗王子二人及倭衆悉降新羅王責倭人縱令歸國獨任存城據險不下唐帝遣使招諭黑齒常之乃降仁軌遂使之攻拔任存城倭兵歸時百濟王子隨倭兵入倭所謂臨政太子也

唐五都督府

三國史曰唐高宗顯慶五年以蘇烈爲大總管新羅金仁問爲副率十三萬兵伐百濟滅之五部三十七郡二百城七十六萬戶析置五都督府卽將劉仁願守都城卽將王文度爲熊津都督撫其餘衆

熊津都督府

今公州

馬韓都督府

今益山

東明都督府

金漣都督府

今未

詳 德安都督府

臣謹按崔致遠上唐侍中書曰蘇定方破百濟乃於其地置扶餘都督府云唐破百濟則必於故都置一府觀於劉仁願之守故都可徵然則東明府卽今扶餘縣而百濟爲東明之後故名以是也且以東明府所屬諸縣考之皆是扶餘傍邑則尤可證矣至於德安則李勣狀中有得安縣今恩津縣也德得音同疑是

新羅國

三國史新羅國號徐耶伐或云斯羅或云斯盧或云新羅脫解王九年始林有鷄惟更名鷄林因以爲國號基臨王十年復號

新羅輿地勝覽後人稱凡京都亦曰徐伐後轉爲徐苑東史寶鑑新羅取日新其德網羅四方之義也

輿地勝覽曰慶州本新羅古都

小京六 中原今忠州 西原今清州 北原今原州 南原 金海 溟州

三國史曰新羅合下韓為國西至于智異北至于鷄立

東國通鑑曰新羅東南至海西至智異山北至漢水

臣謹按新羅北界得失無常所謂北至鷄立者言其上世也至

漢水者言其中葉也

東國地志曰新羅真興王以今安邊為比列州高原為井泉郡咸興黃

草嶺及端川亦有巡狩碑則沃沮亦有時為新羅所奪有矣補臣謹按本考州縣

咸鏡道卷及輿地勝覽皆以德源為井泉郡高原則無井泉之號而此以高原為井泉地志說可疑又按本考山川卷作草黃嶺而此作黃草

嶺一處恐誤

真興王巡狩定界碑在咸興府北草坊院碑文略曰朕紹太祖之基

纂承王統兢身自新又曰四方托境廣獲民土隣國誓信和使交通

又曰歲次戊子秋八月巡狩管境訪采民心

臣謹按草坊院在今咸興府北百餘里草黃嶺下坊輿地勝覽

作黃坊黃音相近海東集古錄碑十二行行三十五字全碑為

四百二十字而滅泐不可辨可辨者僅二百七十八字今考新

羅本紀真興王十六年戊子補臣謹按真興王庚申即位戊子

及干支一處恐誤冬十月巡北漢山拓定封疆十二月至自北漢山所

經州郡復一年租則戊子果真興巡狩咸興之年而八月定界

十月至北漢十二月還都八月事特逸於史耳當三國鼎峙之

時新羅之地不得過比列忽比列忽今之安邊府也逮三國統

合之後又不能過泉井泉井今之德源府也咸興在安邊之北

二百餘里端川在咸興之北三百六十里補臣謹按以本考道里記觀之咸興在安

邊北三百一十里端川在咸興北三百八十五里今此二府道里恐欠考而以巡狩碑觀之端川以

南嘗折入於新羅者可知此國史野乘所不著而獨荒裔片石

留作千古故事矣

太宗王七年滅百濟文武王戊辰滅高勾麗神文王乙酉合三國地置

九州東西南俱際海北則自浪江同今大江以南東至德源為界自真聖女

君以後八州盡入於萱裔之竊據而垂亡只有良州而已景哀王二年

高鬱府川今永將軍能文降于高麗高麗王以高鬱近於王都勞慰而遣

之

補東史綱目曰新羅其始起於辰韓之地今慶州即其肇業之基

也此時辰下所統諸小國存滅未詳而以其見於東史者言之則

洛江以東有伊西國押梁國骨火國召文國昌寧國葭山國又有

音泮伐國洛江以西有甘文國沙伐國又有駕洛國及五伽伽國

分治則新羅初起其地甚少後來吞併遂拓土西至智異山接百

濟西北至漢江北至井泉郡接高勾麗東南至大海通倭此其大

槩也然而互相侵伐得失無常訖解王開碧骨堤真興王置完山

州百濟東南郡邑蓋多入于羅矣真興王置北漢山州善德主時

高勾麗來侵七重城句麗東南亦多入于羅矣及併麗濟三面際

海而西北則只得句麗南界聖德王三十四年勅賜浪江以南地

至唐岳土山為界後涇北之地唐亦不能有而為渤海靺鞨所據矣東北濊貊地曾已入羅而北界止於井泉郡景德王築炭項關門疑今德源府鐵關之地也

補李暉光曰山海經曰海東有君子國衣冠帶劍好讓不爭有權花草朝生夕死又古今記曰君子國地方千里多木槿花唐玄宗謂新羅號為君子之國且高麗時表辭稱本國為槿花鄉

于尸山國

居漆山國

葺山國

補臣謹按輿覽東萊卷云取葺山國為居漆山郡而無併列二國之事此以居漆山葺山分作二國恐欠攷

脫解王二十三年于尸山國漆山國介在隣境頗為國患居道人名為

邊官每年集群馬於張吐之野使兵士騎之以為戲樂稱以為馬技兩國人習見之為新羅常事於是起兵擊其不意滅二國

三國史地志曰有隣郡本高勾麗于尸郡東萊郡本新羅居漆山郡

有隣今寧海

音泚伐國

伐或作火新羅方言坪謂之伐火謂之弗變伐為火二音相似故也

婆娑王二十三年音泚伐國與悉直谷國爭疆王召首露王決之六部會饗首露漢祗部以位卑者主之首露怒命奴殺之奴逃依音泚伐主王索其奴主不送王怒伐之音泚伐主以其衆降

輿地勝覽曰興海郡本音泚伐一云安康廢縣

悉直國

婆娑王二十三年悉直國來降

輿地志曰悉直今三陟府府北葛夜山上有古城城中有古井相傳

悉直時井

押督國 督一作梁

婆娑王二十三年押督國來降逸聖王十三年押督叛討平之徙其

餘衆於南地

輿地勝覽曰押督今慶山縣東十二里有押梁驛世傳古國基

比只國

多伐國

草入國

婆娑王二十九年遣兵伐比只國多伐國草入國并之 草入今草溪

召文國

伐休王二年拜波珍殄仇道一吉滄仇須兮為左右軍主伐召文國

滅之以其地為郡 召文今義城

甘文國

助賁王二年以伊滄于老為大將軍討破甘文國以其地為郡

輿地志曰甘文今開寧縣縣北二十里有大塚世傳甘文金孝王陵

縣西熊峴有大塚世傳甘文時獐夫人塚甘文山在縣北二里柳山

在縣東二里山北東院傍甘文國遺基猶存東史云大發兵三十蓋

國之至小者也

骨伐國

助賁王七年二月骨伐國王阿音夫率衆來降賜田宅以安之以其

地爲郡

輿地勝覽曰骨伐今永川所屬臨川廢縣之地在今州治

沙梁伐國

一云沙伐

沾解王三年沙梁伐國背而歸百濟遣于老討滅之

輿地勝覽曰沙梁伐今尙州東十里有屏風山山下有沙伐國古

城城傍有丘陵然世傳沙伐王陵

伊西古國

儒禮王十四年

或作十九年

伊西古國來圍金城王大舉兵擊破

續臣謹按儒理王十九年滅伊西國至儒禮王十四年復反擊

破之此所以伊西之下獨著古國二字且儒禮王在位十五年

無十九年

輿地勝覽曰清道郡本伊西小國

于山國

智證王十三年于山人恃險不服河瑟羅

三國史作何瑟羅

軍主異斯夫多

造木獅分載戰船至其島以威之國人懼遂服歲以土宜爲貢

于山今嶺

嶺島

金官國

初號鷓洛或作伽落又稱伽耶後改爲金官鷓洛國紀亦稱

十一

輿地志曰今金海府宮墟在府西三百步有首露王墓墓傍有廟龜
旨山東有王妃墓府人并祭以正五八月新羅未有英規者奪廟為

淫祠後入廟樑折壓死宣祖壬辰倭寇發其墓棺中欵以金玉頭骨
大如銅盆棺外有二美人顏色如生出置墟

中見日即消蓋
當時殉葬者也

駕洛國紀曰東以黃山江西南以滄海西北以地理山東北以伽倻

山南為國黃山江俗號三叉
水在金海府東

臣謹按金官四履古記所載有可以證者三國史新羅祗摩王

四年春伽倻寇南邊秋王親征伽倻帥步騎度黃山江伽倻人

伏兵以待之王不覺直前伏發圍數重王奮擊決圍而退觀於

此則東界黃山江者可知婆娑王十八年以國家西隣百濟南

接伽倻築加召馬頭二城加召即今居昌縣馬頭未詳地分而

似是馬利縣即今安義所屬廢縣利安也觀於此則西至地理

山者可知

大伽倻國自始祖伊珍阿敏王一云內珍朱智
至道設智王凡十六世五百二十年

真興王二十三年伽倻叛王命異斯夫討降之

輿地志曰大伽倻今高靈縣縣南一里有宮闕遺址傍有石井俗傳

御井縣西二里許有古藏世傳錦林王陵琴谷在縣北三里世傳伽

倻國嘉悉王樂師于勒率工人肄琴之地或云此琴出於金官之伽

倻國東京堤在縣東十里世傳新羅謀攻大伽倻舉兵來知有備而

退夜築此堤以示其衆

小伽倻國

高麗地志曰固城縣本小伽倻新羅取之置郡

古寧伽倻國

三國地志曰古寧郡本古寧伽倻國新羅取之為郡

古寧伽倻今咸昌

阿羅伽倻國

羅一作那云阿尸良

法興王滅阿尸良國以其地為州景德王改為咸安郡

輿地勝覽曰今咸安郡北白沙里有古國牛谷東西境上有古塚高

五丈者四十餘所皆其國君之葬古老相傳

補臣謹按原本所載雖如此白沙里古國牛谷

古塚等說不載輿覽欠攷

續臣謹按阿羅蓋嘉悉王之國而伽倻琴所出也據三國史新

羅王用嘉悉臣于勒所造琴樂曰伽倻王淫亂自滅樂何罪乎

此時大伽倻尚未亡而上距阿羅之滅纔十餘年則所謂嘉悉

者非阿羅王而何

星山伽倻國

東國記異曰星山伽倻今京山一云碧珍

三國遺事以星山為六伽倻之一

臣謹按右五伽倻五童子分主者也權近以金官列於五伽倻

東國記異註金官不入五數是矣東國史略則并數金官而濫

記昌寧誤矣

骨浦國

漆浦國

補臣謹按輿地勝覽興海郡有古漆浦鎮疑是漆古國

古浦國

奈解王十七年骨浦漆浦古浦三國攻新羅竭火城王率兵救之大

破三國

臣謹按三國地志新羅合浦縣本骨浦縣今廢屬昌原府此為

骨浦國故地也奈解王十四年浦上八國謀侵加羅國然則國

於浦上者多而國名亦多不傳

補臣謹按輿地勝覽慶山縣有古浦城舊基疑是古浦古國

加羅國

續臣謹按加羅卽駕洛變稱而非別有一國也

任羅國

通典新羅傳曰百濟征高麗人不堪戎役相率歸之遂至強盛因襲

加羅任羅諸國三韓之地滅之

續臣謹按任羅任那之變稱卽大伽伽也疊書誤也

臣謹按加羅任羅今不可考而三國史新羅奈解王十四年浦

上八國謀侵加羅加羅王子來請救王命太子于老原本作于克今厘改

往救之擊殺八國將軍奪所虜六千人還之以浦上八國侵伐

及所虜六千人觀之加羅蓋近浦上而其國之不甚小可知文

獻通考宋文帝元嘉間倭王珍遣使自稱持節都督百濟新羅

任羅秦韓慕韓六國諸軍事倭國王後宋加倭王職皆如故以

任羅列於百濟新羅則任羅亦不小之國也三國史斯多舍傳
眞興王命異斯夫襲加羅註云加羅一云加耶然則加羅是加
耶別稱歟異斯夫所滅卽大伽伽也

臣謹按任那之見於東史者僅不過新羅史任強首傳云國
原京任那人國原今忠州舊號故後世遂以任那爲忠州屬地
然據日本史則任那國之交通已在崇神新羅赫居世之代居

三國之最先歷三百餘年至孝德新羅善德王之初其間交聘
侵伐置府屯戍之跡昭載歷歷往來如織與新羅百濟並稱而
列數之則其國之大亦非甘文押督之可比其迹不少概見於

三國史何也且當時伽伽加羅之國其地在今慶尙東南沿海

最與日本接近則宜其與日本交通頻繁於羅濟而日本之史
亦無加羅之迹何哉今以日史考之則任那之爲伽伽明矣新
羅史眞興王二十三年討滅大伽伽而與日本史新羅滅任那
之年相符又其地界來往之跡亦分明於伽伽之地則任那之
爲伽伽無疑矣且日本史每舉新羅任那百濟三國而稱爲三
韓則任那之爲三韓確矣大伽伽亡後樂師于勒入國原地有
彈琴之臺則或者國原一部原屬伽伽之地界故國亡之後于
勒入此而國原一部有任那之稱歟通典註稱任那三韓之地
其亦有據乎

昌寧國

輿地勝覽曰安東府古昌寧國

臣謹按昌寧無可考而安東本古陀耶郡本紀婆娑王五年古

陀耶郡王獻青牛安東亦古時小國也

召羅國

駒令國

東史遺記曰二國皆在今安東府界內東北一百二十里有春陽廢縣縣南十里水口有召羅國古址其西數百武有獄墟今田野間有石罌耕夫往往得之縣北三十餘里有高迪嶺山上開谷廣袤可數里三面險阻世傳駒令王立國於此與召羅國以今覺華寺今有洞口石峴為界古記駒令王率兵踰石峴將襲召羅國召羅王知之擊

走之云駒令谷口有古城門兩石礎今稱駒令坊南去十五里山上有小石城城中有將壇遺址相傳兩國相爭時留陣處云其西數里山坡上大巖刻柳底將軍留陣處七字不知何時所記

溟州國

輿地志曰周元武烈王之孫初宣德王薨無嗣羣臣奉貞懿太后命立周元為王族子上大長等敬信先入宮稱制是為元聖王周元懼禍退居溟州遂不朝請後二年封周元為溟州郡王割溟州翼嶺今

陽府 三陟斤乙於

海平

蔚珍等官為食邑

熊州都督憲昌周元之子也

王十四年據熊州叛國號長安脅武全尙康諸州及國原金官諸郡縣守令為己屬王遣張雄等討誅之古記周元敬信同母兄弟母溟州人始居蓮花峯下號蓮花夫人及周元封於溟州夫人養於周元王歲一來省四代國除為州高麗樂志高勾麗俗樂有溟州曲卽蓮

花夫人事且溟州乃新羅時置非句麗時名則溟州曲當屬新羅樂府

補保羅國

詳未

奈解王十四年侵加羅為新羅所敗即浦上八國之一

補古自國

城今固

奈解王十四年侵加羅為新羅所敗即浦上八國之一

補史勿國

川今泗

奈解王十四年侵加羅為新羅所敗即浦上八國之一

補帶方國

原今南

基臨王三年來降

續臣謹按此帶方即漢公孫康所置帶方郡也

泰封國

東史會綱曰金弓裔新羅憲安王庶子

或云景文王之

以重午日生而

有齒火焰異常王命殺之投諸樓下乳婢竊捧之手觸一目眇遂逃

匿年十餘祝髮號善宗新羅政衰盜賊蜂起沙伐州有元宗哀奴原

州有梁吉竹山有箕萱餘不可勝紀真聖王辛亥善宗投梁吉分兵

百餘東略地由雉嶽山下襲酒泉

今廢屬原州東史誤作醴泉

奈城鬱烏御珍等

十餘郡縣皆降之甲寅入溟州衆至三千五百乙卯取猪足狴川夫

若金城鐵圓等十餘郡縣始稱君海西

諸史多作溟西似誤

諸賊多來降松嶽

沙滄王隆以郡歸丙辰取僧嶺臨江二縣丁巳仁物縣降戊午以王

建為精騎大監攻取漢州所管楊州見州孔巖黔浦穴口等三十餘

城建都松嶽築勃禦塹城己未還都于鐵圓梁吉聞弓裔貳己以國
原等三十餘城勁兵欲襲之進非勞三國史作非城下弓裔迎擊大敗之
庚申使王建攻取廣州忠州唐城青州槐壤等州郡賊帥清吉莘萱
之徒望風投降辛酉僭稱王癸亥使王建率舟師由西海抵光州界
攻錦城下之改號羅州於是南方十餘郡縣皆反甄萱歸附甲子國
號摩震建元武泰攻取尙州等三十餘郡縣公州將弘奇來降乙丑
移都鐵圓之楓川原楓川原在府北二十七里今殿宇遺址猶在改元聖册分定浪西十
三鎮平壤主黔用來降甑城赤衣黃衣賊明貴等歸服己巳使王建
修戰艦于貞州海道進擊珍島郡又破皐夷島城庚午甄萱圍羅州
王建往救之戰于木浦口萱大敗辛未改國號泰封改元水德萬歲

甲戌改元政開景明王戊寅諸將士以弓裔驕虐推戴王建爲君弓
裔出奔爲斧壤民所害高麗史卷一百一十五後百濟國

東史會綱曰甄音真萱尙州加恩縣人眞聖王壬子嘯聚徒侶劫掠西
南州縣旬月之間衆至五千遂襲武州自署爲新羅西南都統兵馬
使漢南郡開國公孝恭王庚申僭稱王都全州國號後百濟遣使吳
越吳越王報聘仍加檢校太保辛酉攻大耶城不克癸亥王建取羅
州等十餘郡縣丁卯萱陷一善以南十餘郡庚午以羅州叛附弓裔
率步騎三千圍之經旬不解與王建戰大敗歸神德王壬申與弓裔
戰于德津丙子攻大耶城不克景明王戊寅熊津等十餘州縣叛高

麗來附庚辰率步騎一萬攻陷大耶仇史至于進禮

按史云錦山郡而地志云進禮

城在金海府西

高麗遣兵救之營引退甲申遣子湏彌發大耶聞詔二城卒

攻高麗曹物郡失利而歸乙酉高麗使庾黔弼攻燕山鎮斬其將吉

奐又攻任存郡殺獲三千餘人營率三千騎至曹物城高麗王亦以

精兵來與之角取居昌等二十餘城遣使稱藩于後唐策營為百濟

王丙戌進軍熊津麗王命諸城堅壁不出丁亥春高麗王以營違盟

屢侵自將伐之新羅王出兵助之營兵大敗於運州城下元甫金樂

破大良城於是百濟康州諸城皆降於麗秋營攻近品城燒之進襲

高鬱府新羅告急於高麗高麗以兵一萬赴之未至營以輕兵猝入

王都麗王聞之親率精騎兵五千星夜南馳邀營於公山之桐藪

在今

永川郡西後因號其峯太祖旨

麗軍大敗營乘勝取大木郡敬順王戊子攻康州七

月麗王攻百濟城三年城不克遂幸青州營遣兵襲之時麗將庾黔

弼城湯井郡有異夢徑趣青州遇營奮擊敗之追至禿岐鎮殺獲三

百餘人八月使將官昕城陽山高麗擊走之昕退保大耶城縱軍芟

取大木郡禾稼分兵屯烏於谷城

一名併谷城

於是竹嶺路塞麗王遣王

忠等攻拔烏於谷城己丑秋以甲兵五千攻義城府麗將洪術戰死

庚寅圍古昌郡與麗王戰於瓶山下不克於是永安河曲直明松生

等三十餘郡縣相繼來降營之與麗王戰也別遣將攻陷順州掠人

戶移入全州麗王即移軍順州以守將棄城遁降為下枝縣是時新

羅之地自溟州至興禮府百十餘城皆降高麗壬辰秋麗王親征一

牟山城冬遣舟師入禮成江取鹽白貞三州又焚船一百艘破大牛
島捉猪山島牧馬三百匹而歸燕山味谷將軍龔直叛附高麗癸巳
遣兵劫掠槽山築城甲午麗王親征運州營簡甲兵五千至庾黔弼
及其未陣擊之斬獲三千餘級熊津以北十餘城望風自降營為子
神劔所幽逃奔高麗麗王率兵擊神劔降之萱憂懣疽發死于黃山
佛寺後百濟盡平

高麗國

高麗之號或以為取義於山高水麗非也高麗起於高勾麗故地故號高麗高勾麗之麗本驪字盧溪切韻書高麗之麗作平

聲者此也若取水麗為義則當作去聲

高麗史太祖二年定都于松嶽之陽光宗十一年改開京為皇都成宗十四年為開城府

肅宗元年金謂碑引道說所記上書請置南京以時巡住六年於三角山中心大脈壬坐丙向東至大峰南至沙里西至岐峰北至面嶽為基以建宮闕辛禍八年遷都九年還開京恭讓二年復遷南京三年還開京

西京

今平壤

南京

今京都

東京

今慶州

江都

今江華

重興殿

今白川

三蘇宮

右蘇豐德

白馬山左蘇長湍白嶽北蘇今新溪箕達山

地理志曰西北自唐以來以鴨綠為限而東北則以先春嶺為界蓋西北不及高勾麗東北過之

柳馨遠曰輿覽云鏡城府久為女真所據高麗睿宗二年尹瓘逐女真城之後沒於元恭愍王收復按高麗史地理志東界州郡止

於吉州而自鏡城以北則無載焉尹瓘本傳及諸傳紀並未有見
恭愍王討小生復諸城時史稱收復和定靜邊等州鎮及咸州哈
蘭洪獻三撒之地而未有及此地者蓋麗末疆界亦不及於吉州
迤北明矣而輿覽云然未知何所據也謹考原史正之

臣謹按今平安咸鏡二道自高勾麗亡後爲渤海女真之據弓
裔所得只溟西十二鎮而已徐熙曰自契丹東京至我安北府
皆爲生女真所據光宗取之築嘉州松城熙乃成宗時人此其
耳目所及者爾至光宗成宗拓地漸遠及其末葉鴨江之內乃
盡得之麗志謂自唐以來以鴨綠爲限者其說踈矣東北則高
麗之界在於今定平之都連浦柳詔長城所止處也咸州等九

城睿宗時破女真以築者而尋卽撤還至垂亡時雖得甲州吉
州等地而非其本疆也今慶源鏡城富寧會寧鍾城慶興穩城
等府皆我朝所闢也

補本朝國界

太祖高皇帝元年壬申秋七月丙申十七日上卽位于開城壽昌宮遂
定國號曰朝鮮

四年秋九月移都漢陽先是 上命青城伯沈德符就白岳南麗宮之
西營宮闕至是 宗廟正衙文廟次第告成遂移都之號曰漢城府
定宗元年己卯時漢陽宮闕草創閭閻未備百官軍民皆懷舊都 太

上王太祖高皇帝亦思之不置 上以遷都之意問于宗室大臣僉曰可遂

以春三月至開城都焉

宗廟在新都不能親祀欲移建宗廟于開城叅贊門下府

事李居易力陳其不可且請遣大臣攝行上從之

太宗五年

月未

復都漢陽

臣謹按漢陽在百濟為北漢城在高句麗為南平壤在新羅為

太麻新州為北漢山州為漢陽郡在高麗為楊州為南京定都之後

以開城為中京未知為何時事當攷又按本朝疆域因高麗

之舊而惟咸鏡一道之地加拓千餘里蓋高麗東北界極于吉

州而本朝東北界極于慶源詳見于下又按濟州在麗未有

石迭里之亂崔瑩討平之其餘黨猶稱君主至太宗時始自

請去僭號比于內服

增補文獻備考卷之十四

增補文獻備考卷之十五

弘文館 纂輯 校正

輿地考 三

郡縣沿革

一○勝國以上

新羅 郡縣共百三十九統合後州九郡縣四百十五

原本作四百五十以下文北州

所屬並五京統合後總數釐改

補智證王六年王親定國內州郡縣

景德王十六年改九州名沙伐曰尙州歆良曰良州菁州曰康州熊川曰熊州完山曰全州武珍曰武州漢山曰漢州首若曰朔州河西曰溟

州

補丁口未能為縣者或置鄉或置部曲高麗時稱所稱處稱莊者皆類此

尙州 屬縣三青曉 領郡十

化寧 屬縣一開寧 屬縣四禦侮金 嵩善 屬縣三孝靈 體泉 屬縣四安

正永 古昌 屬縣三直寧 聞韶 屬縣四真寶比 永同 屬縣二黃 古寧 屬縣

安 善虎谿 嘉二年 屬縣二清 管城 屬縣二利

良州 屬縣一領京一郡十二

金海 京 商城 獐山 屬縣三解顏 義昌 屬縣六杞溪神光安 臨臯 屬縣

五道同臨川長 臨關 屬縣二東 東安 屬縣一 東萊 屬縣二東 義安 屬縣

鎮新寧龜白 密城 屬縣五密津尙樂 大城 屬縣一 火王 屬縣一 壽昌 屬縣

神漆隄 四大丘河濱 八里花園

康州 屬縣二屈 領郡十一

河東 屬縣三岳陽 江陽 屬縣三三岐 闕城 屬縣二丹 居昌 屬縣二咸

天嶺 屬縣二利 高靈 屬縣二新 咸安 屬縣二玄 固城 屬縣三蚊火 南

海 屬縣二蘭 巨濟 屬縣三鵝洲 星山 屬縣四新安都

熊州 屬縣二尼 領京一郡十三

西原 京 比豐 屬縣二儒 扶餘 屬縣二石 黃山 屬縣二鎮 燕山 屬縣二

谷 大麓 屬縣二金 湯井 屬縣二陰 樸城 屬縣三唐津 伊山 屬縣二今

任城 屬縣二青 嘉林 屬縣二馬 西林 屬縣二藍 富城 屬縣二地 潔城

屬縣二新 邑新良

全州 屬縣三金溝 領京一郡十

南原 京 金馬 屬縣三沃野 德殷 屬縣三市津 任實 屬縣二青 淳化 屬縣

二赤城 壁磔 屬縣二高 古阜 屬縣三扶寧 大山 屬縣三城 臨陂 屬縣九阜 澤鎮安 喜安 尙質 井邑 野西 城屬

三沃溝 金隄 屬縣四平阜 萬進禮 屬縣三伊城 尾咸悅 頃武邑 利城 萬進禮 屬縣三伊城

武州 屬縣三玄雄 領郡十五

錦山 屬縣三會津 潘南 屬縣二野 秋成 屬縣二栗 武靈 屬縣三長沙 除鯨鐵冶 老昆涇 原玉果 茂松高 敵

壓海 屬縣三碣島 務安 屬縣四咸豐多 牢山 屬縣一岫城 屬縣二森 鹽海安波 歧海際珍島 瞻北 溪珍原

靈巖 陽武 屬縣四浸溟固 寶城 屬縣四烏兒馬 陵城 屬縣二富 安黃原 耽津 邑季水代勞 里汝涇

嶺 屬縣四兆陽忠 谷城 屬縣三同福 昇平 屬縣三海邑 烈栢舟 董原 求禮富有 廬山 唏陽

漢州 屬縣二黃 領京一郡二十八

中原 京漢陽 屬縣二荒 交河 屬縣二峰 堅城 屬縣二沙 長堤 屬縣四 壤遇王 城高峰 川洞陰 金浦分

津童城 栗津 屬縣三穀壤 唐恩 屬縣二振 水城 獐口 海口 屬縣三守 成城 孔巖 郗城 威車城

鎮五陰 松嶽 屬縣二如 開城 屬縣二德 牛峰 屬縣三長湍 來蘇 屬縣二重 喬桐 隰江陰 水臨津 臨江臨湍

城赤 沂川 屬縣二濱 介山 屬縣一 槐壤 黑壤 屬縣二都 白城 屬縣二蛇 平坡 陽黃驍 陰竹 邑安峽 廣平 瀑池 重盤

海臯 屬縣一 棲巖 五關 屬縣一 永豐 屬縣二鎮 取城 屬縣三土山 雒澤 獐塞 瑞檀溪

朔州 屬縣四蘭山綠 領京一郡十二

北原 京嘉平 屬縣一 狼川 楊麓 屬縣三三嶺 連城 屬縣三丹松 遼水 狶蹄馳道 軼雲 狶嶺

楊 屬縣二文 益城 岐城 屬縣一 奈湜 屬縣二赤 峩山 屬縣一 奈靈 登茲川 通溝 山清風 鄰豐

屬縣二善 胡庭 屬縣四瑞谷 菁 井泉 屬縣三蒜山 谷玉馬 山翹溪霜陰 幽居松山

溟州 屬縣四棟隄支 領郡九

三陟 屬縣四竹嶺滿 蔚珍 屬縣一 高城 屬縣二豢 守城 屬縣二童 卿海利羽溪 海曲 獬偏險 山翼嶺 金

壤

屬縣五臨道堤上

奈城

屬縣三士春

野城

屬縣二真

有隣

屬縣一

曲城

屬縣一

金富軾曰新羅始與高勾麗百濟地錯犬牙後與唐滅二國置九

州本國界內置尙良康三州百濟國界置熊全武三州高勾麗南

界置漢朔溟三州

補神文王六年置州郡於百濟舊地以泗泚州為郡熊川郡為州置都

督廢羅州為郡武珍郡為州又置石山馬山孤山沙平四縣

補哀莊王九年發使十二道分定諸郡邑疆界

補南史曰新羅其邑在內者曰啄評在外者曰邑勒亦如中國之言

郡縣也國有六啄評五十二邑勒

高勾麗 州郡縣共百六十四

補北史曰高勾麗都平壤又有國內城及漢城亦別都也國中號為

十三京

補新唐書曰高勾麗分國中為五部曰內部即漢桂婁部亦號黃部

八曰北部即漢絕奴部或號後部曰東部即漢順奴部或號左部曰南

部即漢灌奴部亦號前部曰西部即漢清奴部

百濟 部五統郡三十七城二百

補分國內民戶為南北二部

補北史曰百濟五部上部中部前部後部又曰某都曰居拔城

亦曰固麻城其外更有五方中曰古沙城東曰得安城南曰久知下

城西曰刀先城北曰熊津城

補南史曰百濟謂邑曰擔魯國中有二十二擔魯皆以子弟宗族分居之如中國之言郡縣也

高麗 太祖二十三年改州府郡縣名成宗又改州府郡縣及關驛江浦之號遂分境內為十道就十二州各置節度使其所管州郡共五百八十餘顯宗初改置五都護七十五道安撫使尋改置四都護八牧自是以後定為五道兩界摠京四牧八府十五郡一百二十九縣三百三

十五鎮二十九

麗史云顯宗增損州縣置三京四都護八牧五十六知州二十八鎮將二十縣令其西北以鴨綠江都連浦為

界東南以海為限

高麗 臣謹按高麗初改定諸州縣而其州縣之數及名號因革麗志

不著焉綱目云高麗王建有二京六府九節度百二十郡此言

高麗初也太祖時有松京西京則其曰二京是矣新羅有六小

京九州百二十八郡則其曰六府九節度百二十郡蓋因羅之

舊而無大變革者也文獻通考云高麗王居蜀莫郡 宋史高麗王居開州

蜀莫郡按蜀莫郡疑松嶽之訛 曰開城府以新羅為東州樂浪府號東京百濟

為金州金馬郡號南京平壤為鎮州號西京凡三京四府八牧

百十八郡三百九十縣三千七百島此言顯宗時也顯宗時置

東京於新羅故都則其曰三京是矣顯宗置四都護府八牧則

其曰四部八牧是矣

補道說記曰高麗地有三京松嶽為中京木覓為南京平壤為西京

太祖并新羅百濟置東南道都部署使於慶州以商州金州晉州清州
羅州光州靜州昇州貝州今寶城○原本作見州恐誤○潭州朗州皆
隸之

成宗時定十道開城府京都領赤縣六畿縣七關內道領楊州廣州黃州海州中原道領忠

州河南道領公州嶺南道領尙嶺東道領慶州山南道領晉江南道領全

州瀛州淳州疑今淳海陽道領羅州光州靜州今長興古稱定州朔方

道領春州交州和

補臣謹按上文云十道而自關內道至朔方道凡九道麗史地
誌成宗十四年改開州為開城府管赤縣六畿縣七又定十道
關內道管二十九州八十二縣中原道管十三州四十二縣河

南道管十一州三十四縣江南道管九州四十九縣嶺南道管

十二州四十八縣嶺東道管九州四十八縣山南道管十州三

十七縣海陽道管十四州六十二縣朔方道管七州六十二縣

淇西道管十四州四縣七鎮與此不同恐當釐改

補同年罷牧為軍置十二州節度使以楊州海州為左右神策稱二輔

廣州為奉國軍忠州為昌化軍清州為全節軍公州為安節軍晉州為

定海軍尙州為歸德軍全州為順義軍羅州為鎮海軍昇州為亮海軍

黃州為天德軍慶州及西京置留守使以都團練團練使刺史觀察使

為州府之職所管州郡共五百八十餘東國地理之盛極於此矣

補十一年改州府郡縣及關驛江浦之號

補輿地勝覽江陵為東原原州為北原清州為西原忠州為中原并南原為五原各置小京

顯宗時定五道兩界王京開城府初太祖定都為開州光宗稱皇都成

宗為開城府顯宗罷府以開城長湍二縣所屬直隸尙書都省稱京畿

顯宗九年罷開城府以貞州德水江陰三縣屬開城縣以松林臨津兔山臨江積城坡平麻田七縣屬長湍縣直隸尙書都省稱京畿其後文

宗復陞開城府以都省所領十一縣屬焉屬郡一縣十二

牛峰郡開城貞州德水江陰長湍臨江兔山臨津松林麻田積城坡

平

明宗改關內道為楊廣道

睿宗初以中原河南二道合于關內道而稱楊廣忠清州道至明宗時復分為兩道稱中

原河南為忠清恭讓王又割楊廣交州西海道地入京畿為京畿左右

二道

分京畿為左右道以長湍臨江兔山臨津松林麻田積城坡平為左道開城江陰海豐德水牛峰為右道又以楊廣道漢陽南陽仁

州安山交河陽川衿川果川抱州瑞原高峰交州道鐵原永平伊川安

峽漣川朔寧隸左道以楊廣道富平江華喬桐金浦通津西海道延安

平州白州谷州遂安載寧楊廣道睿宗時以關內道之楊州廣州所領合中原河南二道為楊

廣忠清州道明宗時分為二道忠肅王時復合為一道稱楊廣道恭愍

王時稱忠清道南京楊州屬郡三交河見州抱州縣六幸州峰城高峰

領都護府一安南屬縣六衿川童城通知事郡二仁州屬郡一唐城

水州屬縣七安山永新雙阜縣令一江華屬縣三鎮江

廣州牧屬郡四川寧竹州縣三砥平龍

忠州牧屬郡一州縣五長延長豐陰

領知事郡一原州 屬郡二寧越隄州縣五平昌丹山永春酒泉黃驪

清州牧屬郡二 燕山木州 縣七 鎮州全義清川道安青塘燕岐懷仁

領知事府一公州 屬郡四德恩懷德扶餘連山縣八市津德津鎮岑儒城石城定山尼山新豐 知事郡二

洪州 屬郡三樞城大興結城縣十一高丘保寧與陽青陽德豐尼山唐津餘美驪陽貞海新平 天安 屬郡一溫水縣七牙州新

昌豐歲平澤禮山稷山安城 縣令二嘉林 屬郡一西林縣四庇仁鴻山藍浦韓山 富城 屬縣二地谷蘇泰

慶尙道 睿宗時合嶺南嶺東山南三道為一道稱慶尙晉州道明宗

時分為慶尙州道晉陝州道後復合為慶尙州道神宗時稱尙晉安東

道後改稱慶尙晉安道高宗時東界之和登定長四 原本作四州沒於

蒙古割道內平海德原盈德松生隸溟州道 原本作東 忠烈王時又以

德原盈德松生隸東界忠肅王時定為慶尙道

東京慶州屬郡四 興海長山壽城永州 縣十 安康新寧慈仁河陽清河延日解顏神光杞溪長警

領郡五蔚州 屬縣二東萊獻陽 禮州 屬府一甫城郡三英陽平海盈德縣二青臬松生 金州 屬郡二安義咸

安縣三漆原熊神合浦 梁州 屬縣二東平機張 密城 屬郡二昌寧清道縣四玄風桂城靈山豐角

晉州牧屬郡二 江城河東 縣七 泗州岳陽永善鎮海昆明班城宜寧

領知事郡一陝州 屬縣十二嘉樹三岐山陰丹溪加祚感陰利安新繁冶爐居昌草溪合陽 縣令三固城

南海 屬縣二蘭浦平山 巨濟 屬縣三鵝洲松邊溟珍

尙州牧屬郡七 聞慶龍宮開寧報令咸昌永同海平 縣十七 青山中牟虎溪禦侮多仁青理

加恩一善軍威孝靈岳溪功成 領知事府二京山 屬郡一高靈縣十四若木仁同知禮加利八營金山黃澗管城安邑陽山利山大丘花園河濱 安

東 屬郡三臨河禮安義興縣十一一直殷豐甘泉奉化安德豐山基州興州順安義城基陽

全羅道 顯宗時合江南海陽二道為全羅道

全州牧屬郡一 馬縣十一 朗山沃野鎮安紆州高山雲梯馬靈礪良利城伊城咸悅

領知事府一 南原 屬郡二任實淳昌縣七長溪赤 郡一 古阜 屬郡一

六保安扶寧井邑 仁義尙質高敞 縣令四 臨陂 屬縣四滄尾富 進禮 屬縣五富利清

同 金堤 屬縣一 金溝 屬縣一

羅州牧屬郡五 務安潭陽谷 縣十一 鐵冶潘南安老伏龍原栗除

領知事府一 長興 屬縣四遂寧會 郡四 靈光 屬郡二歷海長城縣八

豐臨苗長 沙茂松 靈巖 屬郡二黃原道康縣 寶城 屬縣七同福福城兆陽 昇

平 屬縣四富有突 縣令四海陽珍島陵城耽羅

交州道 明宗時析朔方道之春州交州東州等州縣為春州道後稱

東州道元宗時稱交州道忠肅王時稱淮陽道辛禡時并嶺東西 在嶺東者

江東府金壤歙谷高城杆城翼嶺 三陟蔚珍等縣本屬於朔方道 為交州江陵道又以忠州所管平昌

郡來隸恭讓王時割鐵原永平等縣移隸京畿

交州屬郡二 長楊 縣四 嵐谷通溝

春州屬郡二 嘉平 縣九 基麟蹄廣川洪川文

東州屬郡一 金化 縣七 朔寧平寧潭州僧

西海道 初分關內道之海州黃州等所領為西海道 分道之 元宗時

遂安谷州殷栗安岳等鎮叛付于元至忠烈王時元歸之後以黃州安

岳鐵和長命移隸北界辛禡還隸本道

安西屬縣三 鹽州白

領防禦郡一豐州屬郡一安岳縣五儒州縣令一瓮津屬縣二長鎮

黃州牧屬郡二鳳州縣一土山

領知事郡二平州屬縣一谷州屬縣二新縣令一遂安

東界靖宗時改朔方道稱東界文宗時稱東北面或稱東面東高麗

本界止于都連浦築長城置定州宣德元興三關門睿宗二年遣尹瓘

攻逐女真置咸州等九城四年撤九城與女真復界以都連浦明宗時

稱沿海溟州道而析春州交州東州等州縣別為春州一道高宗四十

五年和州迤北叛付于蒙古蒙古置雙城摠管府于和州四十六年以

忠清道之寧越平昌來隸後還其道元宗時稱江陵道忠烈王時寧越

平昌復來隸恭愍王時稱江陵朔方道遣柳仁雨攻破雙城收復和登

定長豫高文宜州及宣德元興寧仁耀德靜邊等鎮復號東北面後稱

朔方江陵道辛禡時朔方道始與江陵道分而為二道蓋鐵嶺以北稱

朔方道以南稱江陵道或分或合稱號不一而自初至末年公嶮以南

三陟以北通稱東界

安邊府屬縣七瑞谷汝山術山翼

領防禦郡九和州宜州高州文州長州定州豫州德州溟州屬縣三

善連鎮十元興寧仁耀德長平龍津永興靜邊雲林永豐隘守縣

令八鎮溟金壤屬縣三臨道歙谷高城屬縣二象杆城屬縣一翼嶺

屬縣一三陟蔚珍屬縣一

臣謹按女真者渤海之種也渤海之亡其民始去靺鞨之名稱爲女真契丹慮爲後患徙其豪右數千家於遼陽而著籍焉使不得與本國相通號熟女真卽我所稱西女真也其在本國不籍契丹者號生女真卽我所稱東女真也生女真之地在長嶺之北然其在西而不籍於契丹者西亦生也

嶺白頭山 大幹之東豆滿江之南北熟女真之地在長嶺之西鴨綠

咸州英州雄州吉州福州公嶮鎮通泰鎮平戎鎮崇寧鎮眞陽鎮宣化

鎮右睿宗時遼女真以置尋還之北青州甲州

北界 涇西道後改稱北界肅宗時又稱西北面元宗十年叛付于元

元置東寧總管府于西京畫西海道慈悲嶺爲界忠烈王十六年原本作四

年今元歸之

西京平壤府屬縣四江東江西中和順和大都護府一安北

領防禦郡二十五龜州宣州龍州麟州義州朔州昌州雲州延

州博州嘉州郭州鐵州靈州孟州德州撫州順州渭州秦州成州殷

州肅州慈州 鎮十二寧德威遠定戎寧朔安義清塞平虜朝陽陽

巖樹德安戎寧遠 縣令六通海永清咸從龍岡三和三登

江界府 泥城府 隨州

臣謹按麗史所見北狄北蕃卽女真之居今平安道者也東蕃卽女真之居今咸鏡南道及江原東北邊者也

附 高麗疆事

睿宗二年以尹瓘爲元帥吳延寵副之領兵十七萬分道入東北界大破女真悉逐之築九城徙南界民實之女真旣失窟穴誓欲報復寇鈔不絕且九城相距遼遠守備亦難諫議大夫金緣以爲不如還其地而弭兵息民女真公兄裏弗史顯等以太師烏雅束之命入朝曰昔我太師盈哥嘗言我祖宗出自大邦至于子孫義合歸附今太師烏雅束亦以大邦爲父母之國朝貢不絕不意去年大舉而入殺我耄倪置立九城使我流亡靡所抵歸故太師使我等來請舊地今若許還九城使安生業則我等告天爲誓至于子孫恪修世貢亦不敢以瓦礫投於境上王會群臣議還九城皆曰可王乃召元帥等諭還九城于女真女真諸酋長設壇於咸州門外告天誓曰而今而後至于後世無有惡心連歲

朝貢有渝此盟蕃土滅亡盟訖而退四年撤九城以次收入戰具資糧于內地

咸州

今咸

英州

僞於吉州古基尙存

雄州

僞於吉州古基尙存

吉州

志云吉在北雄在南

福州

今端

公嶮鎮

志云一云公州一云匡州一云在先春嶺東南白頭山東北一云在蘇下江邊未可攷

通泰鎮

柳馨遠曰當在

吉州

崇寧鎮

未詳

眞陽鎮

未詳

宣化鎮

志云恭愍王收後併於吉州

平戎鎮

未詳

兵馬鈐轄林彥記英州廳壁上曰肅宗十年女真乘隙構亂多殺我士民其繫縛爲奴隸者亦多矣肅宗欲仗大義以討之厥功未集永遺弓劍今上嗣位甫畢祥禫謂左右曰女真本高勾麗之部落聚居于蓋馬山東世修貢賦矣一日背畔無道先考深憤焉乃命平章事尹瓘爲行營元帥承旨吳延寵爲副率精兵三十萬

原本作三十萬記文作三十萬今

釐改俾專征討暨入賊境三軍奮呼一以當百斬首六千餘級載其弓矢來降于陣前者五千餘口其地方三百里東至于大海西北介于蓋馬山南接于長定二州本高勾麗之所有也其古碑遺跡尙有存焉夫高勾麗失之於前今上得之於後豈非天歟於是新置六城一曰鎮東軍咸州大都督府兵民一千九百四十八丁戶二曰安嶺軍英州防禦使兵民一千二百三十八丁戶三曰寧海軍雄州防禦使兵民一千四百三十六丁戶四曰吉州防禦使兵民六百八十丁戶五曰福州防禦使兵民六百三十二丁戶六曰公嶮鎮防禦使兵民五百三十二丁戶

高麗地理志曰睿宗命尹瓘等擊逐女真東至火串嶺北至弓漢嶺而至蒙羅骨嶺以爲我疆於蒙羅骨嶺下築城廊九百五十間號英州火串山下築九百九十二間號雄州吳林金村築七百七十四間號福州弓漢村築六百七十間號吉州三年二月城咸州及公嶮鎮三月築宜州通泰平戎三城四年女真亦遣使請和於是自吉州以次收入九城戰具于內地遂撤崇寧通泰眞陽三鎮英福二州又撤咸雄二州及宣化鎮以還之以此考之咸英雄福吉宜六州公嶮通泰平戎三鎮此九城之數也其撤還女真之時則無宜州及公嶮平戎二鎮而崇寧眞陽宣化三鎮乃加顯是可疑也且宜州之地在定州以南不必擊逐女真而後置也豈非適至是乃創築城堡故併稱爲九城而不在撤去之數歟

龍飛御天歌曰高麗恭讓王時兀良哈及斡朶里來朝曰昔侍中尹瓘平吾土立碑曰高麗地境今境內人民皆慕諸軍事威信而來耳遂不與爭時我太祖都揔中外諸軍事故稱諸軍事太祖享兀良哈斡朶里於第以其誠服也慶源府東北七百餘里有先春嶺卽瓘立碑處其碑四面有書胡人剝去其字後有人掘其根有高麗之境四字

續臣謹按輿地勝覽會寧府古跡云自高嶺鎮渡豆滿江至蘇下江濱有公嶮鎮古基又高麗史地理志公嶮鎮註一云孔州

今慶源一云匡州今慶源一云在先春嶺東南白頭山東北一云在

蘇下江邊丁若鏞駁之曰今詳高麗史金史諸文尹瓘之跡未

嘗踰吉州一步況於慶源況於先春嶺松花江蘇下江一名上乎據

林彥記彥麗人作英州記女真地不過三百里南自咸興北至吉州限

界分明何獨公嶮一城遠在二千里之外而叅爲九城乎承宣王字之自公嶮鎮前往英州中路遇賊而拓俊京自雄州急救之吳延寵引兵救吉州行至公嶮鎮遇賊大敗則公嶮鎮在吉州西南與英雄之城不過數十里之地何可遠求以此說觀之先春嶺碑之說殆陷於虛無也歟

輿地勝覽曰慶源府原本作慶源今釐改古孔州之地爲女真所據尹瓘逐女真

設砦爲公嶮鎮內防禦所自高嶺鎮豆滿江踰古羅耳歷吾童站英哥站至蘇下江濱有公嶮鎮古基南隣貝州北接堅州

宋史曰金人拘二帝於中京大定府靖康二年至會寧徙之韓州鶻里

改路高宗建炎四年又徙之均州五國城城在白頭山南云
古記曰五國城有二一云在江界伐登堡江越邊有方城形址一云在
會寧甫乙下堡西豆滿江南古城形址是也

一統志曰五國城在三萬衛北千里自此而東分爲五國故名

臣謹按二帝初遷之大定再遷之會寧三遷之韓州終遷之五國城蓋漸東而遠也洪皓松漠記聞云會寧西距混同江二百五十里一統志云會寧在白頭山北六十里所謂韓州非咸平路之韓州也建炎二年二帝在韓州而是歲宋遣楊應誠于高麗欲假道迎二帝則韓州之接近於高麗可知也若咸平路之韓州則在遼東之北豈可假道於高麗乎五國城在於均州而

均州之地入於我國今會寧府西甫乙下鎮西有古城址世傳爲五國城有大塚稱皇帝塚又有纍纍小塚稱侍臣塚今於古城近處時得金銀器乃禁中物又得古錢乃欽宗以前年號似是五國城也

高宗四十五年蒙古散吉大王普只官人等大兵來屯古和州地高和定長等十五州人入保猪島東北面兵馬使慎執平以猪島城大人少守之甚難以十五州人徙竹島竹島狹隘無井人皆不欲龍津人趙暉定州人卓青與女眞布只員通謀引蒙古兵乘虛殺執平以和州迤北附于蒙古蒙古乃置雙城府于和州以暉爲摠管青爲千戶恭愍王丙申以密直副使柳仁雨爲東北面兵馬使率貢天甫金天鳳

東國通鑑作金元鳳

李仁任等往擊雙城府仁兩踰鐵嶺次登州在雙城二百餘里留十餘日不進王遣兵馬判官丁臣桂諭我 桓祖內應 桓祖初以雙城千戶來朝麗王慰遣 桓

祖卽衙枚就行與仁兩合兵攻破雙城揔管趙小生逃入伊板嶺 嶺 磨天

北立石之地於是按圖收復八州五鎮以都連浦爲界復號東北面

和州 登州 高麗高宗時定平以南諸城被蒙兵移高襄州再移杆城忠烈王二十四年各還本城 定州 長

高州 預州 本編咸鏡道卷作豫州 高州 文州 宜州 宣德鎮 元興鎮

寧仁鎮 耀德鎮 靜邊鎮

辛禡十四年大明高皇帝以鐵嶺迤北本屬于元命立鐵嶺衛設鎮撫等官自遼東至鐵嶺七十站站置百戶遣遼東百戶來告遂遣朴宜中陳乞曰鐵嶺係是本國之地本國叛民卓青等以和州以北地降于元

聞知元朝瀋州有雙城縣因本國和州有小城二坐朦朧奏請遂將和州冒稱雙城以趙暉爲揔管卓青爲千戶至正十六年申達革罷還屬本國其在先臣幸逢昭代職罔愆於侯度地旣入於版圖伏望使數州之地仍爲下國之疆帝詔曰今鐵嶺之地王國有辭宜寢其事耽羅之島昔元世祖牧馬之場今元子孫來附者衆朕必不絕元嗣措諸王於島上戍兵數萬以衛之兩浙發糧以贍之使元子孫得優遊於海中不亦然乎後事竟不行 以上東北界

成宗元年上柱國崔承老疏曰我國家統三以來四十七年士卒不得安枕糧餉未免糜費者以西北隣於戎狄而防戍之所多也夫以馬歇灘爲界太祖之志也鴨江邊石城爲界大朝之所定也乞將此

增補文獻備考 卷一百一十五
兩處斷於宸衷擇要害以定疆域選士人能射御者充其防戍則京軍免更戍之勞芻粟省飛輓之費矣

四年契丹將蕭遜寧大舉入寇王率兵至西京遜寧移書促降羣臣議者或言宜割地以與而自黃州至呂嶺爲界王將從之徐熙曰自契丹東京至我安北府數百里之地舊皆爲生女真所據光宗取之築嘉州松城等城今契丹之來其志不過取此二城而其聲言取高勾麗舊地者實恐我也今見其兵勢大盛遽割西京以北與之非計也且三角以北亦高勾麗舊地彼以溪壑之欲責之無厭其可盡與乎况割地與敵萬世之耻也願駕還都城使臣等一與之戰然後議之未晚也王會羣臣募往丹營議和者徐熙請行奉書至遜寧營遜寧曰汝國興新羅地

高勾麗之地我所有也而汝侵蝕之又與我連壤而越海事宋故有今日之師若割地以獻而修朝聘可無事熙曰我國卽高勾麗之舊也故號高麗都平壤若論地界上國東京皆在我境何得謂之侵蝕乎今鴨綠江內外女真盜據其間道路梗澁甚於涉海朝聘之不通女真之故也若逐女真通道路敢不修聘辭氣慷慨遜寧知不可強遂具以聞契丹主許還兵十三年蕭遜寧致書傳丹主命將於鴨江西築五城請王亦於江東量地築城以交通車馬長開貢覲之路於是徐熙率兵逐女真城長興歸化二鎮郭龜二州置鴨綠渡句當使十四年徐熙深入逐女真城安義興化二鎮靈宣孟三州

臣謹按女真之據有西北諸城者已久而高麗不盡驅出者蓋

契丹素強暴欲留女真以作捍蔽若曹瞞之留西羌於武都以

禦吳蜀宋之太原北隣契丹不先伐河北而伐江南使劉句

原本作劉均自守其國也若使契丹朶頤東土大舉入寇則蕞爾醜

類無賴邊守而又安知契丹驅以為之先乎故畢竟盡逐以鴨

綠為界而守之也

顯宗三年契丹勅王入朝王遣使陳病不能丹主怒遣人索興化鎮通

州金史作桐州今宣川府龍州鐵州郭州金史作霍州龜州四年二月契丹使耶律行

平來索六城七月復使行平金史作資忠來索六城五年九月契丹遣將軍

李松茂又索六城十月遣國舅詳穩蕭敵烈來侵通州興化鎮將軍鄭

神勇別將周演原本作寅今釐改擊敗之斬七百餘級溺江死者甚衆六年正

月契丹兵圍興化鎮將軍高積餘趙戈等擊却之又侵通州三月侵龍

州四月使行平來又索六城王拘留不遣九月契丹來攻通州興化鎮

鄭神勇引兵出丹兵後擊殺七百餘級

六年契丹作橋船橋也於鴨綠江夾橋築東西城遣將攻之不克冬取保

州領縣一軍州二來遠縣今屬義州宣州懷化軍今未詳定州領縣一定東縣今未詳

文宗九年契丹設弓口門欄于抱州保州後改抱州城東移牒請治鴨綠以東

疆場遣柳洪同遼使審定地分未定而還尋遣使請毀保州橋朴寅亮

撰表有曰普天之下既莫非王土王臣尺地之餘何必曰我疆我理歸

汝陽之舊田撫綏弊邑回長沙之拙袖抃舞昌辰遼主覽之寢其事宣

宗三年遼於鴨江東起榷場連歲遣使請罷四年秋始許之睿宗十二

年金兵攻取遼開州遂襲來遠城及大夫乞打柳白三營耶律寧與來遠城刺史常孝孫等載其官民一百四十艘出泊江頭移牒寧德城以來遠城及抱州歸我遂泛海而遁我兵入城收兵仗錢貨寶物甚多王大悅改抱州爲義州以鴨江爲界又遣蒲馬如金請抱州金主曰抱州近爾邊境聽爾自取仁宗四年遣使奉表稱藩金遂許抱州

臣謹按保州定州等地或以爲在鴨江西北而俱係鳳凰城界內或以爲遼史取高麗保定二州云而德宗時築長城自鴨江入海處靖宗時築城梓田今昌城也遼之置此一州於江南者是欲調察高麗動靜而亦以操弄高麗及其勢窮委而去之辛苦委牒而還付者非愛高麗而欲使替受其禍以逞宿憾也高

麗不少疑慮而受之當是時尹瓘九城之役裁十餘歲餘威尙存而且金人之志方在於天下豈可爭一城又生一敵乎麗之君臣固已揣摩而猶且遣使於金遜辭乞還可謂智矣至於來遠城在江北故不欲與強虜生釁而不取其取舍亦審矣

一縣名屬抱州一城名在鴨江北

續疆域考曰西北路沿革續曰高麗既滅唐司九都督府漸遠溟西之

地淪爲賊藪二百餘年惟鴨水之沿爲渤海所得渤海之亡變爲

女真弓裔始克平壤分定溟西十三鎮高麗之初姑以薩水謂馬歇灘

爲界定宗以後稍收薩北之地指定宗築城事契丹吞噬女真交構爭疆

之患百年未息蕭遜寧之兵徐熙緩之轉禍爲福得拓地數百里

指徐熙六城事 顯宗初立契丹攻我六城討康兆自是以來索還六城鴨

江作橋遜寧之再來也姜邯贊敗之大局既決邊警少息遼置保

州今義州亦在於顯宗元年麗史無紀遼有內亂高麗乘時圖墮鴨江之

城德宗之初爰築長城後二十餘年遼又於鴨水東設弓口門遼

滅金興始取保州改稱義州始以鴨綠為界蒙古滅金侵擾我疆

林衍廢王崔坦附蒙古王位雖復崑嶺以北遂沒于元遂置東寧

府於平壤二十餘年幸而還我大明御宇議絕北元得以其時內

展疆土指恭愍王置渭原楚山至我 聖朝始克建置而江防乃

完言泥城渭原本皆女真所居而至是始經理也

元宗十年西北面兵馬營吏崔坦韓慎聞林衍廢王與三和校尉李延

齡定遠郎將桂文庇延州人玄孝哲等以誅衍為名嘯聚龍岡咸從三

和人殺咸從令崔元楫島分司御史沈元濬西京留守崔年以西北諸

城反附蒙十一年請蒙兵三千來鎮西京蒙主遣蒙哥篤領軍來賜坦

及延齡金牌孝哲銀牌以西京為東嶺府畫崑嶺為界以坦等為摠管

忠烈王十六年元罷東寧府歸我西北諸城王復為西京拜韓慎桂文

庇為大將軍玄烈為大漢尹東國通鑑作太僕尹○元有意征倭故樂受西京之叛附也

續文獻通考曰至元六年高麗李延齡崔坦等以府州鎮六十城來屬

八年改西京為東寧府十三年陞東寧路摠管府因割靜州義州麟州

威遠鎮隸婆娑府領土山縣鐵和縣通考云六十城來屬而所載者只五十○原本作四十九以下文所

列錄 釐改

東寧府 定遠府今龜城 郭州 撫州 黃州本註領安岳三和龍岡

靈州 嘉州本註遼為嘉平郡 順州本註本遼隊縣地 殷州 宿州疑肅州 德州本註

領江東永清通海順化四縣寧遠柔遠安戎三鎮 昌州 鐵州本註本市縣 泰州本註本契丹牧地領長春一縣

价州 朔州 宣州本註領寧朔葦島二縣 成州本註領樹德一縣 熙州 孟州本註領三

登一縣椒島 延州本註領陽巖一鎮 雲州 土山縣 中和縣 鐵和縣右隸

東寧路 靜州 義州 麟州 威遠鎮右隸婆府在鴨綠江北○補本考義州卷及輿覽皆云在州

南二十五里而此作在鴨綠北可疑

臣謹按續考以嘉州為遼嘉平郡順州為隊縣鐵州為安市縣

皆就鴨江北以名字之同牽合之謬矣至以泰州為契丹牧地

領長春一縣云則尤誤長春在混同江北

高宗時咸州人趙彝叛入元謀害本國說元主通日本元主遣使與本

國使偕至日本日本不納元將征日本遣將軍脫朶兒等點課本國軍

丁戰艦之數往見黑山島等海路甲戌春元以合浦縣為征東行省行省

舊地在昌原府西二十八里 遣使造戰艦三百艘以忽敦為元帥與忻都洪茶丘劉

復亨領兵二萬五千人來王以金方慶將中軍朴之亮金忻副之領兵

一萬五千餘人戰艦凡九百餘艘十月齊發合浦越十一日至一歧島

擊斬千餘級捨舟三郎浦分路而進所殺過當劉復亨中流矢死會夜

大風雨戰艦多敗還至合浦溺死不返者一萬三千五百餘人忻都茶

丘等留鎮本國忠烈王四年王如元陳請罷合浦鎮戊戌五年元遣使日

本日本殺之元將復征日本令本國造戰艦九百艘備梢工水手一萬

五千名戰士一萬名軍糧十萬石什物器械不可殫記七年三月本國將金方慶帥一萬七千餘人元將忻都洪茶丘等率蒙漢軍五萬會合

浦戰艦千餘艘我翼祖亦以朝命自東北面原本作西北面而我桓祖世襲東北面千戶

萬戶麗史亦曰自東北面將兵來觀王恐當作東北面將兵來四月王如合浦大閱范文虎自江

南將蠻軍十餘萬期會於一歧島五月諸軍發合浦六月至大明浦文

虎軍至五龍山下值大風皆溺死諸軍遂還元師不還者無慮十萬有

奇我師死者亦幾八千人壬午元罷征東省再遣兵戍合浦又遣蒙漢

軍一千四百人戍耽羅又遣使修戰艦備軍糧二十四萬石甲午元主

殂遂罷征東之議征東省之在西京者設於己巳而罷於庚寅在合浦

者設於甲戌而罷於戊寅後又設省於合浦而甲午罷

元宗十二年元將征東令忻都等設屯田經略司於鳳州等處勅本國

備農牛六千頭尋以屯田徵責無極國家路遠不能應時輸副請移屯

鹽白州忻都等從之忠烈王四年罷

忠烈王五年都評議司原本作都兵馬使今蓋改據元詔旨請於瀋州遼陽間直伊

里干蒙古言聚落也徙諸島富民二百戶居之又於鴨江內置二所所各一百

戶以供朝聘役使以上西北界

續文獻通考元至元十八年忠烈王七年以本國置站凡四十民畜凋耗併

為二十路三十年沿海立水驛自耽津至鴨綠江并楊州海口凡三十

所其所設道府有瀋陽路高麗軍民摠管府征東招討司慶尙州道全

羅州道東界交州道忠清州道西海道勸農使以上水驛

忠烈王六年元流皇子愛牙赤于大青島翌年召還

忠肅王六年元流魏王阿木哥于耽羅尋移大青島十年召還十一年

元流孛刺太子于大青島十六年召還十七年元流明宗太子妥懽帖

睦爾于大青島

忠惠王元年元遣樞密使尹受因中丞厥于等召還王遣護軍曹益清

奉迎于島忠烈王時元流賊黨塔也速于白翎島

今大青島中有元順帝宮闕遺址破瓦多

存皆青瑤也

元宗十二年三別抄叛入耽羅島王命金方慶討之元遣將忻都共平

之忻都以兵五百留鎮忠烈王三年元達魯花赤以馬五千匹來牧王

朝元奏請遂以耽羅還隸本國為濟州二十六年元太后又牧廐馬

恭愍王十一年請隸于元元置萬戶十六年元以州復屬我時牧胡強

數殺國家所遣牧使萬戶以叛金庾之討牧胡王奏請令本國自署官

擇所養馬以獻如古事元從之是歲元順帝欲避亂於濟州營建宮室

仍輸御府金帛戊申元亡己酉王召元梓人于濟州使營影殿元世等

十一人挈家以來言于宰輔曰元皇帝好興土木以失民心自知不能

卒保四海乃詔吾輩營宮耽羅欲避亂矣功未訖而亡吾輩失衣食今

被徵得有生理誠幸也然元以天下大勞民而亡高麗雖大能不失民

心乎願以此告于王宰輔不敢聞元牧子哈赤殺官吏越六年王遣崔

瑩討平之二十三年明高皇帝遣禮部主事林密使選好馬二千匹以

來於是遣門下評理韓邦彥往濟州取馬哈赤石迭里必思肖古禿不

花觀音保等曰吾何敢以世祖皇帝牧畜之馬獻諸大明只送三百匹
王遣崔瑩等領戰艦三百十四艘卒二萬五千六百人討破之斬賊魁
三人傳首于京王遣崔瑩等領戰艦三百十四艘卒二萬五千六百人討破之斬賊魁三人傳首于京
續文獻通考曰元世祖以耽羅爲南宋日本衝要亦甚注意乃於其地
立耽羅國招討司遣軍千七百人屯鎮後改爲軍民都達魯花赤總管
府又改爲軍民安撫司其貢賦歲進毛施布百疋方言謂疋爲毛施
元時以留鎮及牧馬元人來住於濟州者甚多忠烈王時元流罪
人四十於此故濟州多元人後孫其可知者今趙李石肖姜鄭張
宋周秦之籍以元爲姓貫者是也明初定雲南徙梁王家屬于濟
州今元梁安姜對之籍以雲南爲姓貫者是也

事文類聚曰嘉祐中蘇州崑山縣海上有一船桅折風飄抵岸船中有
三十餘人衣冠如唐人繫紅鞞角帶短皂布衫見人皆痛哭言語不可
曉始令書字字亦不可讀行則相綴如鴈行久之自出一書示人乃唐
天授中告勅屯羅島首領陪戎副尉制又有一書乃是上高麗表亦稱
屯羅島皆用漢字知崑山縣事使人爲治其桅桅舊植船木上不可動
工人爲之造轉軸教其起倒之法

臣謹按濟州古稱毛羅所謂屯羅之屯即毛字之誤也天授高麗太祖年號高麗史天授二十一年毛羅島主來朝王賜爵云而副尉乃高麗官名如毅宗癸酉耽羅副尉中連珍直等來獻方物者是也且本島新羅百濟時稱耽羅麗史云肅宗十年改

毛羅爲耽羅然則肅宗以前嘉祐年間以毛羅稱者可知宋人不知高麗年號有天授故指謂唐武后之年號不足怪矣



天授中書... 肅宗... 嘉祐... 毛羅... 耽羅... 宋人... 高麗... 年號... 不足... 怪矣... 增補文獻備考卷之十五

